

# 東方雜誌

第六年 第六期

大清郵政局特准掛號認爲新聞紙類

圖畫 ● 滬嘉路線舉行開車式攝影 ● 滬嘉火車在楓涇行禮時之全景 ● 鄭板橋書畫

記載 ● 宣統元年四月大事記 問天

● 憲政篇 孟森

● 世界大事記 甘永龍

諭旨 己酉四月

奏牘 ● 郵傳部右侍郎盛宣懷奏陳盡一幣制

辦法摺

章程 ● 南洋勸業會事務所詳訂各屬物產會

簡章

記事 ● 三記湘鄂路線商借外款情形 ● 天津

設立補救市面大會 ● 籌商收回膠濟鐵路辦法 ● 記汴人抵制福公司事 ● 續記

皖紳力爭銅官山礦案事 ● 南洋勸業會

記事第四 ● 滬嘉路線開車記事 ● 記銅

元貽害商民事 ● 記上海信義銀行停歇

原由 ● 杭州商學公會成立大會記事 ●

記杭州英醫士侵佔官地實情 ● 中外交

涉記要 ● 粵省頒行外人來華招工章程

● 記粵省勸辦西沙島事 ● 高麗新定限

制中國租界章程 ● 中外近事述要

調查 ● 金銀銅入口出口之比較 ● 奉天通行

之貨幣表 ● 安奉鐵路之前途 ● 東三省

礦務彙誌 ● 奉天之兩大富源 ● 東邊韓

民 ● 哈爾濱之俄國商業 ● 南滿鐵道最

近之狀況 ● 皖路公司報部情形 ● 戊申

年浙路營業表 ● 戊申年粵路車利表 ●

廣州商務之調查 ● 日軍製呢廠參觀記

● 華茶近年行銷外國情形 ● 德國勃雷

門茶商福益致中國駐德使館函

新知識 ● 算語雜譯 王壽昌

雜俎 ● 美國虐待非洲土人紀實

文苑 ● 東學西漸 姚振華

● 陳伯潛等古近體諸作

小說 ● 時譜


行紀 ● 北京巴黎間競車日記

各表 ● 宣統元年四月職官表 ● 宣統元年四

月金銀時價一覽表

附錄 ● 土耳其重頒憲法條文附土皇親臨國

會之語文



宣統元年五月二十五日發行

編輯者 華陽陳仲逸

發行者 東方雜誌社

印刷所 上海河南路北首 寶山路

總發行所 商務印書館

分售處  
 太原東羊市街 杭州清河坊 廣州雙門底  
 天津金華橋 常德常清街 廣州鈕子街  
 北京琉璃廠 漢口黃陂街 成都青石橋  
 奉天錦樓北 長沙黃道街 重慶白象街  
 濟南布政使街 南昌磨子巷 絳州學院街  
 開封西大街 福州南大街 湖州軍廳巷

寄售處 各省大書坊

本社特別廣告

啟者本雜誌向以大事記冠首凡中外重要之事無不備載然亦有事非重要而或屬內政或涉外交要為全國臣民所不可不留意者列大事記中固嫌不類若徑行刪削將使閱雜誌者幾不知有此等事非編輯員之所安也改於本年第三期起添列記事一門擇其人人注目而又確實可信者悉列入焉大雅宏達或亦有取於斯此外各門亦小有增減以無關宏旨不復瑣述

己酉年報資郵費廣告價目表

項	目	報資		郵費	
		本國	外國	本國	外國
冊一	上	三角	三角	五分	一角
冊七	下	一元八角半	一元六角	三角五分	六角
冊十三	全	三元二角半	三元	六角五分	一元三角
封		元五	元八	元五	元八
面		元五	元八	元五	元八
加		元五	元八	元五	元八
倍		元五	元八	元五	元八

以上資費均須先交

反老為童

韋廉士大醫生紅丸補丸善能益智補腦甯神養氣舉凡學裏生徒與夫運籌帷幄皆常奉之如至寶即就霍司鐸靜山先生之症而論之可知斯言不謬矣先生字純修行年五十又七生有女七人在香港博胡林聖士提反會堂傳道者已三十年矣歷年循循善誘燕翼貽謀未免鞭子常抱日來漸覺心力不如時帶暮氣得有今昔之歎脾虛腎弱病滋後閱報字始知韋廉士醫生之紅丸功深用廣購而服之遂得藥到春回精神百倍補壯腎反老為童先生欣喜之餘敬啟者致謝茲照錄登以供青盼來書云○韋廉士大醫生鑒



霍靜山先生之像

也舉凡一切因血虧所致之疾如婦女衰可頓安暢有邈問敬修醫士大醫生紅丸補丸善能益智補腦甯神養氣舉凡學裏生徒與夫運籌帷幄皆常奉之如效如神各處藥肆均有發售或直向石叻海邊第一度吊橋上海九江路門牌第八號加B字一律不取郵費

每樽價銀一元二角半  
每六樽價銀七元  
每十二樽價銀十三元

韋廉士大醫生藥局發售者


每樽價銀一元二角半  
每六樽價銀七元  
每十二樽價銀十三元

韋廉士大醫生藥局發售者


# 海軍雜誌廣告

甲午一役。我國海軍。一蹶不振者。十有餘年於茲矣。輓近文明日進。製造日精。東西列強。於海軍一途。不惜殫精積慮。以研究此殺人之術者。夫豈徒爲逞野心肆侵略封豕長蛇。鯨吞蠶食計哉。亦藉以保衛治安。永固平和。剷除覬覦。平均勢力耳。我國以二萬萬方里。四百兆人民之龐然大國。立足於東亞之衝。局勢攸關。牽掣全球。我國之安甯秩序。及萬國之和平幸福。均賴是海軍以維持之。今日者。縱令有故封可襲。成局堪師。固猶恐夫足與今日之列強。競爭此無上海權於萬一也。況竝無片甲隻影。毫末勢力。之可言哉。幸一二年來。我朝野上下。漸知此海軍一科。爲刻不容緩之要圖。於是設專部。籌經費。培人材。置軍港。造戰艦。種種擘畫。日有所聞。十年磨劍。摩礪以須。意蓋有所在也。本社同人。爰體此意。本其數年間。所見所聞。所研究。發而爲言。用具嚆矢。更以此重大責任。懼未克以此區區少數當局者。擔負愉快。而無少遺憾也。知此意者。謂此海軍雜誌。爲警鐘也可。爲露檄也可。卽謂之秦庭之哭。將伯之呼也。亦無不可。現在第一期。已經出版。以後按期刊行。海內外有志。盍勿先覩爲快。

滬嘉路舉舉行開車式攝影



滬嘉火車在楓涇行禮之時全之景



# 記載一

宣統元年四月大事記

問天

初二日 派答謝專使鎮國將軍載振往日本國法部尙書戴鴻慈往俄國 按前月 德宗梓

宮。奉移西陵。日俄兩國均派專使恭送。故 特派載振戴鴻慈往謝。同時兼派駐使李經方。楊樞。伍廷芳。劉式訓。廕

昌。陸徵祥。錢恂。雷補同。答謝諸國。

初三日 憲政編查館奏請選派京外各員充一二等諮議官奉 旨依議 名單列下。吏部

左侍郎唐景崇。學部左侍郎嚴修。丁憂禮部右侍郎張亨嘉。法部右侍郎沈家本。丁憂農工商部左侍郎

唐文治。內閣學士吳郁生。內閣學士陳寶琛。候補三品京堂孫寶琦。外務部左丞張蔭棠。吏部左丞宗

室寶銘。度支部右丞傅爾泰。禮部右丞劉果。學部左丞喬樹枏。大學堂總監督劉廷琛。法部左丞曾鑑。

奉天左參贊署黑龍江巡撫周樹模。奉天右參贊錢能訓。江甯布政使樊增祥。江蘇布政使瑞澂。署安

徽布政使沈曾植。山西布政使丁寶銓。四川布政使王人文。甘肅布政使毛慶蕃。新疆布政使王樹枏。

廣西布政使余誠格。直隸提學使傅增湘。署江甯提學使陳伯陶。署河南提學使孔祥霖。署陝西提學使

余瑩。湖北提學使高凌霨。署湖南提學使吳慶坻。署廣東提學使沈曾桐。署雲南提學使葉爾愷。署貴

州提學使陳驥。吉林交涉使鄧邦述。雲南交涉使高而謙。奉天民政使張元奇。以上三十七員。派充一等

諮議官。外務部左參議周自齊。度支部左參議曾習經。陸軍部左參議許秉琦。郵傳部左參議李稷勳。

學部候補丞參袁嘉毅。掌印給事中陳田。大理院推丞王式通。掌遼瀋道監察御史履晉。掌新疆道監察御史江春霖。丁憂四川道監察御史謝遠涵。前翰林院侍講丁仁長。前翰林院撰文王同愈。翰林院編修胡嗣瑗。翰林院編修張啓發。丁憂翰林院檢討金邦平。度支部候補參議郎中晏安瀾。學部員外郎范源廉。分部員外郎陶葆廉。江西巡警道張檢。直隸候補道嚴復。直隸候補道祁頌威。直隸補用道汪士元。江蘇候補道王仁東。山東奏關候補道周學淵。山西巡警道王為幹。直隸候補知府張一麐。候選同知日本使署二等書記官林鷗翔。以上二十七員。派充二等諮議官。

同日 稅務大臣奏陳開辦稅務學堂奉 旨依議 按原摺略言。溯自各口通商。新開遞設。其時

以事關國際貿易。總司稅務。聘用洋員。而各關辦事華員。大率賂涉西文。未能深造。前年亞東關始一用華員。充當稅司。實為設關以來僅見之事。無他。稅務本屬專科。既難得相當人員。自不能不惜才異地。年來商埠廣闊。權政日繁。不得不預備筭推人員。為樹木樹人之計。臣等一再籌商。整頓稅關。自以設立稅務學堂為先務。當於去年秋間出示。由京師及江漢江海關粵海等關。分別招考。彙由臣處錄定。計取入本科學生三十六名。補習科學生十名。於去年秋冬之間。陸續入堂肄業。該學堂本科學生。定四年畢業。嗣後仍逐年添招補習班。以便廣敷教授。每次畢業。由臣處給與畢業文憑。派往各關當差云云。

初五日 奉 旨令程德全署理奉天巡撫

初六日 奉 旨令各省財政統歸藩司或度支使經營 從度支部之請也。除鹽糧關各司道。經營

各項。按月造冊。送藩司或度支使查核外。其餘關涉財政一切局所。予限一年。次第裁撤。統歸藩司或度支使經營。



同日 度支部奏遵設幣制調查局並請鑄通用銀幣奉 旨依議 按原摺略言。幣制一端。

關係至鉅。學理既極精深。事實又多繁隨。此次設局調查。凡於國家財政之情形。民間生計之程度。各省市面之習慣。世界金融之消息。均須逐一研求。悉心體察。即各國現行幣制。及其改革成法。亦必詳稽博考。以便取資。其最要者。尤在妥籌畫一辦法。臣等自應督飭局員。將如何預備。如何推行。一切方法。詳細籌擬。另行奏明。切實辦理。惟是開局伊始。幣制尙待調查。而民生日用所需。不可一日無易中之品。光緒三十三年三月。臣部奏請試鑄通用銀幣。原以銅幣充斥。必須有銀幣以相權。因勢利導。取便流通。茲於調查幣制之時。爲暫濟民生之計。可否仍照前奏。試鑄通用銀幣。成色分量。一如其舊。作爲暫時通用之幣云云。

初九日 頒定王公世爵等爵章令嗣後王公世爵入軍隊者由專司訓練大臣發給佩帶

初十日 農工商部請 飭各省酌設蠶業講習所奉 旨依議

同日 郵傳部奏遵議陝西設立鐵路公司選舉總理分別準駁奉 旨知道 按原奏略言

前據陝西巡撫恩壽奏西潼鐵路。前經奏歸商辦。茲以認股已足六十萬。呈請奏咨立案。查陝省應修鐵路。東至潼關。與洛潼相接。西至省城。將來取道涇涼。直達蘭州。實爲西北幹路之樞紐。自應據情代奏。准其設立陝西鐵路有限公司。並懇飭部頒發關防。擬即遴舉山西候補道閻迺竹。爲坐辦總理。度支部郎中晏安瀾。爲駐京總理。山西候補道劉昌晉。吏部主事王文海。爲坐辦協理。臣部查分年籌備要政案內。奏明洛潼西潼。實爲西展之要道。擬限定兩公司自開辦之日起。於三年內集股鳩工。每年均須有三分之一。報部核明。始能准其接續籌築。屆時倘未及半。卽由部籌措鉅款。代爲建築。兩公司已集及續集之股本。儘可併入。作爲官辦商附。倘集股鳩工。不逾年限。惟稍有

欠缺。未克告成。即由部撥款資助。以竟全工。作為商辦官助。一體以股本相視。勻分利益。現在西潼鐵路。自應該令早日建築。所舉總協理閻迺竹等。應准其派充。至該公司視祗招六十萬兩。專築西潼一段。不敷尙鉅。所請設立陝西鐵路有限公司。並頒發關防之處。礙難核准。循名核實。擬請准其設立西潼鐵路有限公司。並按照洛潼等路成案。由部刊給木質關防一顆。文曰總理西潼鐵路事宜關防云云。

同日 郵傳部奏勘查洛潼鐵路路線股資大概情形奉 旨知道 按原摺略言查洛潼一路。

該公司原勘擬由澗河以南定線。現據前派勘路委員等稟稱。近南一帶。多有水患。且橫穿澗河。橋梁土工。所費甚鉅。不如改由洛陽迤北起。即在澗河以北定線。只循官道修造。由洛陽至新安鐵塔山。達鐵門鎮。離橫穿河岔。須造長橋。向西須緣山徑。然其工程尙屬平易。再西即灃池。及張茅鎮。中多石山。必須鑿洞五處。張茅鎮須造長橋。渡衝水。趨陝州。抵靈寶上坡。至稠桑鑿洞。循山嶺及電桿線路。通關鄉。向盤豆溪下坡。南過青龍澗。直抵潼關。長一百三十四英里。約合華里三百六七十里。估費約銀一千六百萬兩。至其股資。原擬籌集本銀一千五百萬元。現已收到股款。及鹽勸加價。共三十餘萬元。查洛潼一路。東接汴洛。西連西潼。稅商業論。陝省物產甚多。煤鐵石油。尤擅其勝。就軍事論。則由陝而甘。而新疆。延紆廣漠。一旦有警。運兵轉餉。關繫匪輕。現查西潼股本。尙未開收。業經部奏陳有案。而該路已收股本。比較估費。亦僅及五分之一。倘不通盤籌畫。尅日興工。則坐誤事機。其關於商業者。猶小。關於國防者。甚大。臣部前奏酌擬西潼洛潼兩路辦法片內。聲明限令兩公司同時並舉。三年告成。每年均須有三分之一。報部核明。方准接築。屆時尙未及半。或逾年限。則應分別官辦商附。商辦官助各辦法。奉 旨允准。又臣部前奏分年籌備單內。洛潼限宣統四年告成。西潼限宣統五年告成。仍應嚴令按期報告。依限完竣云云。

十二日 商辦江蘇鐵路滬嘉路線告成行開車禮 事實詳記事類。

十六日 飭內閣各部院翰林給事中御史會議 德宗升祔大禮

同日 廣東商辦新甯鐵路全路告成行開車禮 按新甯路線。共長三十六英里有奇。車站共設

十九處。用款共計銀二百六十九萬餘元。

十八日 飭度支部發帑銀六萬兩振濟甘肅災區 按甘督升允電奏甘肅連年旱歉。蘭州涼州羣

昌各屬。前歲被災。去秋尤甚。入春雪雨愆期。迄今尚未得有透雨。礮伯會常及各土司。先後報災。現在糧少價昂。飢民哀號乞命。牲畜多致餓仆云云。故特發帑以振之。

二十五日 東三省總督錫良奏裁奉天左右參贊二缺奉 旨照所請辦理 按原摺略言

東省現設奉天左參贊一員。右參贊一員。按照原奏章程。左參贊領承宣廳事。辦理全省機要事件。右參贊領諮議廳事。覈議全省章制法令。推原設官之意。係因總督將來須移駐長春。而以左右參贊。改為東三省參贊。專受欽差大臣節制。同駐長春。故吉江兩省。但設文案。而不設參贊。現在度支奇絀。移駐之議。驟難實行。而兩廳所管事務。強半為文案之事。揆諸東三省官制。既未能自為一律。即查上年總司覈定王大臣奏願各直省官制通則。亦無設立參贊之名。大官太多。新政所病。擬請將左右參贊。與承宣諮議兩廳。一併裁撤。將來總督移駐長春。再行酌量添設。其兩廳應辦事件。遵照官制通則。改設幕僚。分科辦理。

三十日 奉 旨責成禁煙大臣咨行京外各衙門將吸煙人員切實考查調驗外省文武

職官學堂並責成督撫暨將軍都統及官員師長一體確查嚴禁

是月江蘇安徽福建浙江江西湖北廣東等省大雨匝月均被水災

憲政篇

孟 森

報屢載。監國攝政王擬開憲政討論會。並聞已由某樞臣擬定宗旨。略分二則。(一)研究各部院籌備事宜。分別增減。(二)考查各省籌備事項。是否切實舉辦。以示勸懲。云云。果爾則朝廷力行憲政。可謂念茲在茲。且設科考核等事。猶不過以官治官。今則主權者親預計論。較之僅僅委任以責成功者。親切萬倍。

憲政編查館奏考覈各省籌辦憲政。謂新疆人民乏選舉資格。准如該撫所奏。從權試令於三年內備齊。俟二次選舉。如期照辦。蘇省獨能如期復選。議員猶得餘閒討論。實端方陳啟泰督率有方所致。以選舉爲州縣考成。能將籌備事宜提前趕辦者。桂撫爲最認真。調查歲出入。以東撫爲最覈實。俟考核二期時。再行分別殿最。奏明辦理。事貴實行。所望部臣疆臣。實心毅力。以辦憲政。臣館擬不時派員分赴各省。抽查與所奏是否相符。再行據實奏報。云云。此爲考覈設科以來。所得之成績如此。江蘇士民。勇於鼓吹選舉一事。至以令名施及督撫。可謂不負長官。

本月初三日。憲政編查館奏派一二等諮議官六十餘人。又片奏調入館數人。並片奏派考

核科總辦會辦幫辦正副科員等若干人。均奉 旨依議欽此。此亦憲政進行之象。報又載攝政王交諭樞臣。以近來交議事件。往往任意因循。殊屬不合。嗣後如有關於憲政者。仍限五日。重要者限半月。即尋常者亦不得過一個月。以免延誤。藉此知憲政交議期限之敦迫。變通旗制。雖不載本年籌備清單。然聞該變通旗制處議決。宣統七年裁撤旗檔十分之三。八年裁撤十分之七。九年間全行裁撤。盡歸民籍。是為變通之辦法。

其列於本年籌備清單者。仍援前例臚舉如下。

一 官民共辦者三事。

甲 舉行諮議局選舉。各省一律開辦。前月十五照章選舉之江蘇蘇屬議員。既登前期本篇中矣。本月行複選舉者。初五日有江蘇之甯屬。初六日有福建省。二十四日有奉天省。今列各省本月已選出之議員如左。

### 江蘇甯屬議員

江甯府○王乃屏 張智周 陶保晉 仇繼恒 蔣鳴慶 吳榮萃 侯瀛 王嘉賓 唐慶昇 方瑜  
嚴懋修●江甯駐防○忠俊 錦山●揚州府○夏寅官 周樹年 梁莊 張允顛 張鶴第 朱莘生  
譚慶藻 顧詠葵 汪秉忠 凌鴻域 周紘順 凌文淵 馬士杰 趙鈺鈺●淮安府○張延壽 莊其

仁 王錫爵 王化南 王以昭 陸官彥 朱繼之 周虎臣 趙承霖 ●徐州府○高梅仙 李鴻壽  
 段慶熙 朱方曾 王立廷 張伯英 張鳴鼎 葉蔚 陳士髦 馮珍文 ●通州○孫寶書 龔世清  
 張鑑泉 沙元炳 沈威壽 張蔭毅 張審 ●海州○施雲鷺 許鼎霖 耿兆豐 邵長銘

福建省議員

福州府○黃乃裳 黃鍾瓊 楊廷綸 游肇源 劉崇佑 吳廷根 趙錫榮 鄭錫光 林石衛 董藻  
 翔 余鍾英 施景琛 李駒 李仲鄴 陳位衡 林仲勳 ●福州駐防○椿安 錫楨 楊長餘 ●福甯  
 府○王邦懷 吳鴻樞 孔昭淦 ●興化府○黃紀星 陳義 鄭田龍 張步青 ●龍岩州○劉志和 謝  
 受殷 連賢基 俞光華 蘇壽喬 ●泉州府○黃謀烈 葉福鈞 黃必成 林逢喜 洪國器 洪鴻儒  
 許贊虞 施莢 林略存 林邦楨 李慕韓 陳士霖 ●延平府○高登鯉 周文麟 黃義 范宗福  
 ●建甯府○楊豫 謝滋春 潘紀雲 高士龍 王子懿 李迪瑚 孟思培 ●邵武府○上官華蓋 陳  
 梅勳 鄧畿 ●汀州府○黃金鑾 藍德光 熊秉廉 康詠 張選青 伍春蓉 鄒含英 盧初璜 ●永  
 春州○周壽恩 蘇春元 賴其俊 ●漳州府○楊嘉震 林天驥 陳之麟 鄭藻山 陳錫鵬 李鍾聲  
 張國寶

奉天省議員

奉天府○張程九 鹿鳴 書銘 孫百斛 桂森 高瀛海 王玉泉 張煥械 劉東煊 福珠隆阿  
 陳瀛洲 毛椿林 楊鴻序 宋聯琦 任聖之 牟維新 永貞 徐珍 紀鳳翽 周連昌 袁金鏡 ●

昌圖府○王文閣 劉興甲 鄭宗儒 王伯勳●新民府○惠如霖 董成珠 王化宜●海龍府○金正元 杜燮銓 王蔭棠 王在鎮●錦州府○齊廣雲 吳景濂 溫廣泰 吳國珍 杜贊宸 蕭露恩 薛俊升 王星原 馬芳田●鳳凰廳○董之威 楊雲淑 王香山 華錦堂 殷廷璋 英桂 杜培元 ●興京○辛酉山●洮南府○李冠英

自江蘇蘇屬之複選。加半預備候補當選人。各省大率多援以爲例。顧此項候補當選人。不盡見報。雖近在江蘇之甯屬。海州卽不詳其候補當選人。江甯亦止知其第一次選出之孫啟椿一人。故一概不登。以免掛漏。

候補當選人之有關係。現已發現者正不少。江蘇蘇屬議員。蘇州府屬王同愈辭職。以劉永昌遞補。常州府屬莊殿華辭職。以屠寬遞補。甯屬議員張智周撤銷。大約亦必以孫啟椿遞補。餘有無變動未詳。

本月已行初選舉者。山東安徽貴州皆初一日。浙江湖北皆十五日。獨湖南初選期通省不一。最早者長沙府之長沙縣。在本月初一日。而其同城之善化縣卽在本月二十一日。省外各屬。大率縣自爲政。各自定期十五二十等日不等。聞原定通省五月初一日初選。嗣因本年考試優拔。定五月二十日取齊。籌辦處恐誤試期。因飭提前趕辦。長

沙縣遂自定初一日。籌辦處飭與善化同日舉行。而邑紳又不欲停待。遂致各屬參差如此。并聞長沙縣投票紙。檢得被舉者有楊翠喜及本城某戲日等名。夫即不知公權爲何物。放棄之亦足以自絕於國民矣。偏以游戲示反對。湘人之頑梗無禮。固舉國之所無也。

本月所見各省之分配名額表。有江西湖南廣西安徽四省。

江西錄諮議局籌辦處電如左。

南昌府議員十四名。初選當選人一百四十名。南昌三十四。新建十九。進賢十八。奉新十一。靖安七。武甯十。義甯二十一。豐城二十一。瑞州府議員四名。初選當選人四十名。高安十五。新昌十六。上高九。廣信府議員八名。初選當選人八十名。上饒十五。玉山十四。廣豐十七。鉛山七。弋陽十四。貴谿九。興安四。南安府議員三名。初選當選人三十名。大庾五。南康十一。上猶六。崇義八。吉安府議員十四名。初選當選人一百四十名。廬陵二十。蓮花七。吉水十六。泰和十八。萬安十八。龍泉二十二。永新十七。永甯三。永豐八。安福十一。贛州府議員十三名。初選當選人一百三十名。贛縣二十五。零都十二。信豐十。興國十九。龍南十。虔南三。定南五。安遠二十八。長甯十二。會昌六。南康府議員三名。初選當選人三十名。星子六。都昌十一。建昌七。安義六。袁州府議員十二名。初選當選人一百二十名。宜春三十三。分宜十一。萍鄉二十七。萬載四十九。建昌府議員五名。初選當選人五十名。南城十四。南豐十四。新城八。廣昌九。瀘溪五。臨江府議員四名。初選當選人四十名。清



江十八。新淦七。新喻九。峽江六。饒州府議員八名。初選當選人八十名。鄱陽十七。餘干十七。樂平九。浮梁十六。德興四。萬年七。安仁十。九江府議員四名。初選當選人四十名。德化十三。德安五。瑞昌七。湖口七。彭澤八。撫州府議員十名。初選當選人一百名。臨川二十二。崇仁十八。樂安十八。東鄉十二。金谿十八。宜黃十二。甯都州議員四名。初選當選人四十名。本州十七。瑞金十五。石城八。

### 湖南錄諮議局籌辦處分配額如左。

湖南全省選舉人。現據各屬實到名冊。確定十萬零零四百八十七名。照章分除議員定額八十二名。每選舉人一千二百二十五名。應配議員一名。再以此數分除各複選區選舉人數。分配定後。計議員不足定額八名。應於零數較多之岳州府、永順府、澧州、長沙府、辰州府、桂陽州、沅州府、靖州依次配出。茲將各數照列如下。

長沙府選舉人三萬七千七百二十七名。分配議員三十名。所餘選舉人零數九百七十七名。補配議員一名。確定議員三十一名。寶慶府選舉人一萬零零十七名。分配議員八名。所餘選舉人零數二百七十七名。無補配。岳州府選舉人四千八百五十七名。分配議員三名。所餘選舉人零數一千一百八十二名。補配議員一名。確定議員四名。常德府選舉人五千四百六十四名。分配議員四名。所餘選舉人零數五百六十四名。無補配。澧州選舉人四千七百零一名。分配議員三名。所餘選舉人零數一千零二十六名。補配議員一名。確定議員四名。衡州府選舉人七千三百八十八名。分配議員六名。所餘選舉人零數三十八名。無補配。永州府選舉人八千零二十六名。分配議員六名。所餘選舉人零數六百七十六名。無補配。郴州選舉人四千二百五十九名。分配議員三名。所餘選舉人零數五百八十四名。無補配。桂陽州選舉人三千三百三十五

名。分配議員二名。所餘選舉人零數八百八十五名。補配議員一名。確定議員三名。辰州府選舉人四千六百零五名。分配議員三名。所餘選舉人零數九百三十名。補配議員一名。確定議員四名。沅州府選舉人三千二百九十六名。分配議員二名。所餘選舉人零數八百四十六名。補配議員一名。確定議員三名。永順府選舉人四千八百五十五名。分配議員三名。所餘選舉人零數一千一百八十名。補配議員一名。確定議員四名。靖州選舉人一千九百五十七名。分配議員一名。所餘選舉人零數七百三十二名。補配議員一名。確定議員二名。統計選舉人十萬零零四百八十七名。分配議員七十四名。補配八名。確定八十二名。

### 廣西錄巡撫飭各屬電文如左。

分配議員額數。照章由本部院核定電飭。本以閏月二十日爲限。嗣因鎮歸百色三屬。不敷議員一名之額。經籌辦處電飭覆查。並展緩至三月初十日爲限。茲已屆限。除百色電覆。略有增補外。鎮安未據查添。歸順稱無遺漏。仍按原票人數分配。據該處列表呈核前來。查表內開桂林府屬六千零五十七名。平樂府屬六千九百四十七名。梧州府屬七千七百六十一名。柳州府屬二千九百七十名。潯州府屬三千五百二十八名。南甯府屬三千四百一十三名。百色廳屬四千三百九十名。鬱林州屬三千零八十名。泗城府屬六百五十七名。鎮安府屬三百一十七名。太平府屬一千四百五十七名。以議員五十七名除算。每七百零六名。選出議員一名。桂林府屬應選出議員八名。平樂府屬應選出議員九名。梧州府屬應選出議員十名。柳州府屬應選出議員四名。慶遠府屬應選出議員一名。思恩州屬應選出議員二名。潯州府屬應選出議員四名。南甯府屬應選出議員四名。太平府屬應選出議員二名。共選出議員四十八名。尚餘九名。以零數比較多寡。潯州應得議員一名。

共五名。梧州應得議員一名。共十一名。泗城應得議員一名。平樂應得議員一名。共十名。慶遠應得議員一名。共三名。南甯應得議員一名。共五名。思恩應得議員一名。共三名。歸順應得議員一名。百色應得議員一名。連桂林八名。柳州四名。鬱林四名。太平二名。合足五十七名定額。鎮安以零數比較。仍居少數。未能分配。仰各府直隸州。按照議員額。分配初選當選人額數。轉行所屬遵照。撫真。

安徽錄籌辦處分配總表如左。

複選區	選舉人數	議員額數	初選當選人數	每出初選當選人一名 應有若干選舉人之數	餘數
安慶	六七一七	七	七〇	九五	六七
徽州	五九八九	六	六〇	九九	四九
甯國	七五五八	八	八〇	九四	三八
池州	二七三八	三	三〇	九一	八
太平	四二八五	五	五〇	八五	三五
廬州	九九〇一	一	一〇	九〇	一
鳳陽	一一一〇九	一	一〇	九三	一九
穎州	一一九五七	一	一〇	九一	三七
廣德	一一六九	一	一〇	一一六	九
滁州	三八四四	四	四〇	九六	四

記載一

憲政編

二百九十五

己酉

和州	三〇四一	四	四〇	一〇二	一一
六安	四〇一〇	四	四〇	一〇〇	一〇
泗州	四五八四	五	五〇	九一	三四
合計	七七九〇二	八三	八三〇		

右表第二列選舉人數。及第三列議員類數。係遵選舉章程第六十八條。分配之法。已詳列於前次分配議員表中。第四列初選當選人數。係遵選舉章程第二十七條。按照議員定額。加多十倍而分配之。第五列每出初選當選人一名應有若干選舉人之數。係遵選舉章程第二十七條第一項。定選舉人各若干名得選出初選當選人一名而分配之。其第六列餘數。不過藉備算核。而於分配各初選區初選當選人之類數。則無關係也。

山東吉林兩省。亦依浙江例。不泥於原定期限。縮短複選舉期。山東定五月初十日。吉林定六月初一日。

本月尙發現一質問選舉資格之電。則爲江西電詢身家不清白一事。查江西籌辦處。會以此項資格。稟巡撫請電館詢問。已見本年第二期雜誌本篇。當時未得其問答原文。近始得之。補錄如左。

江西巡撫致憲政編查館電云。憲政編查館鈞鑒。據諮議局籌辦處函稱。館覆山東電。身家不清白一項。以向

例不准考試出仕者爲斷。惟既經改業。例有寬典。此次事係創辦。自改業之人始。應下逮幾世。方可有選舉被選舉權。謹請示復。馮汝駉有印。憲政編查館覆電云。南昌撫臺馮。有電悉。身家不清白。係指娼優隸卒。舊例不准考試出仕者而言。至改業以後。舊例雖有報捐應試之限制。然選舉議員。則非報捐應試。實無舊例可循。且不用三代履歷。自可無庸援引比附。於報捐應試之外。更剝其選舉權。除報捐應試自應仍照舊定世次限制辦理外。至選舉議員之限制。應斷自本身。如改業後。其子孫卽不在章程第六條第七款限制之列。希轉飭遵照。此覆。憲政編查館冬印。

其關於專額議員者。有憲政館通咨各駐防等衙門文。略謂查外省駐防之設。本爲昔日因時制宜辦法。有全省俱無者。有一省一處者。亦有一省數處者。省旣不同。制亦各異。諮議局章程各省駐防一語。本指駐防住所而言。並非合全省數處駐防。均祇限於三名以內。是各省之駐防。凡將軍都統副都統城守尉各定專轄區域者。地方旣相隔越。學額亦復舊有。應各查照議員選舉章程。學額在十名以內。選舉議員一名。在二十名以內。選舉議員二名。在二十名以外。選舉議員三名云云。按從前已行選舉之省。奉吉本無專額。山西則有綏遠城及歸化兩處。江蘇則有江甯京口兩處。山東湖北浙江福建皆止一處。安徽湖南貴州皆無駐防。江蘇以分屬選舉而不甚起專額。是一是二之問題。山西則未知如何。得館咨固概無疑義矣。

駐防止可謂投票區。不得爲一初選區。更無論於複選舉區矣。獨浙江駐防。自爲初選。複選區域。聲明雖係違章。而得將軍巡撫之允許。不知其何所取義。夫專額議員。本係無法之法。籍貫不同。居址亦異。原無利害之關係。何所用其合議之體裁。特政府委曲。造就旗民。藉選舉一事。爲旗漢漸生共同關係之朕兆。杭防必深閉固拒。以畛域自封。國家爲旗民籌久計。獨杭防未能領會。宜其對於變通旗制。多有違言也。

新疆奏緩設諮議局。事竟實行。畧錄原奏。以供討論。

新疆之民。種類之雜。品格之卑。較之內地。相去奚翅倍蓰。取諮議局選舉章程。與新疆現在人格詳加比較。實有不能不因地制宜。量爲變通者。新疆向設義學。均歸官辦。近改義學爲學堂。爲時未久。辦理學務者亦多客籍。其他公益事務。籌辦尤少。欲求如第三條所載。曾在本省地方辦理學務及其他公益事務滿三年以上。著有成績者。實無其選。此選舉之難一也。新省無出洋游學生。惟省城於光緒三十一年設高等學堂。學司抵任。因學生程度過低。改爲省立中學堂。迄今尙未畢業。此外府廳州縣開辦初等小學堂。萌芽方始。求如第三條所載。曾在本國或外國中學堂及與中學同等或中學以上之學堂畢業得有文憑者。更無一人。此選舉之難二也。新省鄉試。向附甘肅。僅取中一名。前撫臣饒應祺奏增一名。而科舉旋即停止。至全省府廳州縣。惟鎮西迪化昌吉綏來阜康奇臺六屬。設有學額。通計改設行省以後。取進僅數百名。概皆流寓。名成多返其鄉。又或充本省幕友。或充各學堂肄業生。或充小學堂教員。仍應按照第七第八兩條。分別停止其選舉權及被選舉

權。此選舉之難三也。新省曾任實缺職官。文七品以上無人。武五品以上者亦不過數人。大半幼習戎行。不識文義。查照第六條。不得有選舉權及被選舉權。此選舉之難四也。新省迭經兵燹。地瘠民貧。無富紳巨賈。如第三條所載本省地方有五千元以上之營業資本或不動產者。第四條所載凡非本省籍貫之男子在寄居地方有一萬元以上之營業資本或不動產者。亦屬寥寥。即間有寄居富商。然皆自營其業。與本籍人恒多隔閡。且北路回多漢少。而回漢素相水火。畛域難化。此選舉之難五也。然此猶就北路言之。若南路疆民較多。其性之愚頑亦較甚。言語不同。文字不同。宗教不同。飲食衣服性情嗜慾亦不同。求其能操漢語識漢字者。亦未易多觀。執此生獠野蠻。而遽畀以民權。與謀國是。政與習異。法與心違。則必冥然而莫知其所以然之故。而舞文之猾吏。專橫之鄉官。且將藉勢弄權。益肆其貪利殘毒之心。以蠹民而病國。前之回疆阿奇木伯克頭目。依附官勢。魚肉同類。等於豺虎。前撫臣劉錦棠置省之初。洞悉其弊。奏請革除。言之縷切。至今二十餘年。民智未開。進化無聞。略與前同。至哈薩克布魯特諸部落。以遊牧爲業。遷徙靡常。鄙野尤甚。更難與言自治。有此數難。是以不揣冒昧。謹就新民程度。酌擬變通實行之法。查東西各國治理屬地。多用特別之法。如英之於印度。法之於安南。日本之於臺灣。皆爲專制政體。而英之殖民地制度尤詳。約略言之。其種有三。第一爲王領殖民地。第二具代表機關而未有責任內閣之殖民地。第三具代表機關而且具有責任內閣之殖民地。第一第二之制。凡施行於白人少而土人多之地者皆是。即所謂王領殖民地也。第三爲自治制度。凡施行於白人多而土人少之地者皆是。即自治殖民地也。自治爲殖民特別制度。因母國之人。移住者多。而文明程度。先有自治之能力。故國家界以自治之主權。若驟施於土人多白人少之地。則白人不能支配土人。必有破壞秩序擾害治安之

變。故殖民地經營之次序。必先經由王領土地制度。以漸達於自治制度。如英於澳洲加拿大拿達爾是也。法國初以民選議會制度輸入殖民地。但必視其地爲無關重要。乃用其制。德及荷蘭。則皆未有責任內閣之權。蓋歐洲殖民地自治制度。乃專屬之白人同種之人。其他則未有不用專制者。誠以憲法與民品。二者消長往復。相需而成。交相爲功。民品待憲法之美而後隆。憲法亦待民品之隆而後美。今擬查照各國屬地立法評議等會辦法。官紳並用。官由司局慎選諳通法政之員。呈請派委。紳由本省籍貫及寄居之漢民。具有選舉資格者。公同推擇。呈明地方官。轉呈司局詳請派委。一面由學司嚴飭各府廳州縣實心興學。南疆一帶。於初等小學堂外。並多設漢語學堂。俟各學堂學生畢業。通漢語漢文者漸多。屆舉行第二次選舉之時。再體察情形。酌量辦理。務期由專制而自治。由自治而統一。上副 聖主孜孜圖治好惡同民之至意。云云。四月二十四日奉 硃批該衙門知道。欽此。

據上摺所陳。辦理之難。容或可信。至以殖民地待新疆。則殊可愧。入版圖者百數十年。新疆開拓尤早。自設行省以來。將三十年。院司道府疊轉於上。廳州縣羅列於下。三十年爲一世。教養之效。將躋土著而受均等之文化。豈尙宜存主客之見。歧視新民。至今而尙以各國屬地爲比。倫自忘其久。爲郡縣之制。此直出人意外之言也。

聞政府近擬定解散議會專律。或稱以此防督撫之濫用權力。又或謂以此限議員干預之範圍。要之兩皆在意。但諮議局章。卽是行政官與議員之權限。舍此而更訂專律。



意將有出入於原章者乎。果爾則何以示信。若不然。又何必多此重臺。濫用權力與否。朝廷可以原章繩之。議員干預之不當。督撫自斷不容讓。吾見積威所劫。議員皆將有不稱其職之恥。未見其踰越定章。敢與督撫爲難者也。若果有對抗而煩解散國家之幸福。方大何憚憚爲。

乙 籌辦城鎮鄉地方自治。設立自治研究所。自治一端。各省泥於籌備清單。似非亘五六年不能程效。此固官之樂於延宕。然察士民之能力。其稍強幹者大半從事於省諮議局。亦有不能并力兼營之勢。以故奉頒自治章程。幾及半年。並無辦事之效。各省所屬府廳州縣。往往有設所研究者。亦祇講習法政之變名。其所進步。不過前此泛稱法政。無從知其實用。今以自治爲標的。所學卽所行。自較爲親切耳。除直隸天津自治制。早行於定章之前。此外有尅期督促之事實者。山東則有期限清單。江蘇蘇屬則有期限籌辦次序表。錄之以供參證如左。

山東籌辦地方自治期限清單

宣統元年。(照憲政籌備案清單。本年爲籌辦城鎮鄉地方自治。及設立自治研究所)

正月初六日。設立全省自治研究所。以一年爲卒業期限。每縣二人。

正月二十六日。全省自治研究所開學。

四月初二日。地方自治籌辦處設立編制科。編輯地方自治淺說。城鎮鄉地方自治章程釋義等書。及編製調查表。預備札發各府廳州縣。

四月初十日。由籌辦處行知濟南府。於全省自治研究所內。附設濟南府自治研究所。及選送各屬自治研究員。限七月初五日以前。一律到所。以六箇月爲卒業期限。每縣十人。歷城縣加送四十人。不別設縣研究所。五月初一日。行知各府廳州縣。調查各城鎮鄉原有之區域。及其名稱與人口。限至九月初一日。一律報齊。七月初十日。濟南府自治研究所開學。

九月初一日至十一月初一日。編定各城鎮鄉區域及其名稱。及發表之。

十一月初五日。行知濟南府。督飭歷城縣。設立自治公所。籌設城鎮議事會。限至次年四月初一日成立。其籌設次第。屆期另飭妥擬期限清單。

十一月初十日。咨報城鎮鄉自治區域於民政部。

十一月初十日。行知各府及直隸州。限於宣統二年正月初六日。一律設立各府及直隸州自治研究所。辦法悉仿濟南府自治研究所。

十一月二十日。頒發地方自治淺說。及地方自治章程釋義。於各州縣。並咨送民政部。

十二月初一日。全省自治研究所卒業。

十二月初五日。札委全省自治研究所卒業生。分赴各府州自治研究所。充當教員。每府四人以上。

十二月初七日。咨報全省自治研究所卒業生名冊於民政部。并呈送各科講義。

十二月初十日。行知濟南府。督飭各州縣。於宣統二年正月初六日。設立濟南府下各州縣自治研究所。以三箇月爲卒業期限。每縣百人。

十二月十五日。濟南府自治研究所卒業。

十二月二十日。札委濟南府自治研究所卒業生。分赴濟南府屬各州縣自治研究所。充當教員。每縣四人以上。

宣統二年。（照憲政籌備案清單。本年爲續辦城鎮鄉地方自治。及籌辦廳州縣地方自治。）

正月初六日至正月二十日。各府及直隸州自治研究所。限一律成立。

正月初六日至正月二十日。濟南府各州縣自治研究所。限一律成立。

正月二十日。咨報濟南府自治研究所卒業生名冊於民政部。並呈送各科講義。

正月二十日至四月二十日。編輯廳州縣地方自治章程釋義。

二月初一日。督催濟南府首縣城鎮議事會董事會。如期成立。

二月初一日。各府及直隸州自治研究所。及濟南府各州縣自治研究所。限一律開學。

三月初十日。行知濟南府。督飭各州縣。設立自治公所。籌設城鎮議事會董事會。限至八月初一日成立。其籌

設次第。屆期另飭妥擬期限清單。

四月初一日。派員分赴各府及直隸州。及濟南府各州縣。視察各地方自治研究所成績。

四月初一日。行知濟南府。督飭歷城縣。籌設縣議事會董事會。限八月初一日成立。

五月初一日。頒發廳州縣地方自治章程釋義於各縣。

五月初一日。濟南府屬各州縣自治研究所。限一律卒業。

五月初十日。行知各府及直隸州。督飭各州縣。設立各州縣自治研究所。限七月初一日以前。一律成立。辦法

悉仿濟南府屬各州縣自治研究所。

七月初一日。各府及直隸州自治研究所。及濟南府屬各州縣自治研究所。一律卒業。

七月初一日。行知濟南府。轉飭所屬各州縣。於各鄉設立宣講社。宣講地方自治淺說。及地方自治章程釋義等書。即以自治研究所畢業員充宣講員。

七月初十日。各州縣地方自治研究所。限一律開學。

八月初一日。督催歷城縣設議事會董事會。如期成立。

八月初一日。督催濟南府所屬城鎮議事會董事會。如期成立。

九月初一日。咨報各府自治研究所卒業生。及濟南府各州縣自治研究所卒業生名冊於民政部。

九月初十日。派員分赴各州縣。視察各地方自治研究所成績。

十月初十日。各州縣自治研究所。限一律卒業。

十一月初一日。行知各府。督飭各州縣。於各鄉設立宣講社。辦法同濟南府各州縣。

十二月初十日。咨報各州縣自治研究所卒業生名冊於民政部。

宣統三年。(照憲政籌備案清單。本年爲續辦城鎮鄉地方自治。續辦廳州縣地方自治。)

二月二十日。行知各府及直隸州。督飭各州縣。設立自治公所。籌設城鎮鄉議事會董事會。限至八月初一日成立。辦法以濟南府爲模範。

三月初一日。行知濟南府。督飭所屬各州縣。籌設所屬各鄉議事會鄉董。

四月初一日。行知各府及直隸州。督飭所屬首縣。籌設該縣議事會董事會。

八月初一日。督催濟南府所屬各州縣籌設之各鄉議事會鄉董。如期成立。

八月初一日。督催各府及直隸州所屬城鎮議事會董事會。如期成立。

八月初十日。督催各府及直隸州所屬首縣議事會董事會。如期成立。

宣統四年。(照憲政籌備案清單。本年爲城鎮鄉地方自治限年內粗具規模。及續辦廳州縣地方自治。)

四月初一日。行知各衝繁廳州縣。籌設該廳州縣議事會董事會。限至八月初一日成立。

八月初一日。督催各衝繁廳州縣所籌設之該廳州縣議事會董事會。如期成立。

九月初一日。行知各府及直隸州。督飭所屬各州縣。籌設鄉議事會鄉董。限至次年二月初一日。一律成立。

宣統五年。(照憲政籌備案清單。本年爲城鎮鄉地方自治一律成立。及廳州縣地方自治限年內粗具規模。)

二月初一日。督催各州縣鄉議事會鄉董。如期成立。

四月初一日。行知各偏僻廳州縣。籌設該廳州縣議事會董事會。限至八月初一日成立。

八月初一日。督催各偏僻廳州縣所籌設之該廳州縣議事會董事會。如期成立。

以上如有未籌事宜。及須隨時斟酌之處。得以隨時修改添入。  
蘇省會議廳議決城鎮鄉地方自治限期籌辦次序表

城鎮鄉同爲下級之地方自治。苟能同時舉辦。令一二年之間。各廳州縣全境之地。無不規模具備。豈非上願。然而教育既未普及。知識自有不齊。鄉間之風氣。不及城廂之開明。無可強也。因勢利導之法。宜令各廳州縣。先就城廂地方興辦自治。以勸鄉民之觀感。然後自鎮而鄉。以期逐漸推行。總以不誤籌備之年限。當無不可變通辦理也。今將酌定分年籌辦之次序如左。

宣統元年

- 一由地方官推舉城廂公正明達之紳。設立自治公所。五月初一至六月初一
- 一以城廂固有之境界。定爲城之區域。六月初一至七月初一
- 一調查城之區域內戶口總數。七月初一至十月初一
- 一調查城區域內之合格選民。造選舉人名冊。呈報地方官。十月初一至十二月十五

宣統二年

- 一舉行城議事會選舉。正月十五至三月初十五
- 一舉行城董事會選舉。三月十五至四月初一
- 一開辦城議事會。四月初一至五月初一
- 一開辦城董事會。五月初一至六月初一

- 一 就城之區域外各繁盛市鎮設立自治公所。六月初一至七月初一
- 一 公推辦事紳士調查市鎮及各鄉戶口總數。七月初一至九月初一
- 一 人口滿五萬以上之地定爲鎮之區域。九月初一至十月初一
- 一 調查各鎮合格之選民造選舉人民冊呈報地方官。十月初一至十二月初一

宣統三年

- 一 舉行鎮議事會選舉。正月初五至三月十五
- 一 舉行鎮董事會選舉。三月初五至四月初一
- 一 開辦鎮議事會。四月初一至五月初一
- 一 開辦鎮董事會。五月初一至六月初一
- 一 覆查各鄉戶口總數。六月初一至八月初一
- 一 劃定鄉之區域。八月初一至九月初一
- 一 調查各鄉合格之選民造選舉人名冊呈報地方官。九月初一至十二月初一

宣統四年

- 一 舉行鄉議事會選舉。正月十五至三月十五
- 一 舉行鄉董鄉佐選舉。三月十五至四月初一
- 一 開辦鄉議事會並任鄉董鄉佐之職。四月初一至六月初一

一於僻地人戶稀少不便合併之區域設鄉選民會並選舉鄉董鄉佐。六月初一至八月初一  
一調查城鎮鄉戶口詳細確數造具清冊。八月初一至十二月初一

右日期表係參酌各議員之意見書經議長副議長決議呈請撫憲核奪而定者所有分期籌辦事宜應遵照所定期限認真辦理至於各屬風氣通塞不同籌辦自有難易得由各府州召集廳州縣會議時照此限期內應辦事項酌量地方情形稍從變通但必依此定限祇准提前不得越後庶免延誤以期一律

以上兩件其為定限同所定之限泥於籌備清單亦同然山東之限由籌辦處定之江蘇之限乃定於會議廳會議廳無考覈之機關無批答之作用意必仍將議案交籌辦處辦理然今日諮議局籌辦處既以蘇不設局而決裁自治籌辦處又止派道府數人為總會辦餘則省城三首縣中派數紳為參議既與各屬隔膜且並無分科辦事之機杼則雖有限期之表猶空言耳

據廣西巡撫張鳴岐一奏獨能不泥館單限省城城鎮鄉自治於年內一律粗具規模以爲外屬推行之準此實今日辦自治之要著就人材較多足敷展布之處於空文研究之外與以實地之練習則甘苦自有親驗而他屬一面研究一面健羨已辦自治之城鎮鄉黑暗盡破事業勃興躍躍欲試之機較諸講義所得爲遠勝畧錄其摺如左



略言廣西僻處邊陲。風氣素稱稠蔽。人民責任心之薄弱。地方生產力之凋敝。遠在內地各省之下。臣深知廣西辦理自治之難。而又知爲憲政始基。辦理不容稍緩。是以於光緒三十三年九月。奏明設立全省自治局。以爲籌辦總匯之區。並於局內附設自治研究所。先考選桂林府所屬紳士。入所研究。以爲著手進化之本。旋因臣出省督師。稍有停滯。該局於光緒三十四年三月開辦。研究所於四月開辦。截至上年年底。綜計入所研究畢業者。共一百九十人。一切章程名冊。已於上年十月咨送民政部有案。此在未奉分年籌備清單以前。廣西即已籌辦自治之情形也。迨奉清單。本年應籌辦城鎮鄉地方自治。設立自治研究所。桂省幅員寥闊。交通不便。若省城設立一所。既苦於山川阻隔之爲難。令各屬自行設所。又苦於經費人才之無著。經臣督同局員。詳加體察。議將全省劃作三區。以桂柳慶思爲第一區。設所於桂林。以平梧潯鬱爲第二區。設所於梧州。以南太泗鎮歸百上爲第三區。設所於南甯。按屬分配名額。飭令閩省各廳州縣。考選品學素優之士紳。入所研究。於閏二月一律開學。敷以自治制度。及與自治有關係之法政學科。以十箇月畢業。畢業後。卽令回籍傳習研究。以期普及。此廣西遵照清單切實籌辦自治之情形也。城鎮鄉地方自治。粗具規模。清單本定在宣統四年。城鎮鄉地方自治一律成立。清單本定在宣統五年。推原立法之意。或因事屬創舉。端緒紛繁。若凌節而施。欲速轉虞不達。故特寬其期限。俾得從容籌備。而不遽責以定成。臣愚謂凡事百聞不如一見。以今日人民之不識負擔義務。官吏之未能悉解提倡。若不先行試辦一二處。示以模型。轉瞬卽屬一律成立之期。倉猝恐多敷衍。是以臣復飭局選派上年優等畢業學員。分任臨桂縣屬調查宣講之事。期將臨桂縣城鎮鄉地方自治。於年內粗具規模。一以樹外屬之風聲。一以驗推行之利弊。此廣西遵照清單提前籌辦自治情形也。以上辦法。於

養成人才。標示模範。固可稍提綱領。然不爲各屬定一推行之準。仍難植積小高大之基。現飭各廳州縣。於城治各設一地方自治籌辦公所。遴派正紳主辦。爲一邑籌辦總匯之區。經費就該屬原有之地方公款撥用。該公所辦事約分兩期。第一期。召集屬屬士紳。調查戶口總數。爲劃分城鎮鄉區域之預備。第二期。稟派幹員。設立城鎮籌辦事務所。爲地方自治之實行。廳州縣自治事宜。俟奉到奏定章程。亦即責成該公所繼續籌辦。以資熟手。事務所俟城鎮鄉議事會成立後裁撤。籌辦公所俟廳州縣議事會成立後裁撤。除臨桂縣籌辦公所定於四月初一日開辦外。其桂林府所屬各廳州縣。及梧州潯州南甯龍州各屬。均限以本年九月初一日。爲籌辦公所成立之期。此外各屬均分別後先。以次飭令設立。此又廣西遵照清單及奏定章程。引申籌辦自治之情形也。至憲政編查館原奏。有令各省諮議局籌辦處。兼理地方自治事宜之語。查廣西奏設全省自治局。在開辦諮議局籌辦處以前。與原奏令籌辦處兼理。俾資提挈。用意正同。該局籌辦各事。略有端倪。循序圖功。當可漸期就理。可否免其改併。俟諮議局成立時。即將諮議局籌辦處裁撤。擬請飭下憲政編查館核覆施行。四月初五日。奉硃批該衙門知道。欽此。

以上各辦法。固合廣西地理民情而言之。然急就一二處。其餘逐漸推行。各省實不得不出乎此。雖官之籌辦。不用此種方法。士民與其責官之延宕。不如以身作則。自辦一區。其功爲大。否則勉應館單。意本出於敷衍。所謂成立之效。蓋可觀矣。各省質問民政部之電。本月有湖北廣西兩處。而廣西電亦至切要。彙錄如左。

鄂督致民政部電云。民政部鑒。據湖北諮議局兼自治籌辦處稟稱。奉札發憲政編查館復核自治研究所章程。內講授科目。有現行法制大意一門。範圍頗難臆定。若詳言法制。則第四五六之三項。已列專門。第七又駭一切。所餘法制無多。若統言大意。又似包入第二科。究竟如何酌定。請電詢示遵等情。合電達祈示復。龍虞。民政部覆鄂督電云。湖北制臺鑒。虞電悉。現行法制大意。指現行一切制度之概略而言。如官制軍制審判制度之類。既與第二項法學通論專講法理者不同。亦與第四五六項解釋單行法規者各別。希即轉飭遵照。此覆民政部。

桂撫致民政部電云。民政部鈞鑒。查自治章程第十六條選民資格。以稅捐二元為要件。但數人合開之商店商號。年納稅捐滿二元者。是否可作為選民。其行使選舉權之方法如何。第三項所謂具備第二款資格。自應包女子在內。但各種公司。對於所在地方負擔頗重。是否可通用本項之規定。第十六條所謂公益捐。係確定資格之方法。九十二條所謂公益捐。係分別捐項以種類。惟附捐特捐。應由議事會呈請核辦。俱帶強迫性質。現在議事會尙未成立。調查納捐資格。究以何者為範圍。如各地教育會捐商會捐。及其他慈善事業之施與。本非總供自治之需用。而不能謂與自治無關。是否可以作算。以上各款。請大部逐一示覆為盼。岐叩。民政部覆桂撫電云。廣西撫臺鑒。沁電悉。數人合營一種商業。年納稅捐滿二元者。即由數人自行公推一人為選民。至各種公司。可以援用第十六條第三項規定。此外教育會商會及他種慈善事業。均係自治事宜。議事會未成立以前。調查納捐資格。即以各該事項捐款為範圍。此覆民政部。

觀廣西來去電。法人雖無明文承認。然已予以代理投票之權。公益捐之疑竇已祛。調

查庶較有措手處矣。

丙 調查各省人戶總數。無所進行。大約當隨自治之籌辦爲動止。

二官民皆有所待而後可辦者兩事

甲 頒布資政院章程。舉行該院選舉。選舉必在諮議局開會之時。期日已迫。而章程未頒。外間盛傳館院大臣。有變更上年奏定本章程之前兩章情事。報紙因屢載之。夫前章既未及全頒而即改。當時何以奉 特旨宣示天下。將謂 先帝之睿哲有不及。今茲各館院者。耶。三年無改之謂何。吾決流俗揣測之不足信也。

乙 頒布簡易識字課本。創設廳州縣簡易學堂。課本未頒布。

三官辦者三事。

甲 調查各省歲出入總數。中央政府所辦新政。以此事爲最有力量。且最合立憲國理財本意。集權二字。意者真有把握矣。國利民福在此一舉。所揭破者。中間爲梗之官。昔日本之維新也。倒幕而後。尊王吾國積重之勢。盈天下不止一二。幕府竭民之膏血。以供揮霍。民力不任。則以朝命壓民。國難待紓。則又以民怨抗國。不能洞徹其財政之。暗昧國與民安有相見以心之日計。臣以全力辦此。吾士民亦正以全神注之。羅縷本

月事實如下。

聞度支部尙書澤公。建議於監國。謂各省派遣監理財政官。部中設立清理財政處。原爲財政上之刷新。欲收統一之效起見。乃各部院之中。竟有主張一部中財政獨立之說者。此不惟祖制所無。亦豈各立憲國所有。現今既以憲政爲進行之準。惟有仿效各立憲國成法。財政統歸度支部管理。外而督撫內而部院不得另設銀行。濫發鈔票。鼓鑄銅元。致再釀財政混淆之現象。攝政王甚然其說云。此事爲國民所渴望。計臣有此主張。監國有此嘉納。國有賴矣。願遲尙不以明詔天下。何也。

度支部各堂官近會議清理財政事宜。澤公又謂清理財政。雖妥訂章程。限期造報。然中國向來出納款目。何嘗不造冊報部。究之所報者。乃官樣文章。奉行故事。今既簡派監理官。實行清理財政。宜將從前腐敗積習。一概廓清。於本部財政處組織清理財政官報一所。將各省財政監理官按期造報者。一一圈誌顯豁。登諸報端。公諸輿論。以便各省財政人員研究。而資改良。惟此項官報之內容。除各省按期造報。雖細如衙署局所學堂。修造工程。職員薪水。及一切雜費之出入數目諸表。均當照登外。凡關於各省財政之沿革。及各國政治家對於財政之學說。或採取輿論。或參以本部意見。以收集

思廣益之效。其他新聞。於清理財政。無何等之關係。概可從略。定每月一冊。酌收報資。頒行各省清理財政各員。以及商會自治會諮議局。一概分派。以昭大信。而便研究。以期財政早日就緒云云。夫報告財政。本爲將來編統計年鑑時。應有之義。今就清理之始。卽以其成績與天下共之。憲政本原。於是乎在中國維新之命。烏得不推度支部爲首功也。

其設施已見明文者。則爲各省財政統歸藩司一奏。本月初六奉 特諭。嗣後除鹽糧關各司道經管各項。按月造冊。送藩司或度支使查核外。其餘關涉財政一切局所。著各督撫體察情形。予限一年。次第裁撤。統歸藩司或度支使經管。所有款項。由司庫存儲。分別支領。卽由各督撫督飭該藩司等。將全省財政。通盤籌畫。認真整頓。仍著度支部隨時考核。分別勸懲。以副綜覈名實之至意。欽此。大哉 王言。先由各省集權。然後由中央直轄。執簡馭繁之要。在此。夫財政一切局所。固軍興以後之糾紛。鹽糧關各司道。則承平時固非今制。然亦不隸藩司。本非確當之政體。今承鹽政漕督關監督皆廢之後。恰以藩司爲中心。正亂極待治之會。明良一德。舉數百年渙散之弊。一旦綱紀。整然。非得憲政以爲前提。雖有聖明。或未足以語此。惟此時尙有未盡之意。大約以予限。

一。年。目。前。尚。非。實。行。明。諭。之。故。蓋。藩。司。既。統。一。財。權。當。明。定。爲。直。屬。度。支。部。之。官。無。庸。以。督。撫。爲。之。間。隔。此。應。申。明。者。一。藩。司。既。加。重。其。財。政。之。職。掌。且。直。屬。度。支。部。若。復。理。民。政。則。既。委。積。以。才。力。之。所。難。復。隔。越。其。受。成。之。所。屬。終。非。設。官。分。職。之。本。旨。似。宜。專。責。以。財。政。而。民。事。別。有。專。官。司。之。此。應。申。明。者。二。意。者。於。釐。正。外。官。制。時。一。舉。而。盡。彌。此。缺。失。乎。部。臣。此。奏。引。雲。貴。護。督。臣。沈。秉。堃。電。請。云。云。示。表。同。意。此。則。適。逢。其。會。耳。又。聞。樞。廷。會。議。添。設。各。省。參。贊。一。事。亦。緣。澤。尙。書。奏。請。以。便。用。人。行。政。分。藩。司。職。務。之。半。並。請。劃。清。藩。司。與。參。贊。間。權。限。云。云。則。上。所。言。未。盡。之。意。計。臣。早。籌。及。之。特。參。贊。是。否。必。設。之。官。民。政。是。否。宜。統。以。參。贊。恐。非。經。久。之。制。奉。天。向。設。參。贊。近。由。督。臣。奏。裁。而。吉。江。兩。省。則。設。民。政。使。似。於。吾。國。現。狀。爲。合。將。來。民。政。使。卽。直。屬。民。政。部。以。收。集。權。之。效。亦。一。便。也。

各省所派之監理官。其始會議以不負責任爲諉卸。繼則畧有建白。皆得之傳聞。不甚足據。聞會議之結果。已將前此部定清理財政專章。增訂十二條。由澤尙書核定後具奏云。

報載鄂督陳夔龍電詢清理財政監理官是否駐省。度支部覆謂伊有調查財政責任。

駐省與否。督撫未便干涉。讀此知部臣實事求是。一洗從前內外扶同欺飾之弊。

其考核之期限。前由憲政編查館會議政務處會商度支部。令各省分報財政分類表。茲擬定自宣統元年起。迄本年六月杪。卽由各省監理官會同各該督撫造報一次。再自七月初一日至歲暮。造報一次。作爲定章。聞尙須會奏一次。以便遵行云。

其關於統一紙幣者。度支部咨行各部各省。凡商辦官立各銀錢行號。所通用銀錢票。係因幣制未定以前。准其暫時發行。刻本部銀幣已議劃一辦法。如各行號。仍照舊通用銀錢票。似與銀幣制度有礙。限接到部咨之日起。盡半月內。所有未發行之票。不准發行。已發行之票。陸續收回。以歸劃一。

至所籌幣制劃一辦法。前由部奏請幣制宜策萬全。不遽以一兩半兩爲定議。政務處覆言宜設幣制調查局。至是奏請開辦。畧言此次設局調查。凡於國家財政情形。民間生計程度。各省市面習慣。世界金融消息。乃至各國現行幣制。及其改革成法。無不詳稽博考。以便取資。其各省調查之任。卽責成各省監理官。一面仍鑄通用銀幣。成色分量。一如其舊。如蒙俞允。臣部卽將此項通用銀幣。飭廠鑄造。俾官民一律行用云云。四月初六日奉 旨依議欽此。是爲不劃一之劃一。七錢二分之銀幣。今日仍爲明定之。



圖法而欲決寢一兩幣制之議。則留以待調查後之建白云。

各省清理財政局。已多奏報開辦。監理官亦陸續抵省。清理之效如何。當泚筆以從其後。

乙 籌辦各省城及商埠等處各級審判廳。此項籌辦。迭見奏報。而了無合法之處。近始見廣西巡撫張鳴岐摺。籌畫周匝。實有一司法獨立之制。爲根柢。而於法度缺畧之時。批卻導覈。思想獨絕。雖收效未可逆觀。實已有通盤籌算之能。略錄原摺。以供各省觸發之用。

奏略言司法獨立之說。雖近沿於泰西。而其制實早開於中古。周禮秋官所屬。自大司寇以迄司隸。皆專掌獄訟之官。如六鄉之獄。則以鄉士主之。六遂之獄。則以遂士主之。復有縣士以掌外野之獄。有方氏以掌都家之獄。有訝士以掌四方諸侯之獄。均係隨地設官。專司其事。其州長縣正諸職。略視今之州縣。則統系別屬於地官。職掌多關於教養。無兼治獄訟之事。降及漢唐。治獄雖尙有專官。然行政司法。權限已多混合。沿至今日。州縣均以行政官兼任司法。於是濫用司法權。以逞其私者有之。牽於行政不能盡其司法之職者亦有之。以致獄訟未盡得平。外人且藉口要索領事裁判權。失國家統治之柄。我孝欽顯皇后。德宗景皇帝。準今酌古。特改審判制度。與天下更始。限以分年籌辦。明罰勅法。薄海同欽。臣疆寄忝膺。敢不循序程功。勉圖尺寸。茲謹將籌辦情形。爲皇上陳之。查廣西六十五州縣。四直州廳。四同知。一通判。一州判。共計七十五屬。查照法

部奏定各級審判廳官制。及體察本省各屬道里遠近情形。除高等審判廳外。統計全省應設地方審判廳約七十餘所。初級審判廳約二百餘所。檢察廳數亦如之。應設員缺。亦按定章。從至少之數核計。約共二千餘人。此事造端宏大。頭緒紛繁。自本年。起。以至宣統七年。逐年均有應籌辦應成立之處。若無一總匯之區。提綱挈領。按限督催。深慮不無延誤。現擬設一審判籌備處。以爲提掣督催之所。該處定於四月初一日開辦。以臬司爲總辦。加派編習法政人員。充幫辦編制審查等差。俟全省審判廳一律成立。或臬司衙門官屬。已照新章改設科員後。即將該處裁撤。以免糜費。此通盤籌畫著手辦理之情形也。司法官屬。需員如此之多。則儲養人才。實爲籌備第一要義。臣上年。即已籌慮及此。是以有分年揀發人員來桂之請。惟目前尙無到者。只可暫就現在法政學堂肄習別科講習科各員。設法培植。別科本有。大清律例民法刑法商法等學科。自本年。起。已飭該堂。分別酌加授業時刻。並加入民事訴訟法刑事訴訟法兩項。講習科則加入。大清律例商法民刑訴訟法等科。以期畢業學員。堪備司法各官之選。此預儲異日人才之情形也。法政學堂。增訂學科。雖足儲異日之才。然畢業需時。仍難應目前之急。按照分年籌備事宜清單。省城及商埠各級審判廳。應於明年成立。廣西商埠三處。連省城併計。明年應成立高等審判廳一。地方審判廳四。初級審判廳。每城治。至少姑以二區計。共應設官一百二十餘員。需才既多。爲時復迫。勢不能不別籌儲備之方。以資急用。查省城臬司直轄。凡全省上控提審要案。均由該局審理。局中承審幫審人員。不乏明於聽斷之才。惟新制未能嫻悉。現擬將該局移設審判籌備處內。並設一研究所。令局員於審理案件之餘。入所研究審判檢察制度。及中西法律學說。復延攬會習法政品粹學優之士。來局派充幫審。俾資實習。總期渾融新舊。無礙推行。至現在本省投効。及照章

不入學堂之同通州縣佐雜亦尙有可用之人。並擬挑選文理優長者。入廳研究法律。入局參觀審判。俟屆明年成立審判廳之時。即儘以上各項人員。按其原官及成績高下。分別挨次委署推事檢察典簿主簿所官錄事等職。試署一年期滿。果能稱職。再請實授。此儲備明年應用人員之情形也。凡事非財莫舉。而刻期舉辦之事。尤非有專款不爲功。本年明年。尙在未經試辦預算以前。款項若不預籌。臨事慮多牽掣。飭據臬司預算本年審判籌備處及附設之研究所。需用經費約共一萬兩。明年省城各級審判廳。擬於四月開辦。商埠各級審判廳。擬於七月開辦。連籌辦處經費。並計約共需十一萬餘兩。廣西財政困難。本無可指之款。惟籌辦審判。關係重要。不能因無款遷延。臣現已督飭司處。設法騰挪。並將他項局所。力加裁併。籌定的款十二萬兩。專供籌辦審判之需。俾要政得以依期集事。仍飭該司。但有可以撙節之處。均須切實節省。此籌備經費之情形也。據署按察使吳徵。會同署布政使王芝祥。詳請 奏咨立案前來。此外未盡事宜。容臣督飭該司等悉心妥籌。隨時奏咨辦理。云云。宣統元年四月初四日奉 硃批該部知道欽此。

鳴岐又片奏請先定任用司法官屬暫行章程。此事責在中央。而關係籌辦甚大。查法部所奏統籌司法行政事宜。今年當編訂法官進級章程。法官補缺輪次表。明年實行於京師。後年實行於各省。而法官考試章程任用章程官俸章程。又編訂於明年而頒布於後年。蓋與普通文官考試章程任用章程。本來有別。鳴岐所奏。似未見法部閏二月二十三日原摺。但法部雖另有期限。亦在宣統三年。廣西期以宣統二年成立省城

商埠各級審判廳。部章實仍不及事。觀鳴岐奏請大旨。不過欲稍捐本籍服官之例禁。此事固可咨商法部。於編訂時留意。而廣西則先部章而行之。無窒礙也。

片言文官考試章程任用章程。按照分年籌備清單。應於本年編訂司法官屬亦文官之一項。應如何考試任用。憲政編查館會議政務處。必已早有權衡。第此項章程。須至宣統三年實行。而明年值成立省城商埠各級審判廳之期。需用司法人員頗衆。儻專於需次各官中選用。就廣西情形而論。人數甚苦不敷。揆之他省情形。當亦有與廣西同一爲難者。查吏部奏定新章。佐貳雜職。准其在本籍服官。以此類推。則審判廳內各項官職。可用本籍人員者正自不少。可否仰懇 天恩。飭下憲政編查館會議政務處。於文官任用章程未經頒布以前。先定一任用司法官屬暫行章程。俾資遵守。恭候 聖裁。宣統元年四月初四日。奉 硃批該衙門知道欽此。

江蘇臬司左孝同詳定審判廳籌辦方法。前期已登其略。近江甯藩司樊增祥。意見頗有異同。就左臬司原詳。指摘應籌商者十事。條陳兩院。則原詳不逮足訓矣。文繁不具列。

丙 廳州縣巡警限年內粗具規模。各省廳州縣。以向來之保甲。改辦警察。本已有年。但就其已辦之警政。按各廳州縣而數之。勉應本項籌辦名目。殊非難事。然各省尙少奏報。如兩江則專報省城地面警費。此似與籌備事宜無涉。惟湖廣總督陳夔龍一奏。

尙見湖北現有之巡警辦法。略錄如左。

奏略言鄂省警察學堂。業於光緒三十一年。經升任督臣張之洞。就武昌省城籌款開辦。額選學生四百人。分甲乙丙丁四班。每班一百人。定期兩年半畢業。於三十三年冬間。該堂學生畢業三百零二人。一律飭赴各局見習。三月期滿。先後派委襄辦省城暨各屬警務。頗著成效。茲准部咨。即將該學堂改爲高等巡警學堂。廣續開辦。惟鄂省幅員遼闊。警政需才孔多。部定每省學生須滿五十名。就鄂省而論。此數不敷派遣。因增定爲一百名。以五十名由省城考選。爲甲班。業經招試如額。以五十名由各屬申送。爲乙班。已取定四十名。於本月先行開學。宜施鄖三府離省過遠。尙未申送到省。因留額十名。以待補試。甲乙兩班。名殊級同。均遵章三年畢業。其分年應習學科。查照部章所列名目。分科彙授。惟查原章第七條。內載高等巡警學堂。爲目前警官需人計。得附設簡易科。以一年半爲畢業期等語。鄂省現用警務人員。皆取材於原辦警察學堂畢業各生。該堂原定兩年半畢業。較部定簡易科一年半畢業之期。已屬加增。其學程既以稍優。其人才尙足敷用。所有簡易一科。自可暫不附設。此遵章改辦高等巡警學堂之情形也。溯查湖北舉辦警政。始自光緒二十八年。其時百事草創。新募警勇。率多不諳警章。因先派警務學生。赴日本學習警政。於二十九年回國。光緒三十年。復經選派文武員弁四十七員赴日本。入警視廳學習一年。旋改入警察學校。於三十三年八月畢業回國。又於三十二年春間。考選候補正佐各官三十一員。入省城警察學堂學習。定兩年畢業。至三十三年冬間。省城警察學堂甲乙丙丁四班。一律畢業。計先後派赴日本畢業回國者。凡兩次。本省官班及學生畢業者。凡兩次。均經分別錄用。規模粗定。因議擴充辦法。先就畢業各生中選赴各屬。以爲先導。自上年十月。派荊州一府學生。十一月。派

襄陽一府學生。本年二月。續派漢陽德安各府。並補派武昌黃州各府學生。閏二月。派安陸宜昌施南鄖陽荆門州鶴峯廳各處學生。計大縣二人。中小縣一人。通商大埠及華洋雜處之區。如荊州之沙市。光化之老河口。襄陽之樊城。暨宜昌府等處。加派五六人三四人不等。現已一律派竣。隨同地方官襄辦警務。按各廳州縣稟報。已具規模者。計五十一廳州縣。其設巡警在一百名以上者六縣。八十名以上者四縣。六十名以上者三縣。五十名以上者三縣。四十名以上者四縣。三十名以上者五縣。二十名以上者十一縣。十名以上者五縣。其餘十八廳縣。甫經籌設。尙未具報。就目前警政詳加考核。雖成立有先後之殊。員弁有多寡之異。而皆出於省城所派遣之學生。爲之提倡。爲目前謀統一。已見其端。爲日後求擴充。尙易爲力。此鄂省現辦警政之實在情形也。竊維民政爲憲政要領。而警政尤爲民政之根本。然必立有初基。而後可謀進步。鄂省現擬辦法。卽以派遣學生爲推行警政之基礎。各屬需用警員以此。卽各屬應辦巡警教練。而需用教員亦以此。俟布置粗定。應由臣札飭各屬。將遵章應設之巡警教練所一律定期舉辦。四月初十日奉 硃批。該衙門知道欽此。

#### 四 靜待館部頒布者三事。

甲 頒布廳州縣地方自治章程。 未頒布。

乙 頒布法院編制法。 未頒布。

丙 頒布國民必讀課本。 未頒布。報載學部以編訂各書。事關憲政。宜籌妥善辦法。飭員編輯。因面諭圖書局長袁嘉穀通飭各局員。於月之初八日。在本部會議一切辦法。

則編訂且未有把握也。

五館部自行程課者三事。

甲 釐訂京師官制。照清軍第五年頒布。

乙 編訂文官考試章程任用章程官俸章程。照清軍明年頒布。

丙 核訂新刑律。京外紛紛簽註。今尚未已。近復有都察院一奏。

國籍法提前告成。近聞憲政編查館以此法名詞多屬創造。議仍准各省向館質問。條約非法律也。而國與國既訂約文。臣民自奉公布以後。有各為國家遵守之義務。蓋與法律同其效力。故學者恆與法律同論。吾國向於條約。無所謂公布。遂致違約以敢責言。其事所在多有。樞廷前片交外務部。令檢查歷年損失國權利權之條約。彙案呈進。其所舉之要目。大概有四。(一)裁判權。領事裁判權。既未收回。混合裁判權。又遍各商埠。(二)關稅權。各國皆行國定稅。我國則限於協定稅。以致不能增加稅目。增高稅率。(三)郵政權。中國各商埠。外人皆可設立郵政。侵我交通行政之主權。(四)貨幣權。各國貨幣。無用外國貨幣之理。外國貨幣充斥。於中國財政上大有關係。其餘警察權。土地所有權。礦山採掘權。水陸運輸權。內地營業製造權。種種有無損失。均需詳細研

究。標識於歷年條約之末。以便設法補救。此朝廷注意已及條約之事實也。

至各衙門各省奏報籌備成績。前數期頗已節登。本月見憲政館考核第一屆籌備成績摺。經館臣考核之後。自屬最高機關之評判。摺中并言第二期考核後。當一并區別殿最。奏明辦理。略錄其摺如左。

奏略言現屆第一屆考核殿最分別彙奏之期。謹督率臣館考核專科各員。詳加檢核。所有上年八月起至十二月底止第一屆限內。京外各衙門應辦各事。如設立變通旗制處。頒布城鎮鄉地方自治章程。調查戶口章程。及清理財政章程。應由軍機處憲政編查館暨民政度支等部分別籌辦者。均已遵限奏明請旨辦理在案。至學部編輯簡易識字暨國民必讀各課本。修訂法律大臣與法部修改新刑律。修訂法律大臣編訂民律商律刑事民事訴訟律等法典。各省督撫籌辦諮議局各項。照清單內。本非限於第一屆內應行頒布成立之事。現已各據奏咨。正在分別舉辦。尙與限期無誤。惟新疆撫臣聯魁。以諮議局選舉一節。施之新疆。人民品類既異。尙乏合適選舉資格之人。勉強行之。亦恐成效難睹。酌擬變通辦法。具摺奏陳。奉旨該衙門知道在案。臣等查該撫所擬辦法。官紳并用。慎選派委。新省地處極邊。情形既與內地不同。自當從權試辦。一面再由臣館行催該撫臣。將應辦事宜於三年內急爲籌備。屆舉行第二次選舉之期。即應如期照辦。以應九年實行預備之詔。以上皆京外各衙門第一屆籌辦憲政成績。經臣館考核之實在情形也。至第二年應行籌備各事。現雖未至考核之期。臣等謹照考核專科原奏先事督催之旨。但就已見諸奏報者。參以見聞。比較得失。謹爲我皇上陳之。度支部調查各省歲出入總數。現已分別簡派奏



派正副監理官分往各省。風聲所樹。可望漸次清釐。修訂法律大臣頒布法院編制法。已將草案咨送臣館覆核。其各省諮議局選舉一項。均已遵照開辦。但查選舉章程。原定正月十五日爲初選期。三月十五日爲複選期。去歲各省紛紛咨稱時期太迫。必須展限。當皆聲明不誤九月初一日開局之期。此時核計各省初選舉正在籌辦。惟江蘇一省。能於三月十五日行複選舉。所有議員如數舉齊。江蘇事繁地廣。獨能遵照奏章。按期複選。使各議員得以餘閒。爲議案之預備。實爲兩江督臣端方江蘇撫臣陳啓泰督率有方之證。廣西撫臣張鳴岐。專以辦理選舉爲州縣之考成。融縣知縣殷有鑒。至以辦理疲緩。奏參革職。而籌備事項。且將清單所載。提前辦理。最爲切實認真。又查各省籌辦城鎮鄉地方自治設立自治研究所一項。雖前後奏咨有十一省。而成立於三年前者則惟直隸。成立於民政部頒發章程之先者。則惟奉天吉林山東江蘇安徽湖北兩廣等省。又查各省調查歲出入總數一項。雖奏咨設局者已有十一省。而惟山東撫臣袁樹勛。爲較有核實辦法。又查各省廳州縣巡警限年內粗具規模一項。咨報者僅有六省。各省籌辦省城及商埠等各級審判廳一項。咨報者僅有四省。其早經開辦。則惟直隸奉天。以臣等聞見所及。該兩省審判立於州縣之外。不獨斷結迅速。人民稱便。即救民外人。遇有訴訟。亦多照章陳訴。就我範圍。尙無窒礙。以上謹就內外之見諸奏報者而言。其未咨報應行籌備之部院及各直省。亦擬由臣館分別咨催。以慰宸廑。統俟第二期考核。一并區別殿最。奏明辦理。惟臣等猶有不能已於言者。查籌備憲政。頭緒既繁。程限難接。固宜如期舉辦。尤宜核實圖功。若徒塗飾目前。一奏塞責。縱令依限成立。仍非朝廷注重憲政再三誥誡之心。此次第一屆應行籌備事宜。既據京外各衙門奏報興辦。尤望都臣疆臣。行之以實心。持之以毅力。庶幾名實相符。始終無間。至臣館職司考察。尤屬責無旁貸。嗣後除京外各衙門按期奏報之件。再由臣館彙核具奏外。其有辦理未盡允協者。

記載一 軍政要

三百二十六

五月

應照考核定章。分別奏咨。指令更正。并擬由臣等不時選派委員。分赴各省抽查實在情形。核其與奏章是否相符。據實奏陳。請旨辦理。以促進步而求實際。四月二十九日奉旨著依議欽此。

# 記載二

## 世界大事記

甘永龍

倫敦太晤士報四月二十三號

英國

英首相於禮拜六在格蘭斯哥城演說。據稱英國將海軍預算費增加一節。殊屬有理。將來於一千九百二十二年時。英國之海軍。其強盛當遠出於德意志之上云。

去年英倫三島中。以火車失事而殞命者一千〇四十三人。受傷者七千九百八十四人。是較之前年。死者已減七十四人。傷者已減八百二十七人矣。

美利堅

所入稅議案。民主共和兩黨均已發起。蓋此案久為兩黨所共同贊成者也。

禮拜三日。平和會舉行常年會於紐約。會員嘉尼基君於議論英德兩國之關係時。發言頗有希望。此二大國關於

武備之競爭。吾美總統能設法減少其劇烈之勢。蓋總統為和平計。而又以本國利益陷於危地之故。起而陳言。彼二大國或當不斥其僭妄。吾總統又當請水師領袖諸國。一息英德之爭。實足使一種協約受其阻梗。雖在目前。此舉未能辦到。然此一種協約確又為目前不可緩之舉。蓋不久將有震驚世界之危難發見於某方面。苟欲轉移此危難。則胥此協約乎是恃也。嘉尼基君述畢。經公衆決議。謂非願總統盡力將英德武備競爭之勢減少不可云。

法蘭西

法國水師種種腐敗。自發表之後。法議院特遣委員一衆專任調查此事。有杜懋君者。調查委員之一也。近特將調查所得。著為論說。刊諸麥丁報。其內容深足感動法國人民。使知重行組織法水師治理法之必要云。

日本

日本下議院議員中。有被官逮捕者六人。蓋因其與日本糖公司之不名譽事頗有關係之故。

波斯

泰爾黎士之民黨得英俄二公使力請於波王。已獲休戰六日。蓋泰爾黎士爲官軍圍攻已久。城中糧絕。英俄二公使誠恐城中民迫於飢餓。不受民黨首領之約束。而突出以劫掠公使館。此則各國公使所大懼者。故特向波王爲休戰之要求云。

阿富汗

前阿人有謀害阿富汗王之事。早經破獲。近阿富汗學部領袖阿滿度嘉尼君亦以嫌疑被拘。此君原籍印度。兼爲某新黨之首領。該新黨之宗旨。專在創建立憲政體者也。

土耳其

土耳其近事之政變。即傾覆固有之內閣者。其黨人實合立意與守舊兩原質而成。然今則少年土耳其黨之黨人即結成聯合會者。已有制勝該政變黨之勢。有大隊軍馬自撒羅尼加馳至土京。其統帥爲黑斯尼巴希。乃扶植立憲政體者也。彼駐紮於君士旦丁之政變黨人馬。似並無

抗拒之意。現土皇已聲稱情願讓位云。

小亞西亞之阿達那地方。土耳其人與阿摩尼亞人有刺戰之事。死傷者凡二千人。有美國教士二人亦被殺。英國副領事則略受微傷。現英法德三國之兵船已駛至暴動地方之近處。英國巡洋艦狄雅那號。已有水手五十名於亞烈山大地方登岸云。

保加利亞

土保條件已於君士旦丁及聖彼德堡簽押。土廷承認保加利亞爲獨立國。俄皇特發電於保國君主費德南。殷勤道賀。據本館蘇斐亞訪事云。土保約書之畫押。實爲三國同盟中某三國之勝利。將來此三國於近東之盛望必日增月盛云。

荷委問題

荷委爭端已調停就緒。兩國草約業經畫押。委人於一千九百〇八年春荷蘭商船五艘。委政府當賠償二萬披利斐亞（錢幣名）至荷蘭於去年十二月委國防護海岸

船數艘。則荷政府當將原船歸還於委人云。

### 中國郵政

據本館北京訪事報告云。當一千九百〇一年時。中國開有郵政局一百七十六所。及一千九百〇七年。則開有二千八百〇三所。一千九百〇八年。則開至三千四百九十所。其在一千九百〇一年時。所收郵信。祇一千萬封。及一千九百〇七年。則收至一萬六千八百萬封矣。次年。則更收至二萬五千二百萬封矣。當一千九百〇一年時。所收包物。祇十二萬七千件。計重二百五十噸。及一千九百〇七年。則收至一百九十二萬件。計重五千五百〇九噸。次年。則更收至二百四十四萬五千件。重至二萬七千一百五十五噸云。

倫敦太晤士報 四月三十號

### 東非洲

前美總統現已自麥巨圖抵喀畢底平原。當其離麥巨圖之時。有人設宴饗之。羅斯福於席間盛稱英國人開化野

蠻地方之熱心毅力云。

### 美利堅

印度國民黨之在美國運動者。向來頗見成效。如斐來特爾斐亞、芝加哥、桑弗蘭、雪斯哥、文哥洋等處。均為該黨勢力所達到之地。然今則已全歸消滅。該黨之著名運動家米倫斐爾布君已離紐約。更姓名。自波士頓往地中海。由地中海返回印度。所有該黨聚會之各要部均已停閉。故印度民黨在美洲之運動。至此告終云。

### 保加利亞

保加利亞現已得列強公認為獨立國。英王愛德華於前星期。特發電向保王費德南道賀。

### 法蘭西

近時勞動界同盟罷工之事。頗有層出不窮之慮。郵政人役風潮尚未平定。而烏意士地方之製造鈕扣工人又有罷市之舉。在麥雪梨士埠則有水手罷工之舉。在法之南部麥柴麥德城則有羊毛織造工罷業之舉云。

法國西關於水師人員之欺騙行爲。及關於製造軍裝之故意延擱情形。近時又新有所發見。

摩洛哥

英國所派使臣。於二十一號由摩王接見。禮意頗爲隆重。二十七號。布爾巴土人將摩王之軍隊擊敗。紛紛逃竄至斐士城。摩王怒甚。已另遣軍隊往戰矣。

波斯

泰博黎士城在休戰期中。官軍違犯休戰之約。突攻民黨所奪據之某要點。現俄羅斯軍已入邊境。藉以保護外國人民。波王卽下令。爲無限期之解圍。其意蓋欲與民黨講和。

葡萄牙

禮拜五日。葡國地震。毀滅者二村落。死亡者四十人。

土耳其

禮拜六日。馬其頓軍隊入君士旦丁城。君士旦丁之駐軍奮力抵禦。馬其頓軍隊乃燃礮轟擊。駐軍勢不敵。遂却退。

當轟擊時。旁人之中流彈而死者數百人。有英美二國新聞訪事人亦遇禍。馬其頓軍直逼皇宮。土皇已廢。其弟拉希愛芬第登位。

小亞細亞亂事仍未平定。該處之服景教者。多被殘殺。性命幾同草芥。

奧地利亞匈加利

匈加利聯合內閣。已於禮拜日向國王辭職。於禮拜一日由首相韋格利在內閣將辭職判詞宣告。此次辭職。其表面上情由。雖爲奧政府不允將國立合本銀行分爲各有自主權。惟彼此仍相聯絡之兩銀行。（意卽一銀行分爲兩銀行）及國王不允將匈加利之一部份與奧地利亞之一部份劃分。而其實在情由。則以該聯合內閣於道德上。還有最終之失敗故。蓋該內閣於議員奉會許國民以普及選舉。而茲則無計實踐。遂至失其信用故也。

中國北方鐵路

金達君者。中國北方諸鐵路之總工程師也。任事三十年。

於本年五月一號辭職。該鐵路總理欲與訂約。請為該鐵路之顧問工程師。期以三年。惟金達君辭謝弗允。所以然者。緣前二年中。其職位及其主權常遭蔑視故耳。

倫敦太陽士報 五月七號

### 英國

德國工黨領袖游歷至英。英人約翰賽伍斯君款以盛宴。宴時賽伍斯君陳述意見。謂將來法德英俄四國斷不至有劇烈之戰事云。

英屬之自治各殖民地。多由英政府飭其選派代表。召至倫敦。與議防守疆土之事。

### 南非洲

禮拜一晨。於勃羅方頓(地名)復行召集議會。提議聯合事件。其最要之爭辨點。即關於革伯哥羅尼議院要求將代表基礎重行議定之事。(參觀四月九號之報)惟特蘭士哇人(即脫人)並不贊成此要求。

### 美利堅

日本巡洋艦二艘。駛抵桑弗蘭雪斯哥。該處官民多歡然接待。頗極優渥之致。

### 巴西

巴西總統於禮拜一日。函告國會。謂一年之中。外國人民之入境僑寓者。增至每百分之四十。現鐵路工程。全國之中。已四處興辦云。

### 法蘭西

郵政人役同盟罷工之風潮。雖幸平定。然尚有一部份人殊不安靜。故此項人役多有被辭退者。

議會所派調查水師人員。現已查至北境諸埠。

### 德意志

德皇威廉已與意大利王約定。二君主當相會於意大利之東南海口名布林的西者云。

### 荷蘭

荷女王偉廉米那誕生一女。國人因此異常歡欣。

### 摩洛哥

喀薩勃倫加一案。自移交海牙和平會後。現正在裁判中。  
波斯

波王受俄英二國之強迫維新。現已許百姓以立憲政體。  
至於選舉之事。當在七月十九號可以告竟。

自拉希德來之國民軍於禮拜二日將喀士文之官兵營  
房攻破。官軍死者二十人。降者一百人。

俄羅斯軍隊現已在泰藩黎士。

土耳其

土斐克巴希及諸樞臣已於禮拜三日辭職。新皇簡希爾  
米巴希為首相。

有領袖叛黨十三人於禮拜一日在君士旦丁正法。

土前皇被廢後。現幽禁於撒羅尼加。

土前皇宮中之財帛。據現時所查得而登記者。則為數約

土金磅七十萬磅。其全數約在一百萬金磅之外。將由度

支部大臣代國家聲明。取為國有云。

喀士德羅

委尼瑞辣前總統喀士德羅現已離巴黎往西班牙。喀士  
德羅意在組織控案。控告法蘭西政府積之於麥丁尼克。  
俾不得於其所擇定之埠登岸之事云。

倫敦太晤士報五月十四號

英國

英王愛德華自游歷歐洲後。已於禮拜六日返倫敦。  
赫德之意。若身體康復。則欲仍返中國。為總稅務司。

南非洲

南非洲各省代表開大議會於勃羅方頓。協議聯合事件。  
現該草案業已修改就緒。於禮拜一晚查押。其選舉代表  
員赴國會之代表人數。各省按比例均勻分派一條。已經  
刪去。此事惋惜者頗多。然幸有別項改正之條件。足以補  
償此失也。

美利堅

立法院規定法律。以限制來自南歐洲之移民。現已預露  
朕兆。恐不久將實行規定也。



奧地利亞匈加利

奧匈國王業已自維也納返駕至蒲達卑斯德。惟尚未得有合意之內閣團體。足以繼前內閣而奉行其意旨者。

法蘭西

有郵政人員數名被法蘭西調查院辭退。惟郵政人役所推之代表。當該院在召時。預先推辭。故屆時並未截止該院法堂。此為禮拜六日之事。

禮拜二日。內閣人員將郵政人役要求設立委員會之事提議。此項要求。由社會黨員二人代郵政人役宣述。為時頗久。惟內閣之意。多偏袒政府。是夜。郵政人役復召集大會。決計罷工。翌日。政府又決計驅退二百二十八名。此大罷工。始於禮拜三。惟蔓延不甚廣。

德意志

德皇及德后於禮拜一日游觀至意大利毛爾達地方。於禮拜三日與意王意后相會於勃林狄西。

波斯

波王已宣告復行立憲。並許國事犯以大赦。惟從事革命之國民黨軍隊仍向波京進發。

俄羅斯

改良海軍。重選海軍人員一議案。俄皇不肯允准。惟史叻黎賓內閣（史叻黎賓為內閣領袖。故名）欲向俄皇辭職。俄皇亦不許。並溫諭再三。

土耳其

土新皇讓罕默德第五於禮拜一日舉行即位禮於君士旦丁。

本年四月十三兵變之事。有二十二人審實後。於禮拜三日在土京正法。

保加利亞

保王費德南自稱保加利亞大皇帝 "Tzar of the Bulgarians"。聞土政府以其僭越。已向之詰責。

摩洛哥

墨爾基勃者。摩今王之弟也。偕南部蓋德人赴斐士。行至

中途。忽乘夜潛自離營他去。現已逃至秦漢爾境。斐士人必因此頗爲惶懼。蓋論者雖謂其一抵斐士。恐遭摩王嚴遇。故不得已逸去。而實則其意欲乘摩今王未得民心之際。起兵爲亂耳。

中國

雲南天主教堂來電。謂有德國人二名。一爲勃倫黑蒲樓學士。一爲史起米芝學士。被害於與維西相去二日路程之某地。維西者。雲南西北界瀾滄江流域中之廳名也。其謀害實出自摩沙人之手。摩沙人。乃一種半自由之土番。聚處於雲南邊界。勃倫黑蒲樓學士爲德國某報館之記者。此次即爲該報館面取道往西藏云。

本館北京訪事云。關於中國鐵道先事之佈置。即承中國准許。英國贊成。於五月六號由英法德三國銀行團體在北京所訂定者。此項佈置。尙須在巴黎磋商。或竟改正。然英國人關於川漢鐵路之權利。竟被此佈置撤除盡淨。德國以此。故亦將粵漢鐵路北部可要求之利益。盡行銷除。

以爲報償英國之計。惟英人因得於粵漢有投資之利。而遂舉中國至重要之川漢鐵路中利益。盡行傾覆。其爲失計。可謂極矣。吾英人多疑政府何以將此次佈置之重任。授諸銀行中人。蓋銀行所汲汲者。固偏於財政上之利益。而不甚重視國界上之利益也。惟然。故任聽德人擴張其勢力於中國最富腴之省份矣。設使德人在山東所得礦務上及鐵道上之特別利益。能一舉而盡放棄之。則英國此次之屈辱。尙可忍耳。

此次之先事佈置。當預備借款五百五十萬金磅。由英法德三國均勻分派。此數內之五十萬金磅當用以贖取比利士之借券。其餘則由兩鐵路均分提用。

關於滿洲俄羅斯鐵道之管理權一事。業由中俄兩國訂定先事協約。此項協約據本館北京訪事員觀之。甚爲滿意。已於禮拜二日在北京畫押。

暑 假 中 之 良 伴 侶

時值夏令學  
堂放假兒童  
溫課之餘苟  
得有益之圖  
書爲之消遣  
俾於遊戲之  
中得增長其  
德智誠家庭  
教育之無上  
品也

兒童教育畫

錢唐戴克敦編

一至六册

每册七分

本書用五彩圖畫以引起兒童之興趣并稍加略說七八歲兒童既閱圖畫更讀文字自然明白即四五歲者有人爲之指講亦可了然未附懸賞畫以助興趣尤爲兒童所喜

無錫孫毓修編

童話第一集

無錫國三問答  
大得指小王答  
夜光壁紅線領  
絕島流

每册五分

此書以小說體裁敘述寓言歷史科學情節奇詭宗旨純正文字淺顯圖畫美富爲十歲左右童子所最愛讀之書其識字婦女亦可藉爲談助茶餘燈下集乳臭之兒爲之講說事述指點圖畫興趣無窮

侯官林萬里編

少年叢書

哥倫布 畢斯麥  
納爾遜 華盛頓

每册一角

本書雜採中外名人足爲少年模範者將其事蹟編爲一傳并詳加批評插入圖畫以引起少年之注意記事簡明議論正大語語針對現在社會立言誠學生校外最要之讀本也

第二千零零一號

以上三書  
自出版後  
久蒙學界  
歡迎今更  
各出數册  
以應暑假  
中之用以  
下仍陸續  
印行愛讀  
者隨時向  
本館及分  
館購取可  
也

商 務 印 書 館 印 行

己酉年外交報重定體例大加改良

本報開辦九年創始於辛丑冬月至戊申之臘共出二百三十一期專載我國外交事實及列強對我之政策以供外交家之參考

蒙外務部批准立案並蒙各省大吏札發各屬購閱批語謂搜輯

精詳足為課吏造士之助本報記者有感於此益用自勉宣統元年己酉為本報發行第九

年之期爰即重定體例大加改良業經延請法政專家撰著論說並增

輯本國外交大事記加譯世界大事記及外交學術專書如國際法至東西

報章亦當精選慎譯務使材料豐富體裁美備即印釘諸事亦必加意求精益臻完善地依期出版不稍愆誤以副愛顧諸君之厚望再己酉遇閏增

報三册全年三十五册每册仍增四頁預付全年報費本埠大洋四圓八角外埠

五圓五角外國六圓二角定報時均須繳清本埠零售每册大洋一角六分補購辛丑壬寅癸卯

甲辰百册減為十册外埠加郵費八角陝甘雲貴四川等省郵費加倍補購壬寅全份本埠四圓五角外埠四圓五角外埠四圓八角甲辰全份本埠四圓五角乙巳全份本埠四圓二角外埠四圓八角丙午丁未戊申每年各全份本埠各四圓五角外埠各五圓五角零售每册一角六分信局寄費購者自給一人定購十份寄送一處片照價九折二十份以上八折上海本報總發行所在商務印書館總發行所內京都天津奉天開封濟南太原漢口長沙成都重慶福州廣州各商務印書館分館並各省代派處皆可向購

上海外交報總發行所 謹啟

# 諭 旨

四月初二日奉

旨著派貝子銜鎮國將軍載振前往日本國法部尙書載鴻慈前往俄國呈遞國書答謝載振著賞給一等第二寶星載鴻慈著賞給一等第三寶星欽此 同日奉

旨此次前往各國呈遞國書答謝法國英國著派李經方日國瑞典國丹國比國著派楊樞墨國美國著派伍廷芳巴西國葡國著派劉式訓德國著派蔭昌和國著派陸徵祥義國著派錢恂奧國著派雷補同欽此

四月初五日內閣奉

上諭此次京察一等圈出人員著各該堂官再行出具切實考語交吏部帶領引見圈出之滿洲蒙古中書筆帖式等官著歸入理事同知通判內遇有缺出與舊記名人員一體帶領引見漢軍漢員著交部以撫民同知通判等官分別選用翰林院主事實芝起居注主事萬亨

諭 旨

禮部六品贊禮官景存學部國子丞衙門典簿松廷文鼎法部七品小京官海濤榮勳唐古忒學司業承慶度支部寶泉局大使隆理貴達禮部贊禮郎松齡鳴贊寶旂緒英欽天監司書陳壽圖俱著交部照例以應升之缺升用其內閣侍讀連兆等三百二十二員俱著准其一等加一級欽此 同日內閣奉

上諭奉天巡撫著程德全署理錫良毋庸兼署欽此

四月初六日內閣奉

上諭山西提學使著汪詒書補授欽此 同日內閣奉

上諭度支部奏各省財政宜統歸藩司以資綜核而專責成一摺各省財政頭緒紛繁自非統一事權不足以資整理嗣後各省出納款目除鹽糧關各司道經營各項按月造冊送藩司或度支使查核外其餘關涉財政一切局所著各該督撫體察情形予限一年次第裁撤統歸藩司或度支使經營所有款項由司庫存儲分別支領即由各督撫督飭該藩司等將全省財政通盤籌畫

認真整頓仍著度支部隨時考核分別勸懲以副綜核名實之至意欽此

四月初七日內閣奉

上諭五月初五日夏至大祀 地於 方澤遣肅親王善

耆恭代行禮 四從壇派錫霽榮整恩輝延秀各分獻

欽此 同日內閣奉

上諭朕寅承丕緒撫馭萬方敬念 列聖御極之初銜免

積逋軍數閻澤誠以民為邦本厚民生正所以培元氣

也允宜祗遵 成憲特沛恩綸所有各直省民欠錢糧

即著度支部酌核奏請蠲免用示子惠元元至意欽此

四月初八日內閣奉

上諭端方代表廣西布政使余誠格因病懇請開缺一摺

余誠格著准其開缺欽此

四月初九日內閣奉

上諭此次京察引見年至六十五歲以上之度支部郎中

世昌等均著照舊供職不到之宗人府理事官恩元著

該部照例辦理欽此 同日內閣奉

上諭廣西布政使著魏景桐補授趙瀆彥著補授廣東按

察使欽此 同日內閣奉

上諭員勒載濤等奏遵擬王公等佩帶爵章式樣一摺所

擬尙屬周妥著即由該專司訓練大臣等製造呈覽嗣

後凡王公世爵入軍隊者一律由該大臣等遵照此制

發給佩帶以示區別品級之意欽此

四月初十日內閣奉

上諭兩淮鹽運使著增厚補授欽此 同日內閣奉

上諭雲南糧儲道員缺著曾廣銓補授欽此

四月十三日奉

旨銀白旗護軍統領印鑰著蘇魯岱暫行佩帶欽此

四月十四日內閣奉

上諭此次內務府三院等處京察一等圈出人員著該堂

官再行出具切實考語帶領引見圈出之筆帖式泰雲

端莊錫麟漢章敬善寶鏞英連恆健長海恩藻振麟文

通榮柱文彩上廟院主事多斌筆帖式錫齡奉宸院主  
事清桂圖明園六品苑丞恆勛八品苑副世貴 頤和  
園六品苑丞榮來筆帖式玉福均著交吏部記名照例  
選用所有一等官員筆帖式達他等均著准其一等加  
一級不到之內務府郎中盛桂員外郎莊達筆帖式清  
榮武備院委署主事惠林著該衙門照例辦理至年已  
逾六十歲之員外郎文珣等均著照舊供職欽此  
四月十五日內閣奉

上諭禮部奏崇上 皇太后徽號恭進奏書 冊 寶並  
願詔吉期應於何時舉行一摺著欽天監於本年十一  
月內敬謹擇吉舉行欽此 同日內閣奉

上諭京師入夏以來雨澤稀少現在節逾小滿農田待澤  
孔殷朕心實深寅盼允宜虔申祈禱本月十七日派恭  
親王溥偉敬謹前詣 大高殿恭代拈香 時應宮派  
員勒載洵 昭顯廟派員勒載濤 宣仁廟派員子溥  
倫 寔和廟派員子銜鎮國將軍載振同於是日分詣

拈香以迓甘霖而慰農望欽此 同日內閣奉

上諭甘肅蘭州府知府員缺緊要著該督於通省知府內  
揀員調補所遺員缺著英勛補授欽此 同日內閣奉

上諭禮部奏著紳會榜重達額懇恩施一摺二品頂戴三  
品卿銜前署山東督糧道郭鑑襄早年登第督秩監司  
前因重逢鄉舉賞給卿銜茲屆該員會試之年適遇花  
甲洵屬藝林盛事加恩著賞給頭品頂戴以惠耆年欽  
此 四月十六日內閣奉

上諭禮部奏恭備 德宗景皇帝 升祔大禮請旨一摺  
著內閣各部院翰林給事中御史詳慎妥議具奏欽此  
同日內閣奉

上諭貴州按察使著嚴雋熙補授欽此  
四月十七日內閣奉

上諭此次引見之上次圈出京察一等人員連兆等共一  
百二十一員及補行引見之度支部員外郎谷如塘一

員著於本月十九日起按照名次先後每日六員呈遞  
膳牌伺候召見如是日未經召見仍於次日預備其餘  
各員以次遞推欽此

四月十八日內閣奉

上諭此次內務府京察一等覆帶人員除南苑郎中恩奎  
外榮銓等二十五員著俟各部院衙門人員召見完竣  
後於次日起按照名次先後每日六員呈遞膳牌接續  
伺候召見如是日未經召見仍於次日預備其餘各員  
以次遞推欽此 同日內閣奉

上諭升允電奏甘肅連年旱歉蘭州涼州鞏昌各屬前歲  
被災去秋尤甚入春雪雨愆期迄今尚未得有透雨礙  
伯會甯及各土司先後報災現在糧少價昂饑民哀號  
乞命牲畜多致餓仆等語覽奏殊堪憫惻加恩著賞給  
帑銀六萬兩由度支部給發著該督派委員按照所  
屬災區查明戶口災情輕重分往散放務使實惠均霑  
毋任失所用副朝廷軫念災黎至意該部知道欽此

同日內閣奉

上諭山東曹州府知府員缺著王廣廷補授欽此

四月二十四日內閣奉

上諭前因京師雨澤稀少當經派恭親王溥偉等虔詣

大高殿等處恭代拈香數日以來雖經得雨尚未渥沛  
甘霖允宜再申祈禱本月二十六日仍派恭親王溥偉  
敬謹前詣 大高殿恭代拈香 時應宮仍派貝勒載  
洵 昭顯廟仍派貝勒載濤 宣仁廟著派貝子銜鎮  
國公載澤 凝和廟仍派貝子銜鎮國將軍載振同於  
是日分詣拈香欽此 同日內閣奉

上諭戴鴻慈現在出差法部尙書著葛寶華署理欽此

四月二十五日內閣奉

上諭湖北鄖陽府知府員缺著伍銓萃補授欽此

四月二十七日內閣奉

上諭大學士張之洞協辦大學士鹿傳霖均著免其帶領

引見欽此



四月二十八日內閣奉

上諭那桐奏滯陳下悃懇請終制一摺覽奏具見孝思  
切惟該大學士職司重要朝廷以其辦事認真深資倚  
畀前降旨改爲署任係因時事艱難需才襄贊不得已  
從權辦理那桐受恩深重自應仰體朕懷力圖報稱現  
經百日孝滿著仍遵前旨照常入直毋許固辭欽此  
同日內閣奉

上諭大學士那桐前因患病現在步履未能如常著加恩  
在紫禁城內賞坐二人肩輿欽此 同日奉

旨正白旗護軍統領印鑰著祥年暫行佩帶欽此

四月二十九日內閣奉

上諭克勤郡王崧杰屢次請假久未當差殊屬不成事體  
崧杰著開去差使停止俸祿俟病愈以後再行銷假當  
差欽此 同日內閣奉

上諭前據御史張世培奏參前署慶遠府候補知府阮志  
觀等昏謬貪殘各節當經諭令張人駿張鳴岐確切嚴

嚴 旨

查茲據查明覆奏阮志觀兼統慶軍縱容勇丁滋擾醜  
事著梧州知縣莊炎於委員翁瑛收受賄商謝銀明知  
不究並招用革役承充船行前署陽朔縣候補知縣饒  
振榮於書差兵役人等弊混不法情事毫無覺察前署  
融縣正任思恩縣知縣趙邦澤縱容哨弁在署開賭懲  
林直隸州州判吳炳榮代訊匪供用刑嚴酷以上五員  
均著交部議處已革廣東試用縣丞翁瑛著歸案訊追  
究辦前署林直隸州知州彭治河業經病故前署北流  
縣歸順直隸州知州高廷梅前署長安可巡檢准補忻  
城土縣典史王希和均查無實據已革平南縣知縣吳  
寶書業經因案革職均著毋庸置議該部知道欽此  
四月三十日內閣奉

上諭本年二月二十四日曾經明降諭旨將禁煙要政分  
別禁吸禁種等項各分權限剴切宣諭乃朕聞京城各  
衙門送驗人員多係散官末秩其充當要差者多未送  
驗且有戒而復食者顯係有瞻徇敷衍之弊查禁煙之

電 旨

舉必以禁吸為第一要義而禁吸尤以查禁官員為要義現在各省奏報禁種情形或已全數禁絕或請縮短年限辦理尚屬認真然使土藥絕跡而吸食者不減則專嗜洋藥癮毒愈深耗財愈多為害愈鉅於衛生足民之道仍有未合著責成禁煙大臣咨行京外各衙門切實考查調驗不得稍有瞻顧其外省文武職官學堂並責成督撫暨該管將軍都統及各項該管官員師長一體確查嚴禁總之禁吸禁種相輔而行京外該管各衙門均須懷遵疊次諭旨各顧責成實力奉行如辦理不力者朝廷必當予以懲處欽此

電 旨

四月二十六日奉

旨履鴻書電奏悉貴州勸業道著王玉壽試署欽此

交 旨

四月初一日軍機大臣欽奉

九十二

五月

諭旨理藩部奏世襲貝勒銜固山貝子車林多爾濟報効銀兩請給獎敘一摺車林多爾濟著賞加郡王銜欽此  
四月初二日軍機大臣欽奉

諭旨貝勒載洵等奏現修 崇陵工程情形一摺知道了欽此

四月初三日軍機大臣欽奉

諭旨憲政編查館奏選員派充一二等諮議官繕單呈覽一摺又奏擬派考核專科人員一片又奏調用人員一片均著依議欽此 同日軍機大臣欽奉

諭旨貝勒毓朗等奏設立貴冑政法學堂暫行借地開辦應請撥給經費一摺又奏請將廣東候補知府鍾彬派充提調一片均著依議又奏刊刻木質關防一片知道了欽此

四月初四日軍機大臣欽奉

諭旨陸軍部左侍郎壽勳差務較繁著毋庸進文職班欽此 同日軍機大臣欽奉

諭旨郵傳部奏山西同蒲鐵路公司購用材料請撥案免稅一摺著依議欽此

四月初五日軍機大臣欽奉

諭旨左翼監督烏珍奏關稅一年期滿正額無虧盈餘未能足額開單呈覽請飭部核議並盈餘銀兩應交何處一摺著度支部議奏盈餘銀兩交廣儲司欽此 同日軍機大臣欽奉

諭旨都察院代表舉人賈睿熙條陳小學重要亟宜多方籌畫呈一件著學部知道欽此

四月初六日軍機大臣欽奉

諭旨度支部奏遵設幣制調查局並請暫鑄通用銀幣一摺又奏分別酌給正副監理官薪資一片均著依議欽此 同日軍機大臣欽奉

諭旨此次驗看之已革廣東試用知縣蔣澤著准其開復

原官欽此

四月初七日軍機大臣欽奉

諭旨學部奏酌擬變通游學畢業生廷試事宜一摺著依議欽此

四月初九日軍機大臣欽奉

諭旨員勒載濤等奏改訂禁衛軍領帽服色一片著依議欽此 同日軍機大臣欽奉

諭旨戴鴻慈奏酌調隨帶人員一摺著依議又奏開用關防日期一片知道了欽此 同日軍機大臣欽奉

諭旨署殺虎口監督汪德溥奏齎交盈餘銀兩應交何處摺著交廣儲司該部知道又片奏徵收大青山木稅例應隨摺奏明等語著度支部知道欽此 同日軍機大臣欽奉

四月初十日軍機大臣欽奉

諭旨署殺虎口監督汪德溥奏報明殺虎口稅徵收實數摺著度支部知道欽此

四月初十日軍機大臣欽奉

諭旨農工商部奏順直官紳籌設京師蠶業講習所由部撥款補助并請飭各省酌量仿辦一摺著依議欽此

同日軍機大臣欽奉

諭旨郵傳部奏遵議陝西設立鐵路公司選舉總理分別  
准駁一摺著依議又奏勸查洛潼鐵路路線股資大概  
情形一摺知道了欽此 同日軍機大臣欽奉

諭旨右翼監督棍布札布奏關稅一年期滿正額無虧盈  
餘未能足額開單呈覽請飭部核議並盈餘銀兩應交  
何處一摺著度支部議奏盈餘銀兩交廣儲司又奏撥  
還部墊銀兩一片著依議該部知道欽此

四月十二日軍機大臣欽奉

諭旨貝子銜鎮國將軍載振奏前往日本答謝酌隨員  
一摺著依議又奏開用關防日期一片知道了欽此

四月十四日軍機大臣欽奉

諭旨貝勒載洵等奏遵勸添築御路基址並擬移建風水  
兩膳繪圖呈覽一摺所有風水圍牆著照查勘情形酌  
量修理其御路橋梁俟恭謁 陵寢時由該管大臣照  
例修理欽此 同日軍機大臣欽奉

諭旨吏部奏前閩浙總督許應麟庶子許秉璿應否准其  
復還原廕一摺著毋庸議欽此

四月十五日軍機大臣欽奉

諭旨會議政務處奏議覆前東三省總督徐世昌奏吉省  
地方遼闊治理難周擬添設民政官酌裁旗缺一摺著  
依議欽此

四月十七日軍機大臣欽奉

諭旨 孝欽顯皇后几筵前行六滿月禮由 監國攝政  
王代詣行禮欽此 同日軍機大臣欽奉

諭旨慶親王奕劻奏查明恭修 善陀峪 定東陵工程

之已故監督永隆等之子開單請旨一摺原任江甯將

軍永隆之子 慕東陵工部員外郎立堃著以郎中補

用原任鑲白旗漢軍副都統慶恆之子世襲雲騎尉

祥著賞給三等侍衛在大門上行走欽此 同日軍機

大臣欽奉

諭旨學部郵傳部會奏查明唐山路礦學堂罷學情形并

酌擬整頓辦法一摺著依議欽此 同日軍機大臣欽奉

諭旨學部奏酌擬遊學畢業生廷試錄用中書准其改就

小京官知縣一摺著依議欽此 同日軍機大臣欽奉

諭旨都察院奏刑律草案未盡完善請飭下法律大臣覆

加釐訂一摺著修訂法律大臣法部彙同京外各衙門

條奏詳慎斟酌另訂具奏欽此 同日軍機大臣欽奉

諭旨此次引見之明保山東署曹州府知府補用知府王

廣廷著於本月十八日預備召見欽此

四月十九日軍機大臣欽奉

諭旨法部奏議覆御史吳緯炳奏尋常盜犯請一律照例

解勘一摺著會議政務處核覆具奏欽此 同日軍機

大臣欽奉

諭旨鑲紅旗漢軍都統崇勳奏伯爵出缺無嗣請繼紛歧

請旨遵行一摺著該部議奏欽此

四月二十日軍機大臣欽奉

諭旨農工商部奏擬辦畜牧試驗已購張家口外地款備

用一摺著依議欽此 同日軍機大臣欽奉

諭旨郵傳部奏驗收京門枝路工程情形一摺知道了欽

此 同日軍機大臣欽奉

諭旨正藍旗滿洲都統溥倫等奏查明參革候補知縣恩

麟京內並無家產請由直隸總督查封屯居財產備抵

一摺著依議欽此

四月二十一日軍機大臣欽奉

諭旨理藩部代奏喀爾喀三音諾彥都藩圖盟王丕呼圖

克圖喇嘛等差人於梓宮前呈進貢物可否准其呈進

一摺 孝欽顯皇后梓宮前著於本月二十五日呈進

德宗景皇帝梓宮前著於本月二十九日呈進欽此

同日軍機大臣欽奉

諭旨嗣後應行驗看人員均著由各該衙門帶領引見其

餘應行驗放人員仍歸內閣驗放欽此 同日軍機大

臣欽奉

諭旨此次驗看之法部學習員外郎曾兆龍著以郎中補用欽此

四月二十二日軍機大臣欽奉

諭旨貝勒載濤等奏擬定禁衛軍警察隊營制餉章並試辦規則繕單列表呈覽一摺又奏擬訂服色章記一片均著依議欽此

四月二十四日軍機大臣欽奉

諭旨本日 盛國攝政王代詣致祭 太廟所有執事人員到班甚遲著前往照料之御前大臣查明奏欽此

同日軍機大臣欽奉

諭旨吏部奏酌擬漢員改授都統副都統所得廕生仍照漢例擬旨並從二品以下改製各項官階開單呈覽一摺著依議欽此

四月二十五日軍機大臣欽奉

諭旨 孝欽顯皇后几筵前瑞陽節加祭禮由 盛國攝政王代詣行禮欽此 同日軍機大臣欽奉

諭旨 德宗景皇帝几筵前瑞陽節加祭禮著值班王大臣行禮欽此 同日軍機大臣欽奉

諭旨都察院代表甘肅京官軍機章京劉慶篤等叩謝天恩一摺知道了欽此 同日軍機大臣欽奉

諭旨都察院代表河南試用道張光照條陳交通事宜呈一件著郵傳部議奏欽此

四月二十八日軍機大臣欽奉

諭旨此次廷試游學畢業生著於五月初二初三兩日帶領引見欽此 同日軍機大臣欽奉

諭旨貴冑法政學堂會奏設立學堂撥用校舍一摺著依議欽此 同日軍機大臣欽奉

諭旨陸軍部奏擬訂陸軍測繪員生畢業考試出身補官並任用暫行章程繕單呈覽一摺又奏測繪學堂第一二班學生畢業時請照高等科章程辦理一片均著依議欽此

四月二十九日軍機大臣欽奉

諭旨憲政編查館奏遵限考核京外各衙門第一屆籌辦

憲政並釐陳第二屆籌辦情形一摺著依議欽此 同

日軍機大臣欽奉

諭旨法部奏陳明出入款項請飭交度支部覈定收發辦

法繕單呈覽一摺又奏請撥大理院之總檢察廳經費

一片又奏將來添設外城地方審判廳經費恐原定之

數不符先行陳明立案及各廳職官津貼請統籌規定

一片均著度支部議奏單併發欽此 同日軍機大臣

欽奉

諭旨法部奏廣東副將程友勝屢混糞廳請發往軍臺効

力贖罪恭候欽定一片程友勝著發往軍臺効力贖罪

不准援免欽此

四月三十日軍機大臣欽奉

諭旨郵傳部奏改良電話購換新機以利交通一摺又奏

請撥琉璃廠廢塞餘地建立電話局一片均著依議欽

此

諭 著 軍

驗 看 單 附

四月初五日經內閣奏 派王大臣驗看初六日覆奏

奉

旨廕生阿林著以七品筆帖式用朱厚基著外用遼瀋道

監察御史員缺著文鑑補授內閣中書員缺著慶昌補

授欽此

四月初五日經內閣奏 派王大臣驗放 慕東陵禮

部員外郎常斌貴州思南府知府趙士琛四川保甯府

知府楊聖清江蘇江甯府督糧同知喬蔭福湖北黃州

府糧捕通判胡垣直隸隆平縣知縣黃以勤理藩部筆

帖式常順擬補內閣中書海泉榮斌鍾霖黃鎮均堪以

准其補授擬補內閣中書蘇相瑞一員堪以先行擬補

保送知府法部員外郎吳建三堪以知府分發省分補

用保送同知內閣中書恆裕堪以同知分發省分補用

保送直隸州知州度支部主事曹葆琦均堪以交部記名

職 部 單

以直隸州知州用改用知縣裁缺吏科筆帖式扎拉芬  
璽以知縣分發省分補用截取學部國子丞二等書記  
官桂林通判贊官祺廣保舉陝西補用直隸州知州丁  
禧瀚浙江補用知縣張以巽陶佑霖湖北補用知縣徐  
秉書均堪以照例用實授南河揚州府河務同知王飛  
翹堪以准其實授初六日覆奏奉

旨依議欽此

四月初十日經內閣奏 派王大臣驗看十一日覆奏  
奉

旨廕生達仲著以文職用胡同林著外用易樹芳著外用  
翰林院侍講員缺著雲書補授內閣編本堂中書員缺  
著承啟補授欽此

四月初十日經內閣奏 派王大臣驗放分發湖北補  
用道李國棟直隸試用道林葆恆湖北試用道郭嗣元  
許星箕程頌萬山東補用知府李聯璧江西試用知府  
彭承先廣東試用知府許雲章四川試用知府黃繼元

九十八

五月

新疆試用知府王乃發南河試用同知張慶堂浙江試  
用同知楊世璣任承濟廣東試用直隸州知州董銘山  
東補用知州陳紫劉文翰湖北補用知州傅世鈇連銘  
恕郭維祺直隸試用知州張汝震河南試用知州璿祿  
江蘇試用通判唐慎坊安徽試用通判張錦文山東試  
用通判王梓河南試用通判胡鳳孫豫河試用通判袁  
宗哲甘肅試用通判陳才良湖南試用通判王知昂蔡  
自煜廣東試用通判陳榮壽廣西試用通判楊兆熊雲  
南試用通判胡孝韓貴州試用通判羅列宿江蘇補用  
直隸州州同謝王春山東試用直隸州州同葛雲齋河  
南試用直隸州州同王廷棟任煥甘肅試用直隸州州  
同范沛芬張星瑞藉恆勅湖北試用直隸州州同許在  
衡馮汝簡四川試用直隸州州同姜孟侯直隸補用知  
縣在承謙江蘇補用知縣翁有成安徽補用知縣朱胤  
怡山東補用知縣李恩銘山西補用知縣莊清華王聚  
奎河南補用知縣陳兆璇田忠本左宗激洪國垣陳繼



陝西補用知縣崔廷獻劉師亮浙江補用知縣陳秉  
 衡廣東補用知縣何宗英四川補用知縣謝必鏗雲南  
 補用知縣毓璽貴州補用知縣劉廷福奉天試用知縣  
 趙榮山直隸試用知縣萬慶聲劉振鎔周翌清查履忠  
 江蘇試用知縣許廷樞薛振基王昭培山東試用知縣  
 張錫爵徐文煒山西試用知縣朱蘇芬河南試用知縣  
 王瑞莪承致年樓恒鈞李照胤李錫周世楨陝西試用  
 知縣曾瑞璽甘肅試用知縣郭忻浙江試用知縣許沅  
 李學源張迪襄江西試用知縣徐明鑑褚德紹陳鳳華  
 湖北試用知縣徐塘立李霖汪宗洙沈爾昌張冲雲任  
 大觀湖南試用知縣楊基厚黃大達況廷斌廣東試用  
 知縣在觀濟魏丙榮四川試用知縣王作善王仁蘭徐  
 傳鈞徐大煜謝文華史廷琬直隸試用布庫大使王藻  
 虞福建試用布庫大使王文柱長蘆試用鹽運庫大使  
 王原潔兩浙試用鹽運庫大使林飛兩淮補用鹽大使  
 劉鈞長蘆試用鹽大使任德普程慎典柴晉芳梁恩瀾

職 於 軍

兩淮試用鹽大使許振瀛兩浙試用鹽大使李若賓黃  
 敷恩福建試用鹽大使孫克修會浙春兩廣試用鹽大  
 使朱光彝陳國瑤雲南試用鹽大使毛宗銓均堪以照  
 例發往保舉山東候補知縣劉孝存堪以照例用十一  
 日覆奏奉

旨依議欽此

四月十五日經內閣奏 派王大臣驗看十六日覆奏  
 奉

旨協理遼瀋道監察御史員缺著胡思敬補授內閣滿本  
 堂公缺中書員缺著崇濡補授欽此

四月十五日經內閣奏 派王大臣驗放月選吏部筆  
 帖式文治堪以准其補授保送直隸州知州法都主事  
 奎彰賀順均堪以交部記名以直隸州知州用譯學館  
 畢業分發山東補用通判朱是江西補用通判徐迺理  
 奉天補用知縣楊世震直隸補用知縣蔡璐均堪以照  
 例發往保舉廣東補用知縣王光新堪以照例用十六

諭  
放  
單

日覆奏奉

旨依議欽此

四月二十日經內閣奏 派大臣驗看二十一日覆奏  
奉

旨漢給事中員缺著徐國盛補授吏部滿洲堂主事員缺  
著龍斌補授欽此

四月二十日經內閣奏 派大臣驗放卓異湖南衡永  
郴桂道譚啟瑞堪以准其卓異加一級回任以應升之  
缺升用保舉浙江候補知縣王錫初堪以照例用開復  
花翎同知銜前江西卽用知縣劉標書堪以准其開復

原官銜銜照例用二十一日覆奏奉

旨依議欽此

一  
百

五  
月

(一)書新版出年半上酉己館書印務商

九年籌備憲政一覽表

長樂高鳳謙編  
洋四分

是表以籌備立憲事宜為主分列三表第一表以年為綱第二表以事為綱第三表以官為綱合印一紙極便觀覽

城鎮鄉地方自治章程要義

黃廉正七森編  
洋二角半

自治章程一百二十條選舉章程八十一條較諸議局章程尤繁是書提綱挈領言簡意賅并載章程原文極合辦地方自治之用

城鎮鄉地方自治章程通釋

吳縣楊廷棟編  
洋三角

是書就原文逐條詮釋詞淺義顯而引例取譬又極周匝于選舉方法言之尤詳

城鎮鄉地方自治事宜詳解

陽湖孟森編  
洋三角

是書專就章程內所限各事宜逐項詳列辦法徵引法令明顯周匝熱心地方自治者不可不讀

中國合于國際公法論

萊陽馬德潤著  
洋二角

吾國遊學德國得法學博士學位者自馬君始此書即其在柏林大學時所著條舉中國歷史交涉均與國際法相合以破西人詆我中國不人國際公法之謬不徒為吾國訟直并吻合公法原理經各博士教授評議推為傑作其價值可知矣

(五) 商務印書館己酉上半年出版新書

簡要英文法教科書

是書為美人紐生君特著以教東方之人者今由鄭君悉心譯訂不特簡要易明而舉隅之處皆引中國事物故實讀之尤有興趣

鄭富灼校訂  
洋一元

新法英文教程

此書為文法于讀本使學者易于領悟而于八部之變化及云謂之時間尤言之特詳末附釋義及解字凡斜體字可閱釋義難字可閱解字

鄭富灼校訂  
洋八角

英文益智讀本

吾國向用格致課本多採外國書引用名物殊多未合此編專為吾國學物理學者而作引證明確圖畫精美洵為善本

鄭富灼校訂  
洋一元

英漢成語辭林

讀英文者莫不苦成語之費解而急求一簡易明瞭之字典以為師資本書乃取英人狄遜氏之詞林逐句譯以相當之中語而以字母為順序中分文言俚語當談專門語真英語借用外國語英文重要之成語已盡於斯實英語之傑作也

張蔭明、顏惠慶譯訂  
洋二元五角

日語讀本

以中國人而學日語與日人自學其國語途徑既異教法必殊內編雜文君在山東高等學堂教授日文歷年既久閱歷甚深茲特以其經驗所得編成此書淺深難易適合吾國程度

內編雜文著  
洋一元四角

## 奏 牘

郵傳部右侍郎盛宣懷奏陳畫一幣制辦法摺

(上略)幣制欲求畫一。非專用圓法不可。欲專用圓法。非確定十進位不可。現在金價比銀價太高。礙於國外財政。銅元又比銀元太低。又礙於國內財政。既不能操切圖功。亦斷難遊移不定。臣於去秋奏明赴日本就醫。便道考察廠礦。得晤伊藤博文、松方正義、桂太郎及日銀行正副總裁松尾臣善、高橋是清、造幣局長長谷川爲治等。研求幣政。伊藤謂立憲必先清釐財政。並將明治創立憲法大端告臣。松方謂財政必先整齊幣制。並將明治改良國幣辦法告臣。及臣往視日本銀行。則松尾高橋語臣以開辦銀行宗旨。又往視造幣局。則長谷川語臣以擴充造幣通計。大抵日本集各國成法。參酌本國情形。運用新機。彙成幣制。其要在銀行與幣局聯絡一氣。綜攬全綱。乃如一串散珠。有所歸束。查日本地狹民貧。而上年國入增至六萬一千萬金元之鉅。海陸軍得以舉。其收效之處。全在理財得其要領。我中國物博而歲入不過一萬萬。民猶以爲困。倘能參酌其理財之法。盡力於農礦工商。不必過於苛刻。富強可立而待。此其千端萬緒。非一朝夕所能盡言也。夫齊其末必先治其本。中央銀

行實發行國幣根本之地也。不有中央銀行。何以備悉商情。操縱國幣。從前所造龍元。未足抵制墨銀。繼造銅元。轉以加增民困。皆官自爲之。與商民隔膜。則不歸銀行管理之病也。日本初改幣制。亦多掣肘。及松方正義採取德比二國良法。創立日本銀行。又復討求本國利病。每頒一制。必先調查。各抒所見。擇要而行。故能毫無扞格。蓋欲使全國通行。永遠不改。亦非數行詔令所能強致也。臣東游爲時甚暫。然於銀行幣制兩端。頗能加意。並攜回書籍。研究數月。撮其大要。亦足使民信用。必當有中央操縱之權。方能收四海翕從之效。不揣冒昧。謹擬幣制各種辦法成式。及畫一幣制統歸銀行辦理條議。清單二件。又各督撫臣幣制奏議摘要彙錄清單一件。恭呈 御覽。可否仰祈 飭下度支部。會同政務處資政院。再行籌議。如蒙 俯采芻蕘。議有端緒。卽由度支部暫設調查局。知會各衙門各學會。分遞意見書。一面電知督撫。派令各該處商會公舉熟悉商情員董。剋期赴局集議。不厭求詳。若再延聘東西洋有閱歷之財政員各一員。以備顧問。更有實在考證。總期與利除弊。一定不移。詔令所頒。永無反汗。夫而後幣制剋日定斷。財政次第推行。不特與立憲大有裨助。卽海陸軍亦不難籌款舉辦矣。(下略)條議附後

一、大清銀行宜仿照各國中央銀行參酌辦理也。國立銀行將來必愈開愈多。所有銀號錢

鋪。其大者必歸併銀行而後已。然此皆商賈各謀其私利。而握全國金融之機關者。尤必賴中央銀行。一使通國銀根活動。利息減輕。二輔助各公司銀行之不足。三代辦國庫事務。尤注重者。能使通國金銀銅幣制度畫一。即能使通國紙幣兌換靈通。凡此重要諸端。皆宜責成中央銀行獨任其事。其營業資本所自出者有三。曰股分。曰存款。曰發行紙幣之利。查日本制度最善。其功效推及公司銀行。而其利益悉歸中央獨占。實爲異常之特權。惟付以特權。必加以監督。舉其要者。亦有三端。一以法律定股東之資格。欲爲股東者。須得度支部之允許。二總裁勅命。副總裁奏派。理事先由股東選舉。再由度支部派定。均歸度支部總其成。三銀行業務。如有違背條例者。或政府以爲不利者。皆得禁止之。夫既予以特別之權利。更加以嚴重之監督。非偏重樞部之事權。實豫防銀行之流弊。蓋及其弊生而補救之。已全國舉受其害矣。日本銀行設立之初。定股本爲一千萬元。與現辦之大清銀行相同。明治二十年。加資本一千萬元。二十八年。更加一千萬元。現資本金共三千萬元。如大清銀行欲授特權。辦理幣制。亦應續加資本。以厚基礎。而益名譽。一大清銀行宜官商合辦。相爲維繫。也曾詢東西洋國家銀行。操國庫出納國幣收放之權。具有自然之利。何必參用商本乎。曰總裁副總裁皆官派之人。所慮國家需款太急之時。

或命彼多發兌換券。借以挹注。或銀行所發之數。過於市面所需。以致危險。乃欲股東預舉商董在銀行辦事。以資牽制。凡事總裁得與商董和衷商辦。所以防微杜漸。能使全國信從。更有進者。國家銀行發兌換券。欲保信用。實賴有準備之制。一曰正貨。謂備金銀而發券也。一曰保證。謂借公債而發券也。夫公債即政府之債券也。而兌換券究其理亦與債券無異。詎能以自己之債券。為自己之準備乎。且公債本有國家應出之利息。銀行蓄之。以抵準備之用。即可坐收其利。故所發兌換券。必由官商並為股東之中央銀行。方能使民信從。而其所發數目之多寡。必據正貨保證兩項準備為減增。假如洋商平時交易。亦用兌換券。一旦欲轉輸出洋。必換正貨。若無以應之。其弊何可勝言。故此等兌換券。必先準備正貨而發也。若民間日用之費。川流不息。無暇以券易銀。則此等兌換券。尚可準備保證而發也。其中樞紐。全在總裁觀察。視民用如何耳。查日本銀行所出兌換券。大約十分之四準備正貨。十分之四準備保證。其餘二成。係在限外。照律輸稅於官。暫時以公債為準備。俾應官商不時之需。大清銀行試辦之初。尤宜腳踏實地。所備正貨。成數宜多。譬如現辦銀行。尙未能收兌換券之利益。凡事由漸而來。萬勿操之太蹙。一朝失信。百年追悔無益也。



一大清銀行宜分設各省各埠。以廣流通也。現在分行已陸續布置。不可謂不速。用人之法。由部遴派一總辦。又由股東公舉一二理事。斟酌不可謂不善。惟將來新幣均須發交中央銀行。再行分給各處官商使用。紙幣亦然。是國內之出入財政。皆屬該銀行特權。若有一處不設。即有一處梗阻。此等分行及支店。到處皆有存款。皆可發行紙幣。毋庸多發股分資本。況中央銀行本不當以零星放帳押款爲能事。轉與商民爭利。要在代任國庫之出納。擴張各公司各銀行之資力。尤要在司理畫一圖法之關鍵。流通紙幣之兌換及其推廣也。國內公債票之收發。皆當爲之提倡。收其效驗。故中央銀行之建設。當集各國之精華。爲吾一國之取法。庶成效廣而利益多。

一造幣局宜歸併度支部管理。以杜紛歧也。各國造幣局祇有一二處。斷無各省各辦之理。如日本舊廠向在大阪。現在擴充。不止十倍於昔。仍在大阪原處。並未遷移。尙無分設。不似中國之紛紛開廠。重吸吾民脂膏。廣購外洋機器。章法錯亂。各自爲政。如是而欲畫一幣制難矣。度支部現有一局。自應設在京師。作爲中央主宰。從前開辦時設在天津。或者別有原因。似難索解。現在因陋就簡。只可將天津兩局併作總局。廣東江甯湖北等處作爲分局。悉由度支部派員管理。均須與部直接。方能收畫一之效。凡各分局所造之幣。均

須由總局派員按此驗準之後。再行就近送交大清各分行發用。如有參差疵病。即發還重鑄。科以罰款。藉償重鑄之費。總局應設一模範房。總司各局印模。並設一化學房。總司各局成色。並須聘一頭等化學師。各分局化學專員。均由總局分派。如有成色參差。皆其專責。各廠購辦各料。均歸總廠。以免爭買提價。

一印刷紙幣局。宜設在京都。以便調查也。印刷局關係重大。各國皆祇有一廠。既歸中央監管。自應在中央地方建設。日本係在東京。向歸大藏省管轄。近因兼印郵政火車各種紙票。以及各項國債票。改歸總理大臣經管。名曰內閣印刷局。凡國家所屬之刷印紙片。皆歸一廠。固為節省經費。而事權歸一。政府監察亦愈覺鄭重。

一金幣未能亟辦。宜豫為籌備。以定步驟也。出使大臣汪大燮。伍廷芳。胡惟德等。均主金本位之議。美國精琪與臣等面議。擬以飛臘濱改金之法。勸中國仿行。惟中國地廣人衆。金少銀多。殊難驟改。轉益為難。如目前金價日昂。國家歲償金債。虧損固多。然金貴則進口洋貨因之價貴。洋商販運維艱。銀賤則出口土貨因之價賤。華商售賣較易。實於中國貿易大有益也。商約隨員賀璧理將進口貨列表比較。金貴之後。洋貨進口。有增無減。臣以為此民間交通進步也。中國造鐵路如是之難。若使金賤。恐進口貨更多矣。為今之計。須

俟各省鐵路通行。農礦日盛。生貨日多。並須俟工廠陸續開辦。製造日興。熟貨日旺。庶於出口貨年多一年。進口貨年少一年。足以有盈無絀。屆時改用金位。亦無慮矣。之數年內。應將銀銅各幣趕緊辦到。畫一地位。仍將子母相生層層遞算之法。預留金幣地步。免致後來扞格。

一紙幣宜速歸國辦。以杜利權外溢也。咸豐年間。戶部曾出鈔票。未幾不能信用。逮英商匯豐銀行在上海創用鈔票。商民信用。於是麥加利道勝德華正金花旗華比各國銀行。皆出鈔票。將惟外國鈔票可以信用。嗣經通商銀行試用鈔票。乃有日本人偽造假票。二十八年歲杪。皆各持票到行兌換真貨。三日之內。全數兌畢。於是商民亦知華銀行之信用矣。湖北旋出龍元一元錢一千文鈔票。蓋鈐司印。准完錢糧釐金。通省暢行。近來江甯江蘇廣東江西湖南各省。均照湖北試行官局鈔票。華商則信成興業信義各銀行。亦出鈔票。惟官局鈔票。商民因其可納錢糧釐金。不受現錢上兌挑剔。故於本省盛行。而難行之外省。但恐各省財力艱絀。遇有要用。難免挪移。倘將來或有假票。或有別因。千萬紙幣。一朝兌換。難保官不受擠。近日洋商頗有煩言。一若鈔票惟有外國銀行可信。未免喧賓奪主。然聞洋商似欲國家作保。一經允許。若至兌換真貨擁擠之時。華商亦必託洋商代索。

度支部豈能置之不理。萬一稍有不慎。則於將來部行鈔票。轉生阻礙。似不若按照各國。將紙幣之特權。付諸大清銀行。祇須將準備真貨。亦照各國中央銀行辦法。斷無他虞。現在各省已出之官票。悉由大清銀行收換。責成各省。將準備抵款交付大清銀行。收回收作抵。如有不敷。只得由大清銀行代為暫墊。收束愈遲。抵換愈難。故不能不忍痛承認。況各該省倡行紙幣。完納糧稅。使部中運行較易。未始無創始之功。外人謂我銅元為害民之政。不料楮幣又將為銅元之續。此語雖似激烈。在我亦不可不加慮也。

一 金元宜可試鑄。存作銀行準備。以免舊金出洋也。中國地廣人稠。與日本不同。將來即使改金本位。其勢只能金銀並用。且只須作準備金。便可兌換匯用。現在若照所擬。試行兌換券。中央銀行不拘金銀銅真貨。皆當作為準備。如能仿照日本。未定金本位之前。先定金幣分量。度支部所收捐項。或即全改金數。納金雖屬甚微。究有指項。並責成造幣局。無論官商。准以舊金生金交局代鑄。免收工費。以勸來者。暫使本國得有金幣一種。即可由國家設法收納。存儲中央銀行。以作準備。俟積存稍多。再行參酌試辦中外匯兌。查海關貿易冊載。光緒三十一年出口金條金砂。值銀四百五萬五千四十四兩。三十二年。出口值銀三百十六萬六千三百九十三兩。三十三年。出口值銀五百三十五萬三千五百十一

兩。則中國不可謂無金之國。祇因不能作貨幣用。富家藏金。有本無利。裝飾用品。積少成多。故洋行收買。無日無之。若由中央銀行將紙幣所入之款。擇平價時酌量收買開鑄。以作紙幣之準備。不致受利息之虧損。亦免金貨全漏出洋。似於鑄金一事。不致絕無辦法。

一銀元主幣宜分期添造。以資周轉也。查天津總廠分廠。每日能造一百二十萬元。湖北分廠。每日能造四百萬元。廣東每日能造一百萬元。江甯每日能造一百萬元。共計每日能造七百二十萬元。一年以三百日計。能造二十一萬六千萬元。奉天吉林雲南三廠。尙不在內。中國約計四萬萬人。或云每人扯用五元。至少須備二十萬萬元。臣以爲鄉民多用銅錢。官商多用紙幣。且各省原有龍元。重量相同。尙可兼用。墨銀充斥。一時亦難全燬。約六個月得以造成一元主幣十萬萬元。便可按照新章。一律開辦。二三年後。主幣漸增。墨銀漸退。將來墨銀不能完納錢糧釐稅。其值必將漸低。自能不禁自絕。

一銀銅輔幣宜隨時察度分鑄。不可浮多也。查外國主幣無限度。而輔幣使用皆有限度。如在限度之內。往來交易。准其全用補助幣。不准拒而不納。凡五角以內之銀幣。限以五元爲度。凡五十文以內之白銅幣青銅幣。限以一元爲度。若逾其限度。准其拒而不納。是以輔幣成色。雖較主幣爲輕。國家自有命之使重之特權。但宜使市面足敷搭用。不宜使市

面病其充斥。若一充斥。必致暗中減折。有礙幣制。此須由中央銀行調查各處市面。酌盈劑虛。莫多益寡。隨時知會造幣局。如遇充斥時。便當收回儲庫。以抵準備之數。

一白銅幣利益最多。宜格外慎重。以防私鑄也。查鑲之一物。白亮精緻。比較銀貨。在疑似間。然製成輔幣。表裏模樣。與銀貨顯有區別。而商民益喜通行。近今歐美各邦。採用甚多。日本明治二十一年。造幣局長建議。有此白銅五錢貨。流通適度。則五錢銀貨。二錢銅貨。必更換少用。取益尤巨。雖鑲貨須由他國購入。金額不過數十萬。訂定六個月購入一次。其勅令第一條曰。白銅五錢貨幣造成。五錢銀貨。二錢銅貨。漸次交換。第二條曰。品位百分中。鑲二五。銅七五。量目一錢三分三釐一毫。第三條曰。以五元為限制。又算書摘要載明。鑄造白銅貨七百三萬五百七元三十四錢。內計鑲價連運保費三十七萬四千五百六十一元九十五錢二釐。銅價二十萬九千七百六十六元七十六錢六釐。鑄造費火耗四十二萬一千七百四十六元八十九錢九釐。共餘利益六百三萬四千五百一元七十二錢三釐。內除換回五錢銀貨一百五十一萬六千五百二十四元。以之改鑄一元。計虧耗二十四萬五千九百三十七元七十八錢。又換回二錢舊銅貨五百五十一萬四千五百三十三元二十四錢。此如中國舊當十錢。不值十之二。變成金元。計潰損四百四十一萬二千

三百九十八元九錢七釐。尙獲利益一百三十六萬六千一百六十五元八十四錢六釐。又載明人口五百萬。約可發行二百萬枚。人口五千萬。約可發行二千萬枚。是每十人發行四枚。中國以四萬萬人口綜計。約可發行一萬六千萬枚。所獲餘利。爲數已多。曾詢東西國銀行何以能免私鑄。據云鑲質甚堅。非機器力不能鑄。尤在限制嚴明。一元之外。卽不能用。自必散而不聚。零而不躉。如鋪戶有躉聚之貨。警察偵探。卽可告諸銀行。知會地方官吏查辦。此項鑲質。祇有美國德國比國出產。應由造幣局與該國行家訂立合同。只准政府按批采買。不准商民販運。與軍火同。並飭海關邊關嚴密稽查。除造幣局外。不准進口。似此防維。當有把握。

一新銅元宜變通添鑄。仍可無礙舊銅元。以收速效也。日本之十錢銅幣。成色較足。且係一廠所造。毫無二致。所以通用毫無阻滯。亦無私鑄。今各省所鑄。內攙和雜質。既不勻淨。字樣又復紛雜。其初粵省開鑄時。銅色既佳。並書明以一元換百枚字樣。倘使奉行不改。十進位可望成矣。惜乎各省紛紛爭造。以致愈趨愈下。官民受累。法令亦窮。然使聽其不值。是置十進位於勿議。何異因噎廢食。臣愚莫如仿照日本。改鑄十文銅元。去其省界。鑄明以一元換百枚。此新銅元卽定爲值十。前鑄之舊銅元。成色既壞。資本較輕。只可照市面

奏 牘

郵傳部右侍郎盛宣懷奏鑄造十文銅元辦法摺

四十一

己酉

定以一元換一百二十五枚。則私鑄自絕。將來造幣廠機器空閒。再行陸續收回。入爐重鑄。其價多逾二十五枚。以作加銅火耗之費足矣。臣所擬另定一百二十五枚之價值者。誠恐另鑄太緩。幣制不能速定。故出此不得已變通之策也。

一舊銀塊宜分別收買代鑄。以歸通貨也。造幣通例補助各幣。不准商民請局代鑄。惟主幣則可。無論商民人等。或將舊銀塊送赴造幣廠。逐件公估。並抽揀化驗。純銀若干。照章加算銅坯工費。合成代鑄銀幣若干。約定日期。憑單赴該處大清銀行收取。或將舊銀塊徑送大清銀行。亦逐件公估化驗。純銀若干。加算發造諸費。合成銀幣若干。立刻如數給發紙幣。暫將舊銀塊存庫。歸併轉發造幣廠鑄造。總期平允迅速。毫無留難剋扣等弊。將來墨銀市價。必可較低於主幣。屆時再行收買。至從前各省所鑄龍元。註明省界重量者。或可永遠仍舊。不嫌分歧。或俟貨足後。收回重鑄。以歸一律。屆時由度支部酌量定奪。

一新幣宜借款迅速鑄造。以資周轉也。新幣計非四十萬萬。不能舒展。所存庫銀。以及收集民間舊銀塊。一時恐難敷用。應由度支部乘此時金價昂貴。酌借一千萬磅。購買生銀。分給各廠限期鑄造。度可於一年內畫定幣制。興辦各項財政。免再因循。近日議論動以借用洋債爲冒險。實則借債亦視其作何用法耳。如爲自強借債。恢張軍實。攻守殊無必勝。



之權。如爲致富借債。開拓利源。子母自有相生之妙。況畫一幣制。國家所收利益。比開礦等事實有把握。分年拔還。易如反掌。此種借票。當爲外人所爭先購買。借款利息。必可輕減。墨西哥產銀之國。似可派員前往。與該國議定。購其生銀。而勸其洋元停止運華。亦一辦法也。

一金銀銅礦。宜速廣爲開採。以資鼓鑄也。外國以開礦致富。中國數十年來。條陳開礦者不少。所收效者能有幾處。誠以此事窮年殫力。險阻極多。有祖父破產而子孫發財者。有甲姓謀始而乙姓圖成者。華民畏難。孰肯冒險。漢冶萍煤鐵礦。臣承辦十餘年。備歷艱辛。已覩成效。然尙以難籌鉅款。未能盡力擴充。光緒十三年。張之洞督粵時。試辦鑄錢摺內。卽請大興礦務。以供鼓鑄。迄今二十餘年。各省舉辦。均無成效。固由於集款之難。亦由於擇礦不易。華人礦學未明。外國重聘而來者。仍鮮能手。臣權津海關時。曾設北洋大學堂。督辦鐵路後。曾設南洋公學堂。派令卒業學生赴英美國分習各項。現有王寵佑專習礦務。已爲湖南聘用。從前出洋學生。亦僅有鄺榮光在開平臨城辦礦。著有成效。可見此項人才。實不多覩。應請 飭下學部。查明已派出洋肄業專門之學生。及各學堂普通卒業之學生。選擇百名。分習各種礦務。另派百名。分習機器工程。以便陸續調回任用。並請

奏 稿

郵傳部右侍郎盛宣懷奏陳滇一帶開辦法摺

四十四

五月

飭下農工商部調查各省產礦所在。臣前任會辦商務大臣時。奏明設立勸礦總公司。籌款聘請英國地學礦師來華。擬徧勘全國礦廠。大興礦政。嗣因裁撤。無款籌辦。遣回礦師。停止辦理。現若坐待學生辦礦。至少須七八年。光陰可惜。應請 飭下各督撫。每省選聘外國地學礦師一人。將本省五金各礦勘查明確。據實奏報。即著各督撫將該礦地籌買歸官。編列字號。由農工商部刊布民間。招商領辦。官僅取其地稅。如商辦開有成效。或短少資本接濟。准其將已開之礦產股本。取具保證。向官商各銀行抵押。以助其成。以臣所知。東三省青海西藏產金不少。四川江西陝西產銅不少。熱河湖南河南浙江均有銀礦。即所謂鍊礦。亦或可尋覓。造物無盡之藏。實爲富國強兵之根本。豈特足供鼓鑄而已哉。

(未完)

(二)書新版出年半上酉己館書印務商

簡明修身

教科法書

第四册

高鳳謙 戴克 教授法 八分

本書文字淺易圖畫明顯極合兒童程度所用生字仍同三册例與國文科相聯絡尤便初學五册以下續出

女子修身

教科法書

第三四册

高鳳謙 沈頌 戴克 教授法 一角

是書與簡明修身大略相同惟所採材料必與女子德育有關而家政女工諸事亦詳言之五册以下續出

女子國文教科書

第三四册

高鳳謙 沈頌 戴克 教授法 各二角半

本書前出一二册頗蒙學界歡迎茲續出三四册全書告竣材料文字仍與女子極有關係益完備可法

初等小學習字帖

一五六七八九十册各一角  
三四册各八分

本館所出習字帖專取材於最新國文教科書期相聯絡前四册均楷書已疊版數十次第五六册楷書跳格第七八册行楷並列第九十册行草並列其楷書為汪子淵先生手筆其行書為何詩孫先生手筆其草書為嚴文陵先生手筆三先生皆書法大家不特可為後生模楷抑亦海內書家所共賞也

初等小學鉛筆習畫帖

每七册 四分

本館前出高等小學鉛筆習畫帖已經學部審定是編即按前書體例更求淺易便於初學臨摹第一册均簡單形體以次漸進至第四册乃及陰陽濃淡之法且所採圖畫均為我國兒童所習見者更合國民教育之旨

商業教科書

第三册

陸費逵 著 洋一角半

本書一二册述商業貨幣交通等大學界商界歡迎是册述資本利息公司銀行公估局金價當舖等并附票據雜形學理新調查確尤有實用所論公司利弊尤有識見從事公司者不可不讀

第二千零零五號

商務印書館己酉上半年新版書(三)

中學國文讀本

林紓評選 各一冊 每冊半

林先生古文名家讀本口心得評選是書首二冊國朝文三冊元明文四五冊宋文自唐而上沿流溯源上至周秦漢魏無不採擇精當每篇詳加批評指示義法尤裨學者

中學國文典

章士釗著 洋一元

原名初等國文典經學部審定改為中學國文典評語云此書凡九章專論詞性首總論終助詞視馬氏文通少缺詞一類而於總論中略及之謂感歎詞與本文無文法之關係是全書詮解精當凡中文法而不能通於西文者絕不強為附會而屬近今不可多得之書審定作為中學參考書

中學中國歷史教科書

丹徒陳慶年編 洋一元

學部評云是書略據日本東洋史要為底本而取為中史之用旨趣既殊事義較詳改錯不少審定為中史課本

何子貞臨黃庭經

二角

汪文端臨郭令公碑

三角

汪何二公書法之妙世所共知本館覓得二公真蹟各一種付之影印筆畫清晰絲毫不爽足以供中學堂習字之用

新教育學

武進蔣維喬編 洋一元二角

是書內容分六編首緒論二教育之目的三教授論四訓育論五養護論六學校論學說新穎文筆明顯凡身任教育者不可不讀也

# 章 程

## 南洋勸業會事務所詳訂各屬物產會

### 簡章

(一)緣起 本所因南洋第一次勸業會業經 奏定。以宣統二年四月朔日為開會期。而事屬創行。吾國各處物產工藝。獨無集會陳賽專法。深慮一旦臨事蒐集。必有壘漏參差未能詳備之患。用特參仿日本昔年市府物產共進會辦法。詳請 南洋商憲通行各屬。於開會期前一年。各將本地所出產物工藝一切。詳細徵集。定期分地舉行物產會一次。以為次年勸業會之基礎。

(二)區域 此項物產會既係為南洋勸業會基礎而設。則凡南洋各屬為物產匯聚交通便利之地點。均宜各就所產組織立會。以期詳備。茲謹就 南洋商憲轄治之蘇皖贛三省。分定設會區域若干處。具列如左。

江蘇省 (一)江甯府屬(會場設省城) (二)蘇州府屬(會場設省垣) (三)太倉州屬(會場設州城)

(四)松江府屬(會場設上海) (五)常州府屬(會場設府城) (六)鎮江府屬(會場設鎮江) (七)淮安府屬(會場設清江) (八)海州屬(會場設州城) (九)揚州府屬(會場設府城) (十)海門廳屬(會場設海門鎮) (十一)通州屬(會場設州城) (十二)徐州府屬(會場設府城)

安徽省 (一)安慶府屬(會場設府城) (二)徽州府屬(會場設屯溪鎮) (三)甯國府屬(會場設府城) (四)池州府屬(會場設大通鎮) (五)太平府屬(會場設蕪湖) (六)廬州府屬(會場設府城) (七)鳳陽府屬(會場設正陽關) (八)穎州府屬(會場設府城) (九)廣德州屬(會場設州城) (十)滁州屬(會場設州城) (十一)和州屬(會場設州城) (十二)六安州屬(會場設州城) (十三)泗州屬(會場設州城)

江西省 (一) 南昌府屬 (會場設府城) (二) 饒州

府屬 (同上) (三) 廣信府屬 (同上) (四) 南康府

屬 (同上) (五) 九江府屬 (會場設九江) (六) 建

昌府屬 (會場設府城) (七) 撫州府屬 (同上) (八)

臨江府屬 (同上) (九) 瑞州府屬 (同上) (十) 袁

州府屬 (同上) (十一) 吉安府屬 (同上) (十二)

贛州府屬 (同上) (十三) 甯都州屬 (會場設州城)

(十四) 南安府屬 (會場設府城)

此外各省商品另訂有出品協會章程。咨行各省照

辦。

(三) 組織 吾國內地農工商各業。籌者絕無統轄畫一

之機關。今一旦組立此會。剋期期成。則所有主任之機

關。與監督之責任。以暨組織一切之職務。所宜預為之

計者。本所茲特先期呈請 南洋商憲。於應設斯會之

各屬地方。每屬札委一二人。為該會之創辦。會同地

方官籌備一切。並令該地方長官即充該會監督。以期

機關有屬。責任較專。至該會以下應設各職員。並錄如

下。(一) 文牘科 (二) 會計科 (三) 陳列科 (四) 庶務科

(五) 評議員 凡各科人員之多寡。以事務之繁簡定

之。

(四) 會場 凡各屬設立此會。至實行開會時。由創辦

會同地方官勘借該地方所有公所廟宇祠堂寬廣之

地。以為物產陳列之所。不必另行建築。以省煩費。

(五) 會用 凡各屬設立此會。關於籌備實行種種應用

之費。本所特酌定每會定額為 各會無論如何。

不得逾於定額之外。至此費全額半數。除應由各該地

方官量籌補助外。其餘額費半數。本所並代訂籌集之

法。分舉如左。(一) 就各地賽會演劇各公項中酌量

提撥。(二) 募集本地紳富捐款。(三) 開會時可酌

收入場費。小販租地費等。以資補助。

(六) 類別 該會徵集本地所出物產工藝各種。置入會

場。統須審別各物之原料與製法一切。區分部類。并各

部依類次序布署陳列。不得屢聚雜陳。以致不便於研究參攷。本所茲擬物產分類之法。具述如左。

甲 天產品 (一) 農業部。(五) 穀 園蔬 樹藝 儲

藏 器具 肥料 水利 益蟲害蟲標本) (二)

蠶桑部。(繭 絲 桑種標本 蠶種標本 器具

場室模型) (三) 水產部。(鱗鱗 介甲 兩棲 腔

囊 植物 儲藏 器具 舟艇模型) (四) 藥材

部。(植物 動物 金石 製合器具 儲藏器具)

(五) 採部。(五金 石炭 雜礦 採掘器具 煉

冶器具 山場模型) (六) 狩獵部。(皮革 牙角

毛羽 器械 各種標本)

乙 工藝品 (一) 染織部。(漂染 機織 機器 場

舍模型) (二) 服裝部。(衣服 冠履 帶佩 陳設

裝飾 各種製造之器具) (三) 陶磁部。(陶器

磁器 土器 製造器具 窯廠模型) (四) 髹漆

部。(雕填 磨旬 綵繪 八寶 器具 工場模型)

(五) 琉璃瑱部。(琉璃 瑱瑒 景泰藍 盪磁)

(六) 五金部。(金 銀 銅 鐵 錫 鉛 鋼

器用 工場模型) (七) 竹木部。(竹器 木器 籐

器 柳條器 竹簧器 器具) (八) 玉石部。(玉器

石器 器具 工場模型) (九) 牙角部。(牙器 角

器 骨器 馬尾器 器具) (十) 鞣革部。(牛革器

馬革器 羊革器 麋革器 器具 標本) (十

一) 箋扇部。(箋紙 扇 書紙 造紙器具 槽舍模

型 紙料標本) (十二) 化學製造部。(蒸釀 化煉

器具 模型)

丙 美術品 (一) 繡織部。(刺繡 織錦 器具)

(二) 繪畫部。(水墨畫 油畫 鉛筆畫 器具 調

色) (三) 雕塑部。(雕鑿 粘土塑 石膏塑 器

具) (四) 煅冶部。(五金 鍍鍍 器具) (五) 陶

燒部。(紫砂器 磁器 瑱瑒 寶燒 器具 順序

標本) (六) 手工編製部。(編織 像生花果 器具

順序標本)

- 丁 教育品 (一)教授用具部。(筆墨 器具 時計 規表 量器) (二)理化器械部。(電學 化學 聲學 光學 力學 水學 汽學) (三)圖書部。(木版 鉛版 石版 銅版 電胎 器具 印刷機 工場模型) (四)成績部。(普通 專門 實業 女學 校舍模型) (五)標本模型部。(動物 植物 礦物 水產 器具 原料)

按此表僅列各種物產分部大綱。至詳細類別之法。另以清單說明。

(七)標注陳列 會場物產各種。既各區分部類。依類陳列。并須各於該物之次。附黏浮籤。標明該物品名量數價值產地等項。以資研覽參攷之用。該籤特由本所訂定專式。刊印頒發各會。以便填注陳列。茲將標籤正背兩面格式。附錄如下。

面 背 面 正

說 略						
地 方	運 銷	銷 額	每 年	產 額	每 年	效 用

第 ○ 號						
部 ○ ○			品 ○ ○ ○			
○ ○ 府屬物產會	宣統	姓 名	製 造	產 地	價 值	品 名
	年 月 日					




(八)開會期 本所現特詳准 南洋商憲。定以本年 月期日爲各屬物產會開賽之期。會期一月。期滿閉會。凡如蘇甯等屬交通便利之地。應各剋期開會。不得稍有延遲。至此外內地各屬。應須設會地方。一經奉到此項章程。亦須一律趕緊籌辦。次第成立開會。至遲不得逾本年十一月朔日。倘有因循玩忽。致逾此期而未成立者。本所接報告後。定將應任該會監督之地方官詳請撤參。以資儆戒。

(九)審查報告 本所頒發此章後。并於詳定各屬物產會開會期前一月。詳請 商督憲。派委該會審查員 人。周歷應設該會之各地方。凡於各屬會場之布置。物產之良楛。以暨辦法之合否。均責成該員詳細報告 本所。轉呈 商憲。

(十)獎勵 凡各屬物產會。由本所調查員審查報告後。本所當選擇各會物產。呈請南洋商憲施以獎勵。其獎勵法計分三級。一 金牌。二 銀牌。三 銅牌。

(十一)運賽 各屬物產會既爲預備南洋勸業會而設。則凡各會物產。由本所調查員審查報告以後。本所即當甄擇其品質精美。銷額廣鉅。暨堪以改良擴張之出產等。通知該調查員。另填清冊。轉呈本所。責成監督該會之地方官等。剋期轉飭運送來省。以便列入勸業會場各館陳賽之用。

(十二)附則 以上各條。係由本所酌定各屬開設物產會之大畧辦法。至各屬地方物產情形一切。有難盡同者。俟實行時。不妨斟酌各地所宜。變通而增損之。此外本所并另訂物產會通用細則。發布各屬。以資依據。



(四)書新版出年半上西已館書印務商

代數學新教科書

王家葵 李天編  
洋一元五角  
是書搜集東籍數十種增入新理新法不少而皆從基本定理導入次序秩然未更擴張初等代數學之範圍俾學者漸得高等之觀念

查里斯密初等代數學

王家葵 李天譯訂  
洋一元二角  
是書自西祖東久已膾炙人口譯述之時解說力求明顯詞時有酌易蓋深得原書之精意而不拘守其面目最適我國之用

平面三角法新教科書

王永 吳黃元吉譯訂  
洋八角  
是書為日本算學師所著體例完善詳略適宜經王黃兩君悉心譯訂有推陳出新之妙并於卷首搜集各公式最便檢查尤為特色

初等三角法教科書

周藩譯  
洋二角  
是書卷帙不多而門徑井然上篇述銳角之圓函數下篇述普通角之圓函數定理範式之證明不厭其詳而行文簡易使讀者循途深造忘其為沈悶之科學

幾何學難題詳解

高勝 雷駱師曾譯訂  
洋八角  
解立體幾何題較平面為難是書就種種立體問題逐一演繹由淺入深條理井然解說簡明圖繪清晰助入思想不少

新編幾何學教科書

張廷華 李天編  
洋二角五分  
幾何學理縝密精深難解究是書略舉崖略簡要煩有此先導登堂入室不難矣初級師範及中學初年

新式礦物學

鍾觀 許譯  
洋四角  
學部評云此書記淺近礦物頗有條理本附礦物一覽表便於鑑識礦物譯筆亦明暢審定為中學用書

商務印書館己酉上半年新版書(六)

露借傳

二册七角

敘英國貴族男女二人互相悅愛然兩姓故世仇一貧一富迥然難合遂至忿憤同盡文筆哀惻動人

蛇環記

二角半

敘男女二人同時被人謀斃正查探間又出二命案後經偵探家尼格忒帳轉訪查水落石出始知同為一意思想不到之人所殺

拿破崙忠臣傳

二册六角

敘一法國少年為王黨所陷害往投拿破崙復為一大臣所忌即命之入王黨偵探歷盡艱辛卒告成功

遮那德自伐八事

四角五分

一助人報仇二殺刺客三被擄四脫獄五勦賊六被騙七逃害八埋藏要據

俠義佳人

五角

一女子仗義輕財設女學堂開演說會并調查各地女界情形描寫陋習大聲疾呼足醒昏夢

血泊鴛鴦

三角半

敘猶太人中有二兵官同戀一女子互相妬殺歷盡艱辛始保平安譯筆文情兼到亦險亦奇

彗星奪塔錄

五角五分

倫敦一報名彗星因銷數無多忽發奇想設為奪塔彩票以鼓動一時銷數頓增其描摹下等社會婦女情狀可發一噱

冰雪因緣

六册二元

敘一商人巨富而驕一女甚孝反惡而逐之厥後結娶一妻性尤驕二驕相敵幸至妻逃友叛家財一敗塗地轉依其女以終

鍾乳燭體

二册六角

此書歸本友愛以尋弟之故至犯瘴癘涉沙漠飢渴而死成所不恤讀之足以愧天下之閱牆者

璣司刺虎記

六角五分

敘姊妹二人共悅一男後姊與男并陷賊中姊設計刺殺賊酋旋亦力盡而死男子得脫與其妹結婚情深意曲

黑太子南征錄

九角

書中摹繪英國未開化時代種種風俗忽而英雄俠客忽而名士美人或教士或走卒擊劍唱歌好勇鬪狠嬉笑怒罵皆成文章

## 記 事

### 三記湘鄂路線商借外款情形

三月二十九日上海泰晤士報。據柏林消息。張中堂與德華銀行代表柯斯君。於二月十六日。將粵漢鐵路借款。合同議妥。於閏月十八日。由克郎姆宣佈。

- (一) 共借英金三百萬磅。週息五釐。
  - (二) 以該鐵路所過各省每年釐金所入之項作抵。
  - (三) 限三十年歸還。
  - (四) 全路造成。歸中國管理。
  - (五) 須用德國材料。及用德人為總工程師。
  - (六) 自合同畫押之日起。限六箇月後開工。
  - (七) 將來造成。每年出入帳目。由德國派人調查。
- 按據華報所得消息。此項合同。計二十五條。茲將其緊要內容。詳列於左。
- (一) 借款公司。英匯豐銀行。德德華銀行。法東方匯理

記 事

三記湘鄂路線商借外款情形

銀行。(二) 借額。五百五十萬金磅。鄂境川漢路用二百五十萬。粵漢湘鄂線用二百五十萬。其餘五十萬。撥還合興公司。比國金元小票。(三) 折扣九五。(四) 利息五釐。(五) 還款期。自簽押日起。以十年為限。(六) 材料。枕木指定專用湖南苗木。鋼軌橋梁等項。如漢陽鐵廠所造。與英德法無異。則中外各用一半。(七) 工程師。粵漢用英人。川漢用法德人。由兩路總辦選擇。并歸總辦節制。(八) 英法各特設查帳員。監理財政。(九) 滬甯九廣等餘利憑票。及各種津貼。一律廢止。

四月初三日倫敦電。英國聯合會會員郎司德爾君。在下議院問云。中國建築粵漢鐵路。其所需材料之購自外洋者。是否按照一千九百零五年九月之合同辦理。儘英國公司供給。英外務次官吳德君答云。該路所需材料。現經議定。向英德法三國。平均購買。

二十四日路透電。美國有銀公司數家。擬派代表至遠東。以冀乘機將美國資本。輸入中國。

同日路透電。據華盛頓消息。美國某商會。得政府之贊助。擬運動借款於中國川漢鐵路。惟美政府於表面上。斷不肯代為交涉云。

二十五日紐約電。前任奉天總領事施屈德君。現在紐約。由美國銀公司派充駐華經理。該公司為富商摩根君。廉恩君陸伯君所組織。特行籌備鉅款。專行承辦中國川漢借款事宜。及中國他項有利之事云。

泰晤士報接。施屈德君在華多年。熟悉情勢。一九零二至零四年。先後在北京南京海關供職。一九零五年任韓國副總領事。兼使館書記官。一九零六年升任今職。同日北京電。美署使奉其政府命。向外務部要求。以後中國如借外款。美國亦當分享其利。並云倘與商借。必能格外減讓。並提及美國待中國不薄。即如退還賠款一事。可見。外部已緩辭謝之。

同日倫敦電。泰晤士報華盛頓通信員來電。美國奉天總領事施屈德君。將辭職以擔任代表財政之事。蓋即昨

路透電所言。美國欲得與聞中國度支之事也。

二十七日倫敦電。據泰晤士報北京通信員電稱。美國駐鄂北京代理公使。頭等參贊費勒查君。往謁張中堂。抗議批准川漢鐵路借款一事。因當一千九百零三年時。中國曾允。如借外債。必先儘美國籌借故也。

同日紐約電。美國銀行。遍發傳單。謂中國不允美國銀公司代籌中國鐵路借款之事。美國國務部。願為銀公司贊助。

二十八日倫敦電。據華盛頓官場通告云。美國政府。決意竭力贊助美國資本家。要求中國川漢鐵路借款利益。同日柏林電。華盛頓國務部。現欲分享中國川漢鐵路借款利益。大約美國各銀行。皆將聯合團體。以組織一國家銀公司云。

按中國先向英國借款。因意見不洽。改向德國商借。英人不允。聯合法國以爭。於是有英法德三國合借之舉。今美國又起而爭執。則將又化為四國合借矣。

附錄東西各報之評論

倫敦泰晤士報。近著一論說。略言。中國粵漢鐵路借款合同。遲至今日。尙未簽押者。實因英國政府再四抗議之故。按中國借款興築粵漢鐵路。舍英就德。未免有傷英國感情。要之英與葡日。均爲親睦之邦。中日二辰丸之案。滿洲之電約。中葡澳門劃界之交涉。英國均從中暗助中國。今華人乃以此種手段對付英國。故不能使英國滿意也。大阪每日新聞云。德國於此合同。得有特別權利。因自宜昌經過荊門至廣水之京漢預定支線。與由荊南經沙市至漢口之線。有更許德承辦借債之意。故德之所獲。終獨優也。

泰晤士報云。據倫敦最近消息。川漢鐵路宜昌以下一線。一千九百零三年十月一號。駐北京英公使薩道義君。曾與慶邸訂有專約。(注意)大致以中國如借外款。敷設川漢鐵路。須先儘英美兩國籌借。按照該約。德國本無借款敷設此路之權。近因德國願將議成之粵漢鐵路鄂線借

款作廢。讓與英法承借。代表英國利益之匯豐銀行。始肯將川漢借款事。歸德華銀行借與中國。並議定由漢口築造鐵路一條。直達四川邊界。總工程師用德人。所需材料亦取給於德云。

天津設立補救市面大會

天津承辦進口洋貨各華商。積欠洋行貨款一千四百萬兩。外務部暨各國駐京公使。甚注重此事。因之駐津日本德法三領事。函請北洋大臣。設值事會。楊督亦深爲挽救市局起見。派津海關道蔡觀察紹基。審判廳股長左道運機。又承審員蔡廷幹。商會總協理王賢賓。甯世福。劉承蔭。會同日領小幡西吉。德領克尼平。法領高祿待。日商代表大倉行東菊池。德商代表瑞記行東巴貝。法商代表華順行東倍而仕。在津海關道署。於四月十一日開會。是日公舉德領。會同津道。爲此第一次會議主席。各宣布開會宗旨。陳說謝詞畢。會議此次會議。即作爲開會第一件事。先須議定。以二人爲主席。一爲海關道。一爲領事。每次會議。

輪班主席。所有本會各員議論。會員有權審問證人。並錄口供一節。彼此訂定。改俟下期從長計議。緣本會爲一查問之所。並非當爲審判所。茲經德領決議開列。(一)本會改定名目。華文曰天津華洋商務理事會。刊列圖記一顆。(二)會議時。如遇主席一員不到。即以已到之主席爲領袖。如主席二員均不到。即以華洋副主席輪流爲之。其華員則以居於海關道之次者。洋員則以領事之第二名。輪流接替。(三)派書記官兩員。一爲孟堪師律師。一爲洗應勳。(係洋務局英文翻譯)。(四)辦事草章程。均已議定。各當遵守。(甲)所有本會會議。應由書記官一員。或兩員。承主席或副主席命令。邀請齊集。(乙)本會之圖記。須存在華書記官處。除在會公議奉命准行之件。可以蓋用外。其餘不准擅用。(丙)所有會議文件。須蓋用圖記者。應由主席或副主席簽名。其餘不用圖記之文件。由書記官一員或二員簽名。(丁)所有會議各紀錄。均用華英文繕就全份。比對無訛。以備存查。

按此會專爲清理華商所欠洋行款目而設。凡爲北洋大臣權力所能辦到。而於華洋商欠款有益者。均可由關道稟請施行。

### 籌商收回膠濟鐵路辦法

外務部曾於去冬今春。兩次照會駐京德使。商將膠州至沂州鐵路權收回。當經德國雷使轉達德國政府。嗣奉德政府訓條。開出三款。囑與中國政府商酌。

一中國政府兩次照會內。既允許於宣統十四年。即西一千九百二十二年以內。由德州至正定府。及由兗州府。或津浦幹路中之他處。過濟甯州。至開封府。造成兩段支路。如須借用洋款。允與德華公司商辦。并用德國工程司。是以德國政府聲明。所有魯澳條約第二段第一款內。所載由膠州至沂州府。及往山東西界造鐵路之權。情願讓與中國政府。并允此兩道鐵路。由中國政府修造。歸入津浦官路辦理。惟自膠州至沂州府一段鐵路。似尙須斟酌。其與幹路接連處。舍膠州而就高密。



是否爲宜。

二惟須特意聲明。由膠州至沂州府之鐵路。總須由中國儘西一千九百十五年正月初一日造成。爲中國官路。并如須借用洋款。須與德華公司商定。并用德國工程司。方可照讓此路之權。

三按膠澳條約第二端第四款。由膠州至沂州府。及由濟南至山東西界兩段鐵路。兩旁相距三十里內。允准德商開挖煤斤等項之權。雖此兩段鐵路。歸爲中國官路。然此權自係仍舊施行不移。

德使遂於上月間。將以上三款。照會外務部。請即核覆。外務部以德使所稱各節。除第三端應由本部另行核覆外。其第一第二兩端。究應如何辦理。特咨行津浦鐵路大臣。暨魯撫核覆。再行核辦。

### 記汴人抵制福公司事

河南交涉局與福公司訂立出煤後辦事專款十條。內第三條。聲明不在內地開設行棧賣煤。旋又加續約二條。第

一條言華商如有自願赴公司購煤者。他人不得阻撓買煤云云。汴省人士大譁。於三月二十七日。集議抵制之策。四月初二日。復開全體大會。由高等教習丁小川法政教習賀紹章兩先生演說。賀大概言。河南人之於福公司。當責其違約賣煤。即可以法理令其正約作廢。不當徒爭讓約許賣與不許賣。丁言河南礦產。以河南人爲主體。河南人不承認其開礦。即楊嚴二私人。不能以礦權賣權擅售於外人。河南人能盡力堅持到底。礦務斷無不能爭回之理。云云。旋議定辦法數條。一遞稟撫署。求力爲主持。

一派代表入京陳訴。一組織全省礦約抵制會所。閉會後。遂由各代表齊集撫轅。遞呈稟帖三扣。其內容一以法理爭持。必求廢去前約而後已。一以楊守嚴令私訂條約。請先治其罪。以爲交涉根據。一以員吏賄買外人違約。此漸萬不可長云云。

旋又公舉代表杜太史友梅。方主政幹舟。赴京聯絡同鄉京官六十餘人。開會公議。在外部及農工商部。各遞公呈。

記 事

記汴人抵制福公司事

力爭廢約。又懇請都察院代奏一切。當奉 旨。都察院代奏。據河南紳士翰林院編修杜嚴等。呈稱交涉局員。破壞礦務。違章擅訂續約。貽誤大局等語。著外務部河南巡撫會商妥籌辦理。欽此。

外務部奉 旨後。當電告汴撫。略言。查此事英使索償。每日一千兩。不再與本部提議。我若一味堅持。不特不能就範。且恐變本加厲。不及挽回。如此銀款。將從何處取償。豫省所爭者。祇是保全土產生計。現籌擬兩全之策。或官商合股。立一總公司。專購福公司煤炭。免彼意為低昂。或與土產出煤。減輕稅釐貨捐。京漢運脚。俾亦得出口銷售。惟專購一層。恐難全包。英使亦未必允。保全土產。似以第二層辦法為宜。此事關係貴治利害。現奉 諭旨妥籌。本部已計窮力竭。應由尊處熟權得失輕重。妥籌了事。辦法電復。幸勿以協力堅持等語。空言推宕也。云云。

附記瑣事數則 聞楊方等立約之時。不稟撫憲。乃先稟之藩司。藩司未即覆。撫院於閏二月初九日。得此消息。飛

電禁止。則已於十一日簽字矣。

福公司代表白來喜君。自得在內地販賣煤炭權後。首赴外部。呈明立案。旋即來省。請當道出示聲明。準其販賣之約。不准愚民阻止。時撫院猶未知續約兩條也。忽聞此種要求。知於豫民生計有礙。豫民必不于休。因即令交涉局拒絕。白君則持約為盾。見面即請出示。他言均置不理。並以貴局不允。即向外部交涉相恫嚇。日日如是。毫不退讓。省中保礦公會。業已成立。事務所設在學務公所東壁。衛輝許州等處。各已組織分會。紛紛響應。初十日。又由總會派員二十餘人。赴河北沿道清鐵路一帶。福公司售煤要處。聯合紳商士民。實行文明抵制。十二日。又派員赴鄭州許州各鐵路車站。預行阻其銷路。

### 續記皖紳力爭銅官山礦案事

皖紳因銅官山一案。公舉進京力爭廢約之代表。方履中、江峯青、吳傳綺。於三月十九日到京後。於二十日在安徽會館。開同鄉大會。

首由吳君報告此次皖省開會決議情形。所有全體會員。暨滬甯蕪各公會代表到會。均抱定廢約自辦爲惟一宗旨。其等此來。亦惟有堅持此理。向外部力爭云云。次由江君報告。洋人麥奎。在山數年以來。種種不法行爲。令甯商來京議結。甚望厚集羣力。內外一氣。要求外部。據理切詰。毋任逗遛。否則最後之文明抵制辦法。京外同人。亦早爲籌備云云。次由方君演說銅官山案情始末。暨五年來歷任督撫堅持作廢交涉情形。與甯商無理狡賴違背法理之確據。按照原訂合同。逐條指出。並妥籌一切對付方法。次由李仲仙制軍。楊杏城侍郎。相繼起座。皆謂事勢危迫至此。皖人除廢約外。無他辦法。惟有全體一心。堅持到底。衆復鼓掌贊成。遂決議一面由代表赴部投到。一面由在京皖紳聯銜公呈外部。協力與爭。並當衆簽名。公推李新吾侍講領銜。

二十五日。皖省代表到部者五人。爲方履中、吳傳綺、陳懋、江峯青、汪彭年等。首由方述皖人之意旨。並陳廢約早

廢限失效。應消廢之理由。丞參允將此意代達各堂。力爭廢約。惟會述榮云。李伯行星使。乃與議合辦。并立草合同。是凱約翰之狡執不允廢約。可以想見。否則李星使亦係皖人。當亦能顧桑梓輿情。廢約果可爭得。焉有不爲力之理。李既出於合辦。必其力爭而不得。今國勢如是。諸君當體敵部辦事之爲難也。汪答曰。以李之地位論。祇可以承大部之訓令。與外人交涉。不得謂爲皖人代表。蓋就公言。李雖皖人。現伊爲外交官。既未承部命。又未得皖人公共之委託。何得擅與外人議合辦。皖人於此層。決不敢承認。方曰。國勢雖弱。然以理直氣壯之事。而不與爭議。假外人索我兩江歸其管轄。亦將與之乎。會似甚愠現於面。勉答曰。此又當別論。方曰。皖人對此甚憤。議廢約不得。恐有暴動之患。會曰。外人甚願中國暴動。可以藉口。吳曰。我皖之士紳。亦豈願有暴動。惟愚民憤不顧身。受麥奎欺陵已久。今又受其槍擊傷者多人。愚民積忿既深。焉顧國弱。不幸因廢約不可。因而暴動。彼時已成國際交涉。大部亦難措

手。何如此時與之據理力爭。英人雖強橫。然斷不肯以一商人私營之商業。而冒大不韙。以輕舉啓釁。諸公皆明達人。孰得孰失。諒辨之甚明。此外尚有辯論多語。不暇盡述。凱約輪於二十八日到京。外部接英使函告後。即轉告諸代表。屬爲酌定日期及處所。以便會晤。代表諸君當覆言。代表等此次來京。係由全省紳民公同推舉。代達全省意見。只有廢約自辦四字。以備大部有所垂詢。今凱已來京。約期會議。應先請大部查照京內外皖紳公呈。與代表等面述各情。直向凱商切詰。令即照約作廢。速飭麥奎離山云云。

初一日。凱約翰到外部。與安徽補用知府任廷梅太守晤談。其大略如下。

凱問曰。閣下此來。有何意見。任答曰。爲廢銅官山約。此外無意見。凱問曰。閣下可有全權。任答曰。我無全權。尙有安徽全省代表諸君。凱問曰。代表諸君。可帶四十萬磅款項來。任答曰。我言廢約。非贖礦。諸事均由代表

主持。凱問曰。銅官山礦事。已成國際交涉。只有安徽官場來。可以作主。不必問代表。任答曰。該山附近。爲安徽人民財產。須要代表主持。任問曰。麥奎在山槍傷居民。及種種不法。應令其離山。凱答曰。此事恐係傳聞之誤。可有人告發。任問曰。此事是我親自查出。貴國領事亦知此情形。皆係屬實。凱曰。明日再與代表會議。

是日代表復上書外部。略言。頃任太守回。傳述大部諭令。明日到部與議。既在大部會議。自應遵往。茲訂於明晨十鐘。偕詣大部備議。惟連日疊接皖滬甯蕪各處來電。僉謂凱商不遵廢約。竟先私訂草合同。皖人誓不承認。除抱定廢約自辦外。無論何項辦法。無可與商。務懇大部據理堅持。無稍遷就等語。是同人此來。原係代表全省意見。以備大部垂詢。他非同人所敢置議也。

初二日。諸代表到外部。與凱約翰會晤。駁詰甚久。茲將其問答之詞。全列於下。

梅譯凱約翰云。你們安徽人。知道開礦利益嗎。若是我們

能在你安徽地方開礦。我固然是得了利。你本地人亦很估便宜的。我同你們安徽人。交情很好。所以我這幾年來。千方百計。總想把這礦辦成。先在安徽撫臺處。訂有草合同。後到外部。訂有正合同。所有花費的錢。約去英金四萬磅。只是爲成本過鉅。我一人沒有這許多錢。所以定約後。我就回英國去招股。我大家朋友去湊錢。這也不是容易的。在你們看我沒有在山。以爲我是未辦哪。其實我心裏。天天在那裏辦呢。你們說安徽人民情不服。其實那地方人。很願幫著做工。說他們不服的話。我是不信。這都是你紳士們。住在省城。離那地方很遠的。不曉得那地方的情形。只聽著謠言。看著報章。就說是民情不服了。其實是沒有的。我這次來的時候。有些朋友送我。說是安徽人待你很不好的。總說你未開辦。你去也無益。我說安徽人向來誠實。將不欺我的。今天既與諸公見面。正好細細談談。代表人云。這件事是久應了結的。只是貴商人遠在英京。業經耽擱五年了。這次來的很好。我們且不說別的。先請問

你。兩國商務。可是以合同爲憑呢。凱答云。那是要憑合同的。

代表人云。既是要憑合同。這銅官山礦。就應照原訂合同辦理。我且先把原訂合同第四第五兩條。念給你聽聽。當譯出告訴一遍。（第四條云。開礦地段。應於未動工以前。詳備圖說。將開洞蓋廠挖溝處所。逐一標註明白。知照商務總局。派員會同地方官查明。果無窒礙。由該公司備款。交商務局。向民議購或租。不得私相授受。）（第五條云。自奏准簽字之日起。以十二個月爲限。如逾限不開。合同即行作廢。報効銀兩。不得索還。）

你聽這是原訂合同的條文。不錯麼。凱答云。不錯。這是的。代表云。既是不錯。條文內自奏准簽字之日起。以十二個月爲限。可是自光緒三十年四月二十二日起。至光緒三十一年四月二十二日止。就是這十二個月麼。凱答云。就是。

代表云。既是以這十二個月爲限。你如何限內并未動工

開辦。凱詰問云。條文內載的是動工。抑是開辦呀。

代表答云。第四條內。明說是未動工以前。須詳備圖說。備款購地。自然於限定期內。是要動工。纔得算開辦。凱默然。

代表云。既於限期沒有動工。就確確是逾限未辦了。這第五條說是合同作廢。報効銀兩。并不發還。豈不是實在廢約的憑據嗎。凱云。你們說是未辦。我總說並不是未辦。我當那年訂草約時候。我就在山上。挖了兩個洞。我這不是已辦麼。

代表云。那是探險礦苗的洞。這開辦却不是空說的。照原約第四條看來。必須於未動工前。備款交商務局。向民間購地。然後纔能開辦。你於光緒三十一年四月二十二日以前。並沒有備款交商務局。購買尺寸的山地。你從何開起。這就是逾限未辦的實在憑據。你既是逾限未辦。這箇約就應作廢。是無待說的。凱默然。良久徐云。這些話。前數年都說過了。來往文牘亦很多的。現在不用說罷。你們就說。我政府裏也未必承認。往年我外部給我有一信。據我

欽使說。這件事已面向慶親王說明了。我政府是不以廢約爲然的。這封信就是幫助我的憑據。（當取出信來。交代表閱。）

代表云。這信是你外部給你的信。我們不必管。但你說你欽使同我慶親王說明。這是那一年的事。凱答云。這是三年前的事。代表云。你說三年前就向慶親王說明。慶親王管理我外部。我外部這三年內。就有許多次照會到你公使那裏。要飭你們廢約。並要叫麥奎離山。是我外部並沒有允你不廢約之憑證。凱默然。徐云。你們說是商務。我說這合同。是在你外部訂的。曾經奏准過的。這該由政府作主。今你閣下四人來。要談廢約。難道你們就能作主嗎。我們英國人。凡政府要做的事。百姓們祇有服從命令的。不得干涉的。你可知道我這次來。是同你政府裏說話。你們四人。無逼我廢約的道理。

代表云。你說合同是外部訂的。就要政府作主。不能全算商務。你可知道你在我外部承辦礦產。你辦事要照我國

的礦章。你也服從我國主權之下。就便是商人資格了。你既是商人資格。就該遵我國的商律。怎能够借你政府推託呢。你說我四人無令你廢約的道理。你曉得你逾限不辦。這約就是廢定了。不但我四人說是要廢約。凡我安徽四千萬人。以及我外部。我政府。都是說要廢約。且不但我國人說要廢約。就按之各國法理。亦是應廢的。就同你英國政府說。也是要廢的。今日我外部官員都在座。請問我外部歷年的案卷。都是主持廢約不是。你要曉得我國現在立憲。庶政公諸輿論。只要不悖法理。政府的意見。都與百姓意見是一樣的。我外部意見。也是與百姓一樣的。這約應廢。是遵法理上的辦法。自然有令你廢約的道理呀。你說你此來是同我政府說話。不必同我們說話。你可知道我們此來。就係我外部電令我們來備議的。我亦並不一定要同你說話。是你英公使前日有信到我外部。說你要會我們說話。你剛纔又說是見面正好談談。我們所以照理。源源本本的說給你聽。至飭你遵這合同廢約。自有

記 事

續說我紳力爭領官山礦案事

我外部作主。凱默然。又云。合同上以一年為限。這不過是催人速辦的意思。恐遲遲不辦。又望礙人之不能辦。不是一定說逾限不辦。即應作廢的話哪。

代表云。合同定有期限。正是恐你不辦。望礙我們自辦。既定合同。自應照合同辦理。你逾限就應照合同作廢。我們本國商人辦礦。照章只限六箇月。如六箇月未辦。定即作廢。你這回定十二箇月限。就是我國格外優待你。你尚逾限不辦。合同作廢。更有何說。凱云。你們安徽人要廢這約。是已經騙我的錢入囊中去了。所以這會子堅持廢約。

代表云。誰騙你錢入囊中。不妨向那騙子取回。我們並未騙你哪。凱云。你們不必再說廢約了。我是不喜歡說廢約的。我政府也不喜歡說廢約。如今倒有一法。還是說說贖約罷。這廢約的話。可以不必說了。

代表云。我們只曉得廢約。不曉甚麼贖約。這贖約的話。倘你於限內。已經照章購地開辦。纔說得上贖。你限內既未購地。你係寸土俱無。銅官山一草一木。皆我安徽人的

產業。萬萬談不到贖這一字。這些不合法理的話，你不必糾纏罷。且你麥奎在山挖人墳墓，佔人屋基，迭由潘裕前等。同該山附近百姓，呈控有案。前數年裏，屢經我安徽撫臺。電告你領事，同你公使，飭你麥奎離山。說如此行爲，地方官是不認保護的。你一再延宕不理，不叫他去。是何道理呢。今年春間，他又在山持鎗轟傷百姓。我安徽撫臺，派道臺派委員到山，查有實據。地方百姓，同全省士紳，又有許多電稟到京。現在民情，憤恨麥奎，已到極處了。你說有些人幫助他做工。那些人皆是外處的幾個流氓，跑到那地方，麥奎以小利哄他。其實并非本地人。你既說你英國同我們交情很好，我們不能不照直告訴你。請你趕緊叫他離山罷。

梅縉譯云。你們說麥奎在那裏種種兇橫。那倒好辦。他是在你們中國土地上。你中國可以有主權辦他。如實在不法。就可交給地方官。照法律辦。再不然。也可以送交我國領事官懲辦得的。凱云。你說我們人這些話。我總疑是傳

言不實。總之我不認廢約。我政府也是如此。代表云。麥奎兇橫。我本省官府。迭次有案。那一件是能假得。你說你不認廢約。我說我安徽人。我外部。我政府。都萬萬不認廢約。我們辦事。總要遵照法理呀。凱云。我却不管什麼法理不合法理。代表云。這是什麼話。你國是文明之國。說出話來。做出事來。那能不照着法理。要照你說。不管什麼法理。你信口說說。以爲不要緊。你自己簡人名譽。全不管了。也要想想你這文明國名譽。只怕不能如此不顧罷。

凱云。我來時。有些朋友送我。都說中國人待我不好。我尚不信。今你們都說定要廢約。我錢已白用了。合同已廢了。就這樣空手回去。怎好見我朋友。我朋友都要笑了。你們替我想。代表云。你說你認廢約。不好見好朋友。你可曉得我們做代表的。來時我鄉父老子弟。有數千人送我。都說諸君要堅持廢約。今日倘若不拖定廢約兩箇字。我後日又如何見那前日送我之父老子弟數千人呢。你也替我想。梅縉譯縉眉云。照這樣一箇要廢約。一箇要贖約。



就說一禮拜。也商量不到一塊。凱竟默然云。今日且不說罷。遂辭出。

聞凱約輪旋。又要求合辦。方允廢約。諸代表亦不承認。十九日。外部當邀請皖籍京官及諸代表到部。與凱會論。仍不得要領。

某日。諸代表復上書外部。略言前赴大部與丞參諸君研究此事。會謂按原訂合同。自應作廢。部內必勉爲其難。並未提及合辦。復於本月初二日偕赴大部。與凱約輪直接會議。業將逾限未辦照約應廢理由。按之原訂合同。逐條指詰。凱理屈詞沮。始終並未提合辦字樣。未雖一言贖約。亦經中等嚴詞駁阻。凱竟無詞。是贖約會辦。凱均不敢再肆要求。彼外間惶惑之詞。想仍係執已往之言。有所誤會。而於近日大部力持廢約情形。尙未深悉。惟麥奎在山兇橫舉動。道路切齒。不能再事逗遛。伏懇大部從速咨會江督皖撫。札飭道縣。並照會駐蕪領事。趕飭麥奎離山。並乘目下凱商在京。將麥奎佔地挖墳運石傷人各事。提出另

議云云。

按銅官山案。四月中。正在爭執劇烈之時。皖省紳商。及僑寓外省之學界商界中人。咸紛紛致電政府及外部力爭。而皖籍士紳。復於四月十二日。在省城開抵制會。在上海之安徽路礦公會。亦於十九日。邀集各省團體。開特別大會。旋議組織銅官山礦共濟會。共籌善後之策。以文繁不備錄。略記其梗概於此。

#### 南洋勸業會記事第四

南洋勸業會定於明年四月初一日開幕。先令江督所屬江蘇安徽江西三省。於今年開設物產會。其餘各省。開出品協會。已見章程。茲以爲期漸近。蘇皖贛三省。已陸續爲開會之預備。茲略記其梗概如下。

江甯 三月二十七日。開協贊會。

蘇州 四月初七日。開協贊會。定期七月朔日起。在西閩門外西園。開設物產會。

松江 四月初九日。開談話會。推定協贊會辦事各員。

上海 四月初四日。開招待會。商議設立上海出品協會事。

是日。鄭蘇截京卿論出品協會與物產會辦理之好壞。不繫於物品之優劣。而繫於組織之完缺。但能組織完備。使一地方之物產。何者爲優。何者爲劣。何者當推廣。何者當改良。一展覽間。無不了了。即爲最好之出品協會。非必所出之品。能壓倒全會場。乃爲滿足云云。

鎮江 四月初二日。開物產會事務所成立會。舉定協贊會事務所人員。定期十月初一日。假新河大輪絲廠。開設物產會。

淮安 四月初二日。開勸辦物產會。十五日。在清江商會。開物產事務所成立會。定期十月初一日。在商會開設物產會。

通州 五月初一日。開通海物產研究會。  
安慶 四月口口日。就商會內商議一切辦法。即附設一勸業協贊會。

江西 四月十八日。開物產總會事務所。  
福建 四月十五日。會議出品協會辦法。先設事務所。二十八日。出品協會事務所成立。

### 滬嘉路線開車記事

蘇省鐵路南線。即滬杭甬路中之滬嘉一段。於四月間全功告成。十二日行正式開車禮。是日東遊在滬各股東。各團體代表人。及中西新聞記者。是日到者近千。江督端午帥。特派甯藩司樊方伯爲代表。其餘自松江提鎮以下。府縣各官咸蒞。公司中王總理清穆。王協理同愈。皆因奉召入都。許協理鼎霖在江北。張協理譽爲代表。

是日上午。車站預備花車四輛。二三等車六輛。盛飾綢綺。編響龍旗。九時後。來賓陸續蒞止。十時開車。行三十分鐘。至莘莊。有高初等各小學校。在站排隊迎迓。唱歌歡呼。十一點十四分。至松江。則府中學堂。及各高等小學堂。以次在車站左右會齊。開歡迎會。每校唱歌致賀。張協理及各董事諸君。均下車致答。又以本路學校學生。導以軍樂。

隊。下車致敬禮。十二點。抵楓涇。先由各學校男女學生。列隊在站歡迎。亦均唱歌致賀。當以本路學校學生。導歡迎隊往休憩室。陪用午點。次由協理董事。分導來賓入座。奏樂開宴。

入座後酒半。由張協理報告成績。先述開會緣由。次言本路自光緒三十三年經始。凡二年又三月。克成厥功。其中橋工大小凡四十有八。全線計長一百十二里。岔道二十里。核計全路開支。約二百三十萬兩有餘。自滬松開車後。每日客車。平均約日收千元。此滬嘉鐵路之大概情形也。

次領袖徐工程師報告曰。本路自光緒三十二年冬。開始測量。三十三年正月開工。十月。料車通松江西門。去年三月。上松之間。試行客車。本年二月。料車直抵楓涇。蓋全路告竣。為時二年又三閱月。正線共長一百十二里。路線雖短。而以人煙稠密。分建車站十處。地係澤國。橋梁孔多。自滬迄楓。除涵洞不計外。大橋小橋。多至四十八座。最大者

曰斜塘橋。空長四百四十尺。圓洩涇橋四百尺。六店灣橋二百尺。北姚涇橋一百尺。計用工料銀一百九十餘萬兩。全路以斜塘橋為最鉅最難。橋下水流湍急。本為葑湖下游。及黃浦上游接觸之處。水深恒在四丈以外。施工良為不易。今日全路告成。深幸仔肩得釋。謹此報告。

報告畢。來賓致頌詞。(一)江督代表樊雲門方伯。(二)十一省商辦鐵路公會。(三)商辦贛路代表。(四)松江府威升淮太守。及華婁兩縣。(五)江蘇教育總會。(六)蘇州商務總會。(七)滬南商團公會。(八)楓涇誠敬學堂。(九)楓涇養正勵志兩學堂。(十)本路學校監督。(十一)曹雲廣君將以上各頌辭譯為西文。及頌辭。(十二)滬甯車務總管樓愛德。

次張協理致答辭。又由張縉雲君代表協理。譯英語答謝外賓。其間西賓歡呼。全體鼓掌。又有楓涇各學校製贈綢旗甚多。禮畢。奏樂散會。下午二時五十分。在楓涇開車。五時二十二分。回上海。其間渡斜塘圓洩涇兩橋時。特開

快車。平穩如坐天上。西賓十餘人。均極口稱贊不置云。是日。公司所得各來賓頌詞。及各處賀電。不可勝數。以限於篇幅。不及備載。特將中西來賓之評論。彙錄於下。適感著名橋工程師穆拉君。每過大橋時。均仔細察閱。謂各橋工程。異常完固。與西方各國第一等之橋工。絲毫無異云。

蘇州商務總會協理倪詠裳君。謂車行非常迅速。而絕不覺其搖動。路工之堅固。可以想見。

贛路代表黃君。謂路工及各處建築。十分完備。此次觀禮。極為滿意。

字林西報代表某君。謂滬嘉鐵路之建築。非常完美。所見中國各路。實以此路為首云。

德文報館代表斐克君。謂自上海至楓涇之路工。前曾考察一次。今日已為第二次。此路之平穩堅固。實較滬甯為勝云。

茲又將蘇路公司開會時之說略。附錄於下。藉資參考。

本公司自前年開辦起。截至戊申年底止。共用去規元二百九十一萬餘兩。預計至本年四月工竣。約尚須用規元二十萬兩之譜。此項約以用餘材料及各項機件儀器等。或移往北線。或歸入養路之用。作價差足相抵。而此二百九十一萬餘兩中。尚有不能歸本路工程各項下者。茲分列如下。

甲 股息。 規元十三萬二千六百餘兩。

乙 蘇嘉車站地價測量等費。 規元一萬餘兩。

丙 北線測量開辦費。 規元一萬七千九百餘兩。

丁 代表入京。及滬杭甬路局開支。 規元六千六百餘兩。

戊 路校警務開支。 規元二萬七千六百餘兩。

己 車輛價。 規元三十七萬一千五百餘兩。

庚 行車開支。 規元三萬一千九百餘兩。

共計規元五十九萬八千餘兩。

除以上七項外。計實用於路工者。規元二百三十一萬餘兩。全路連支線岔道。共一百三十四里。平均計算。每里合規元一萬七千餘兩之譜。連車站月臺。道房機車房。材料房。轉盤水櫃。電報電話。馬路天橋。及額外馬路橋工碼頭等項之路工建築。一應在內。且正路路線。長僅一百十二里。而大小橋梁。竟至四十八座之多。百尺以內者不計外。其最大者。有四百四十尺之斜塘橋一座。四百尺之圓洩涇橋一座。二百尺之六店灣橋一座。工艱費鉅。為蘇路最喫重之處。第一段所購地畝。上等者每畝洋三百元。中等者每畝洋二百元。下等者每畝洋一百元。以上海。似尙較平常地價爲廉。若無如此艱鉅橋工。及地價等情。則約可省五十萬兩左右。核之上述。每里平均之數。幾可減去四分之一。此約略計算全路用款之大概也。所有詳細報告。俟工竣後。各項帳目結算清楚。再行刊刻清冊。呈請公鑒。

計收到股款及息金雜項。規元二百二十九萬餘兩。

記 事

記銅元貽害商民事

計暫墊。規元七十萬餘兩。

計未繳足股款。(照現收一期股額計算)

規元七十八萬餘兩。

記銅元貽害商民事

松江華亭縣亭林葉樹兩鎮各商家。因銅元充斥。洋價飛漲。決議於四月初一日起。將銅元每枚折當制錢八文。鄉民大譁。同時搗毀店肆數家。以致罷市。

奉賢縣阮巷鎮。亦因將銅元折當制錢九文。被衆搗毀倡議之店肆一家。

事後。江督與蘇浙兩撫。咸因銅元減折。互相商榷。茲錄其往來電文如下。

農工商部致蘇撫電 據上海總商會電。朱涇銅元折價。前接該會繳札辭職。已移府縣查禁。奉冬電。當派員往查未復。據金山松隱分所電稱。金山鄉浙錢價參差。朱涇亭林葉樹各鎮折價。棍徒搗毀罷市。已稟府縣。乞電部主持等語。上年長元吳會稟。以銅元充斥。非減折無以維市面。

職會抗議。謂減折不僅失全國信用。且慮罷市之風迭出。此次浙先作俑。請電督撫札屬。丁漕釐稅。一律收用銅元。嚴禁折扣等情。查各處因銅元爭折罷市。關係甚重。亟宜設法維持。以遏亂萌。請核辦。并復。

蘇撫致江督電 洪農工商部齊電想達。除已電飭松江府查禁速復外。茲擬電復。文曰。上年因銅元充斥。據長元吳三縣稟請減折行使。即經嚴批駁斥。並行司道。飭永遠不准減折。本年震澤鎮。因店舖減作九文。幾於罷市。飭縣勸諭平靜。惟以鄰境南潯鎮減折藉口。已咨浙撫。飭查辦理。茲承電示。上海商會所稱朱涇亭林葉樹各鎮銅元減折罷市。尚未據該府縣稟報。容即飭查嚴禁。至丁漕釐稅。本准一體收用。當再飭司移行遵照。謹復等語。是否有當。祈鈞處復核。挈街譯發。并盼見復為荷。青印。

江督致浙撫蘇撫電 農工商部齊電。計達冰案。銅元減折。於國體圓泉。市面民情。均有窒礙。應請固帥查明各屬。如有私自減折之處。即行遵照部電。嚴飭禁止。以維大局。

蘇松各屬。與浙毗連。並請伯帥一體飭禁減折。並祈主稿。挈街電復農工商部查照。盼復。方青印。

浙撫覆江督蘇撫電 接農工商部齊電。以各處銅元爭折罷市。關係甚重。亟宜設法維持。以遏亂萌等因。銅元完納正項。本遵部章。而各省鼓鑄已多。加以私鑄濫輸。更形充斥。現飭司道核議矣。尊處如何籌辦。已否答復。敬乞惠示。俾有遵循。幸甚。韞青印。

江督致浙撫電 昨陳一電。想達冰案。銅元為公家所鑄。一經減折。即失國家信用。且與窮民多所不便。此事自宜禁止。如慮私鑄濫輸。更形充斥。惟宜設法查禁私鑄。以絕蠶根。未便將官鑄銅元。因之減折。致蹈因噎廢食之誦。蘇松各屬。昨已電致伯帥。飭禁私自減折。尊處既飭司道核議。未知所議若何。如其亦表同情。則浙甯蘇三處。自可會銜電復農工商部。以歸劃一。仍盼復。方恭印。

蘇撫致浙撫電 昨奉農工商部齊電。即擬擬具復電。文曰。上年因銅元充斥。據長元吳三縣稟請減折行使。即經

嚴批駁斥。並行司通飭永遠不准減折。本年震澤鎮。因店舖減折九文。幾於罷市。飭縣勸諭平靜。惟以鄰境南潯鎮減折藉口。已咨浙撫。飭查辦理。茲准電示。上海商會所稱朱涇亭林葉樹各鎮銅元減折罷市。尙未據該府縣稟報。容即飭查嚴禁。至丁漕釐稅。本准一體收用。當再飭司移行遵照。謹復等語。電請午帥覆核。聖銜電部。惟午帥處已否照發。尙無復音。朱涇等處銅元減折。已電飭松江府查禁。一體行司轉飭通用。嚴禁減折。浙省壤地毗連。應如何一體查禁。祈嚴飭遵行為荷。啓奏封印。

浙撫復江督蘇撫電 電悉。蓋籌甚是。深表同情。茲擬具會復電稿。文曰。銅元爲公家所鑄。豈容私行減折。敗失國家信用。浙省商市交易。向以銀元爲本位。銅元爲補助品。商民稱便。從未減折。蘇省長元吳三縣。上年因銅元充斥。稟請減折行使。嚴駁未准。至蘇浙毗連各州縣。有無減折。自應一律禁止。丁漕釐稅。向章准予搭收。當再飭司道嚴行遵照。謹復等語。電請裁定。候復即發。韞真印。

### 記上海信義銀行停歇原由

上海信義銀行。係鎮江尹壽人所倡設。今年因被人播弄。散布傳單。以致人心搖動。紛向該銀行支取現銀。經商務總會將該銀行受抵之鎮江造紙公司全廠房屋機器等產。向荷蘭銀行暫押銀五萬兩。兌付鈔票。其餘由該銀行自行清理。詎至四月十七日。因押款已罄。而未兌之鈔票。尙有五萬餘元。力竭難支。遂致停歇。旋經上海道商諸上海商務總會。代籌現款三萬兩。兌付該行所出之鈔票。以維持銀行之信用。其所收零星儲蓄一萬餘元。活期定期存款十六七萬元。仍勸令該銀行悉數清還。

按據該銀行登報聲明。略言該行並無虧欠。計人欠項下。鎮江造紙公司欠十五萬兩上下。押款欠二萬兩上下。各分行欠六萬兩上下。目前人欠約共廿三萬兩上下。欠人項下。欠各存戶約十三萬兩上下。欠商會約七萬五千兩上下。目前欠人約二十萬兩上下。據此兩相比較。尙多出數萬金。現鈔票已籌款

### 記事

記上海信義銀行停歇原由

兌盡。儲蓄一項。現已籌款即還。未到期之存款。存一天  
有一天之利。到期則如數清還云云。

又按近年官商銀行紛紛設立。亦紛紛行用鈔票。其最  
後之結果。殆難預言。茲將最近查得各銀行發行鈔票  
之數目。列表於下。藉資參考。

行名	鈔票數目
大清	一百五十萬
通商	四十萬
裕甯	四十萬
裕蘇	五十萬
廣東官銀號	十萬
興業	三十萬
信成	五十萬
附記各國銀行發行鈔票數目	
行名	鈔票數目
匯豐	一百八十萬

麥加利	六十萬
德華	五十萬
道勝	三十萬
華比	四十萬
花旗(或說是萬國銀行)	三十萬
正金	一百萬

### 杭州商學公會成立大會記事

五月初二日。為杭州商學公會成立大會之期。以協和講  
堂為會場。官長如巡警道楊觀察。勸業道董觀察。提學使  
因病。派熊大令連昌。警局總辦杭府卓太守。派周大令承  
阿。代表蒞會。下午二句鐘開會。先由副會長周君湘齡宣  
布開會辭。旋推舉潘君赤文為臨時議長。潘君請本會書  
記員景君本白演說辦法之最要者數端。(一)設商報以  
開通智識。(二)辦商學以培育人材。(三)考商品以擴充  
貿易。次由書記員魏君在田報告入會人數。次由會計員  
毛君浩甄報告收入款目。次由巡警道楊味春觀察委託



景君本白宣讀祝辭。勸業道董季友觀察亦有祝辭。自行演說。宣讀畢。隨即提議事件。(一)商業雜誌。(二)創設商業講習所。(三)籌辦商業學校。(景君云此為速效法。延聘講員。編刊講義。定期聽講。以研究商業商法。周君湘齡云。此為開通已成材之商人而設。商業學校。係培植商家子弟。二者可同時並舉。又言擬辦中等商業學校。約定學額二百五十人。每年預計。約需經費銀一萬兩。惟須官長為之提倡。收效自速。董觀察亦允往商提學使。妥議辦法。

(四)贊助出品協會。(景君謂南洋發起勸業會。各省均經派員調查。蘇閩皖贛各省之出品協會。均已先後成立。浙省亦不能再緩。此事須請勸業道發起。本會居於贊助之地位。衆皆贊成)。(五)籌議開辦費。

是日。會員褚君博甫演說多時。擬勸商家與辦三事。(一)立調查部。以調查每年貨物進出口之比較。(二)設立勸工場。以資商人之觀感。而可限制洋貨之輸入。(三)設宣講所。大致與講習所之意相同。惟須隨時將最近商業

情形。報告演說。以資研求進步。

### 記杭州英醫士侵佔官地實情

去冬。浙省錢氏紳衿具呈撫署。略言光緒二十一年冬。英國醫士梅滕更。藉建病院為名。將西湖寶石山上保俶塔旁空地三方盜租。并強迫保俶寺僧懷忍簽押。聞當時租約中所載。計地三方。共六畝五分二釐。計租價得洋一百零二元。聲明只建病院及下人住房各一所。皆離保俶塔三丈以外。不築圍牆。免礙風水。其寶石風亭及保俶塔。一任文雅之士遊覽。不在契約之內。將來如須修塔。即將前後房屋。一併拆讓。至南首保俶寺。仍歸寺僧管業云云。不意梅滕更自承租後。即四面築牆。斷其出入。更施以種種威嚇。寺僧懷忍懼禍避去。本年冬。聲誠乞假掃墓。見寶石山盡改舊觀。洋房林立。日旗高張。塔下石壁。多被剽削。四周築以圍牆。不僅將保俶塔與來鳳亭全被圈入。并將上山之路。及由葛嶺通岳汝之官道。亦被塞斷。保俶寺屋雖存。已圈入其內。內奉佛像及三世五王之神牌。毀棄一空。

令人髮指。其他開鑿禁山。毀平墳墓。塞斷官道。剷削名勝者。更僕難數。查山上舊有甌石。落星石。壽星石。先王祖之封山記。及歷代名人摩崖古跡。盡被毀滅。此山探石。久懸厲禁。光緒三十一年。重申禁令。勒碑於蓮花亭。乃自寶石山以次。至石屏風。獅子峯。巾子峯。寶稜山。寶雲山。石佛山。諸勝景。多被開鑿。名山古跡。百無一存。歲得石價。以巨萬計。削平之地。到處抖人鎗。如左首地一方。尙未竣工。業以萬三千金。售諸南潯劉氏。是病院其名。牟利其實也。又查山脚爲國初駐防兵丁叢葬處。有康熙戊申年重建保徽寺山門碑可攷。右首爲同治間蔣果敏公收復杭城屯軍處。舊有碑誌。均被毀掘。今惟摩崖題跋尙存。至於民間墳墓被掘者。更不知凡幾。惟王姓墓道。界址尙存。已被圈入。將次開掘。聞已賄通里書。更立戶名。其戶名非陳子剛。即劉銘之。是慈善其名。造惡其實也。云云。

至今年二月間。駐京英使忽函告外部。略言據杭州領事詳稱。光緒二十年間。英國梅醫士在省城附近將臺山地

方租地一段。以爲建造房屋之用。詎該處居民。竟以有礙風水爲詞。煽惑阻撓。經前座撫院飭錢塘縣。與該醫士面商。擇地互換。旋由該縣租就寶石山地一段。其價係一百零三圓。即以此地相換。蓋有撫院關防。及知縣印信。該醫士亦將地契送呈甯波領事署存案。去年。該處設立西湖公司。擬購此地。作爲開設旅館之用。十二月間。杭州白話報屢登誣譏該醫士之詞。新歲以來。改名全浙公報。復行登載。稟呈撫院之詞。本領事面向撫院聲明。浙撫似不著意。又數日後。遣派委員測量。亦未先行知會梅君等情。合請咨詢浙撫聲復。外部當即咨行浙撫。屬爲查覆。

浙撫當即咨覆。略言此案先於光緒二十一年十一月二十日。據錢塘縣知縣東允泰稟。准英國醫士梅騰更函稱。向在杭城開設廣濟醫院。病房逼窄。因向棲雲寺僧人本林。租到將臺山平場一片。擬建養病別墅。並據紳董。以江干鳳凰山。有吳越王郊天故址。平廣數十畝。爲乾隆二十九年恭備 聖駕臨幸之所。僧人本林盜賣與洋人各等

情。當經束令告知西醫梅騰更。覓地更換。旋經梅騰更覓得西湖邊寶石山空地三段。共六畝五分二釐。查係保俶寺管業。經仁和縣知縣伍桂生會同辦理。適保俶寺住持學德遠出。遂傳其徒懷忍。斷給地價洋銀一百零二圓。即向僧人本林追價換地。束令允奏稟明。廖前撫院批准有案。詎知保俶寺仍係吳越王祠產。其後裔錢氏合族人等。請縣挽回未准。伍令桂生且有抑勒僧人懷忍寫契畫押情事。從此梅騰更圍牆鑿石。建造洋房。圍用寺基。迫僧遷徙。官民任聽經營。均未過問。以致山地侵佔日多。漫無限制。本都院到任後。於光緒三十四年十二月二十八日。據職紳錢駿祥等。以西醫梅騰更霸佔祠產。毀滅古蹟。圍禁名勝。私開禁山。或係其教徒劉銘之陳子剛等託名所為等情。具稟前來。又據僧立教育會呈同前由。當批洋務局認真查辦。宣統元年正月二十九日。由洋務局遴派候補知縣宋燾壽。會同錢塘縣知縣伊象昂。親詣寶石山。督同病院看守人等。周歷勘丈。查得梅騰更管業承糧之地。共

積至十九畝二分。其中已有十畝。賣與總稅務司名下。另又賣與劉姓一塊。故時人頗有售地漁利之譏。量其房屋亦與保俶寺之原契丈尺不符。又查有無糧官地八十餘畝。官路一條。均被梅騰更圈入圍牆界線以內。現據該印委等。與洋務局先後稟詳到院。得悉錢紳董等所控。多屬實情。惟梅騰更不候此事了結。已於本年二月間回國。得其行時來信。聲明錢氏控案。自有領事主持。局中亦有人代表。以備質訊。事關侵佔。顯背約章。自應據理力爭。以重土地。報紙登載各節。大抵觸目與懷。形諸言論。並無違犯報律之處云云。

### 中 外 交 涉 記 要

三月以前。中外交涉之事。其久而未結者。若湘鄂路線商借外款事。若安徽之銅官山案。若河南之福公司案。若九江之英捕擊斃華人案。若上海之印人輪姦鄰女案。若廣東之澳門勘界案。及日人佔踞東沙島案。皆彰彰在人耳目者也。除商借外款及銅官山福公司等案。已別為專篇

外。其餘四案。事實無多。特爲彙錄如下。

九江英捕擊斃華人案。此案英領之意。欲給撫卹銀二百元。作爲了案。又謂係屬誤傷。不能論抵。官場力駁之。

四月十二日。英國駐滬高等審判官威金生君至滬。詣道署商議結案之法。允給撫卹銀五百元。並言照英律。亦止能監禁數月。並無償命之理。九江道以不能專擅覆之。

十七日。九江道片請商會。籌商鎮靜人心辦法。商會即邀請各界集議。討論數小時。決議赴滬延請律師控告。一面稟請道臺。將案移滬。湖口各幫。亦擬延請律師。辦理此案。上海印人輪姦鄉女案。此案經英國駐滬高等審判官連訊四堂。判定印人蒲及項生發往香港西牢。禁錮四年。兼作苦工。期滿遞解回籍。其馬拉生一犯。亦判定發香港西牢。禁錮三年。兼作苦工。此案遂結。

東沙島案。據東報言。日本外務省現據廣州日本領事報告。已接粵督張安帥照會。謂東沙島日商西澤索償酬報一案。殊出情理之外。東沙島本中國之領土。西澤不知。

貿然自耗多金。往探該島。並於該島經營一切。冒稱爲自己發現之地。係屬咎由自取。與中國無干。今既證明該島爲中國之領土。索償一節。礙難照准。應即勒令西澤退出該島云云。

澳門劃界案。四月初二日。倫敦電云。葡國澳門劃界大臣馬沙鏗。及其隨員。前駐廣東領事辛奈誦。明日由立司彭乘輪往中國。

又據上海泰晤士報云。倫敦官場接有葡京來電。內開中國政府對於澳門劃界事務。堅持甚力。且謂葡國僅有澳門一隅之地。所有數年來佔據之海島。及澳門四週土地。均不得視爲葡國領土。至於澳門洋面領海權。亦非葡國所有。中國皆不能承認。

### 粵省頒行外人來華招工章程

粵督前將洋人來華招工應守章程。札行各屬備案。茲將其章程列後。

一無論何國商人。欲在中國口岸招工出洋。須先稟明該

管領事官將招工往何處。作何工。須用若干人。詳細開列。照會各該處口岸之管轄地方官。或設有保工局之委員。稟明督憲批准。方能照章辦理。如奉批不准。卽作罷論。

二如奉批准招。卽由該管華官照會該管領事。將工人未離中國之先。工人在中途船車之時。工人業抵外國工場以後。各項待遇規則辦法。分別訂議。稟候督憲核准給憑。承招洋商簽允。該管領事擔保。方能開招。三如奉准招。該承商須到該管華官訂議僱工合同。有一定之條款。該承商不得與工人私立合同。以免紛歧。四如奉准開招。該管華官卽當出示曉諭。應招華工人數足額。由華官延醫驗明各工體格。造具姓名單簿。並由承商出資。將各華工每拍半身四寸相片。黏於僱工合同上面。蓋印簽字爲據。遵章在華官給照准設之招工客店住宿。以便查考。

五招工合同。應造三份。一存該管華官備查。一由該洋商稟存領事署。一由該商自存。六奉准開招之華工。或彼口岸須轉由此口岸出洋。應聽本口岸該管華官檢查。是

否遵照定章准招之工。分別辦理。如有不合章程之處。卽行扣留查究。七奉准開招各華工。未登船之前五日。該商須引各華工到局備查。如均願意前往。則將該人相片黏貼僱工合同上。編列華洋人圖章爲據。各給准單一紙。以示限制。八開船日期。須由該商於未開行之二十四點鐘前稟報。以便局員登船點驗。若人單不符。仍卽扣留。不准放行。查有影射情弊。每名科承招洋商罰金五十元。九此項僱工合同。每張由承招洋商繳公費三大元。納款後方給准單。十如各該華工訊有被誘拐情事。除將該商罰銀五百元外。仍將華工扣送回籍。十一該承招洋商。如因工人自來應招。爲時延緩。欲分派攬招之人。應將該攬招人姓名照片。若干人數。分赴何處攬招。呈明該管領事。照會該管華官。驗明填給執照。方准分往攬招。否則以誘拐論罪。惟該攬招之人。只准在口岸附近一百里內招僱。不得深入內地招工。該項照費。每張應納洋銀五元。並具五百元切實保結。殷實舖戶擔承。攬招人如有

記事

粵省履行外人來華招工章程

違章。查出責令擔保鋪戶。如數另繳充公。十二招工洋商。不能遵照以上章程。所請招工之事。應毋庸議。

### 記 粵 省 勘 辦 西 沙 島 事

近者外部鑒於大東沙島覆轍。風聞有外人在西沙島經營。特電請張督派員查勘。當經粵督派員查明。該島向無外國兵輪登岸測勘。並查得出產甚富。可以生利。現特札委王李兩道。設局籌辦。畧言前聞有西沙島在崖州陵水縣屬榆林港附近。經派員吳敬榮等。駕輪前往查勘。茲據勘明。覆稱西沙島分爲十五處。西七島。東八島。并將各島攝影呈繳前來。查西沙各島。既據勘明情形。自不可荒而不治。任其廢棄。應即派員設局。妥籌辦理。以重疆土而保主權。查廣東諮議局籌辦處總辦直隸熱河道王秉恩。廣東候補道李哲濬。辦事幹練。堪以派令前往籌辦。該員即便遵照。刻日迅將開辦西沙島事宜。安定經營之策。一面逐一前往覆勘。擬議章程。詳請核辦。現該道等及各員辦事公所。即暫附設諮議局籌辦處內。以期撙節。所需經費。

由廣東善後局兩廣鹽運司庫分別籌撥云云。

聞當時查得崖州濱處海洋。直當南洋羣島航線要衝。近海島嶼。以百數計。其屬於崖海各處。共有二十餘島。最大爲榆林港。附屬小島約七八處。其次則爲西沙島。附屬小島十四五處。西沙島在榆林東二海里許。處崖屬之極南。爲陵水所管轄。西邊七島。或半里。里許。一二里。不等。東邊七島。則較西屬爲稍大。至寬亦不過二三里。少亦僅里許半里。西沙適在東西兩島之中。較東西各屬島爲稍大。約得三四里。其南東南方面。風浪極大。潮流甚速。以魚鹽出產爲最富。種植亦有。出產多半在東島之中。西島悉未開闢。漁船以千百計。均在東西兩島搭蓋棚屋棲止。產鹽雖多。有前往曬取者。惟並無鹽漏鹽田。又聞王李兩觀察奉札後。經議得該處東西各島。沙石甚多。未易開闢。內東三島。西二島。俱屬產鹽之處。近海一帶。尚有餘地。可以開闢鹽田。又東西九島中。均於淺灘中出產各種海物。應即就該處擴張捕魚事業。島中土質。暖而

不潤。雖有淡水。可供飲料灌溉。然祇宜於開治各項種植。如椰榆檳榔棉蔗花生之類。農田耕種。是否相宜。尙須另行詳察計辦。當即擬定。先由善後局撥款一二十萬。計辦各島種植墾闢漁業事項。由運司撥款鉅萬。計辦各島墾田墾闢事業。各司道會同妥商後。即將各情詳覆大吏。昨已一面加派委員。再往該島。佈置一切。准於秋間。將該東西十五島一律開辦云。

又粵省大吏。前曾派委各員。前往查勘粵東沿邊各島。是否有德日等國人民。旅於其間。當經查得巴刺沙諸島。並無洋人。祇有中國漁人。在各島支搭蓬寮。捕魚爲生。詢諸漁人。果有洋人在於諸島否。皆答無有。祇有某國之代表人。曾到各島測量。又謂海南島之南部。現有洋人一班。迨後委員按地往查。果見有德人二名。日人一名。並馬來人數名。悉係到該處查勘礦產者。巴刺沙諸島。木產甚豐。大樹上有刻有洋人名字者。此可爲有洋人曾到該島之明證。各委員當由海南到港。取道返省。

紀 事

記粵省勘辦西沙島事

向大吏稟報各情。聞政府立意。將沿邊所屬中國之島嶼。繪畫形圖。使人分居其地。保守中國利權。並窺探洋人到各島遊歷者之舉動。按期派兵輪前往巡查。以免再有東沙島被日人營業之事云。

又一函言。近日大吏特派王李兩道。籌辦西沙羣島。即會同李水提。及吳李副將。並率帶委員測量員生等。趁輪前往測繪。所有計辦事宜。聞擬將該處大小一十五島。一律開闢。先由大吏特派專員。在該處設立局所。並由司局籌撥款項數十萬。專辦該埠事務。又於各島中。擇其地面寬闊。形勢絕佳者。開作商埠。又由官商分設興商勸業銀行。以維持開埠事務。均經大吏與司道再三籌議。約俟此次王李兩道將該處羣島勘明回省後。再行酌擬辦法云。

又開闢西沙島事宜。業經大吏札派王雪澄李子川兩觀察。前往籌辦。惟開辦一切事宜。亟需人襄理。已由兩觀察遴選各項專門人材。充當隨員。分股辦事。并將張

督發下之西沙島圖。照印多份。凡一切關於西沙島圖。均帶帶前往。並酌帶測繪學生數名。帶同測量器具。以便測勘一切。旋定期四月初間啟行。特於三月二十。八日。傳集各隨員學生。到諮議局籌辦處。會商一切辦法。稟請大吏札行云。

### 高麗新定限制中國租界章程

本年二月初旬。我國駐韓國總領事。曾彙各埠領事。會議租界劃線及商務事。日本駐韓統監。忽出十七條新章。有礙中國商務。總領事只認可四條。餘均批駁。此事結果如何。尙未可知。茲將新章十七條探錄於後。以供留心時務者之研究。

(一) 在韓國仁川釜山暨元山清國租界。位置界限。測定數目。及地段等級。均於另圖表示。  
(二) 租界內之地段。擬照拍借方法。借與清國人。但在未實行本章程以前。清國人民。已按照正當辦法。得有地稅者。可照本章程作為業經借給。

(三) 租界地段。照後開之率。抽收地稅。一等地 每方二適當。每年金一錢六釐。二等地 每方二適當。每年金一錢二釐。三等地 每方二適當。每年金八釐。未滿方二適當者。作為方二適當算。

(四) 次年分地稅。由借地人於每年陽曆十二月十五日以前。交付理事官。但按照拍借之法。新承借地段者。由拍借次日起。至是年十二月三十一日止之地稅。應自拍借之日十日以內交納。

(五) 借地人於前條期內。如不完納地稅。從次年一月一日起算。按年息每百收十二之率徵收。該期限後。若逾一年。仍不完納地稅及利息者。當由理事官與清國領事官協議。將該地另行拍借。在前項拍借之時。所得拍借金。按次序開支拍借費用。當日截止地稅利息。以及公課。倘有餘剩。應將該款交給原借地主。

(六) 地稅全數三分之二。由理事官交與清國領事官。充作租界內應用經費。



(七) 租界地段。由理事官照另開式樣。發給地契。

(八) 請發給地契。或認證地契者。須照後開數目繳費。發給地契費。每件一元五角。認證地契費。每件五角。

(九) 照第二條內但字以下定章。借有地段者。自本章程實行後。一年以內。呈驗可證明其權利之字樣。另請發給新地契者。可作為按本章程發給。

(十) 租界內之道路溝渠橋梁等項。應由現住租界之清國人民自行維持。但遇有須新設或有更改之時。另由清國領事官與理事官協議決定。

(十一) 租界內警察及衛生事宜。理事官與清國領事官協議後。飭由韓國警察官奉行。

(十二) 凡日韓兩國政府。以及領有許可者。均得在租界內。設通訊交通上下水道(指明溝暗溝。並食用自來水)電氣煤氣等項之切要布置。前項之布置。係歸政府經營者。無論何種稅金並公課。概不徵收。

(十三) 韓國政府認為於公益上切要之際。仍留有填築

租界地前海面之權利。

(十四) 在租界外清國人民墳地。其既經設定。或將來應須設定者。其關各項事宜。由理事官與清國領事官協定。

(十五) 關於租界之經費。照第六條所交之款提支。如有不敷用之時。應由現住租界之清國人民擔任。

(十六) 在撤廢租界時。將租界內地段。概行編入韓國管轄地段。其借地權改為土地所有權。

(十七) 嗣後如修改本章程。或擬變更。應由清韓兩國政府各派委員。協議決定。

### 中外近事述要

山東。東撫袁海帥。前聞津浦鐵路改修路線。經過曲阜地方。東西距孔林僅五十丈。當即委員前往勘丈。旋據稟稱。本年三月。有德國人王爺。勘修津浦路線。改由曲阜縣之王莊。過泗河。直向南而行。由孔林西牆根。切實丈量至路線插標之處。確止營造尺五十丈。相離極近。且標插在鐵路中心。將來兩邊分築。距離更為密邇。日後火車

往來勢必震動。聖墓云云。

袁海帥查得光緒三十年秋間。德工程師白倫克勸天津  
鐵路。插標誤近 孔林。當時多方阻止。始改由王莊直  
西。至紙坊薛家村春亭村渡河。相距較遠。從前德人勘查  
路線。尚不肯聽其逼近。孔林。今既收回自辦。如轉而就  
近。殊非敬慎之道。當即函請督辦津浦鐵路大臣。電飭該  
工程師。迅速移勘他處。或仍照白倫克原定線圖。以免震  
驚 聖墓云云。

浙江 蕭山沙民。因清丈旗地。抗拒甚力。閏月二十二日  
夜。有聚衆搗毀分局。暨焚擄姚紳士英等家住屋財物情  
事。事後匪徒布散謠言。安分居民。紛紛搬避。甚至瓜鎮典  
鋪。因之停當。該縣當督省面請浙撫。暫緩清丈。詎料三月  
初七日午前。又有沙民數百人。擁至龜山汪紳望庚家。搗  
毀房屋。該縣當又稟請省臺。先行解散脅從。俟人心暫定。  
再行設法查辦。并請派兵到蕭駐紮。保護商。

上海 揚州人在雲生。於四月十九晚。在上海英租界。被

人槍斃。按汪曾赴東京遊學多時。被革黨誤指為偵探。竟  
欲圖害。急即回國。近由青浦來申。即遭此禍。

按今年上海租界內暗殺之案。已疊出三次。一為又新  
紗廠之總辦陳某。一為方雲卿。一即汪雲生。皆各有原  
因。惟汪之被禍。則確係黨人所為。與粵東之劉士驥。殆  
於殊途同歸也。(詳下)

廣東 廣西候補道劉士驥。於去年奉西撫張鳴岐派往  
南洋及美洲一帶招股。開辦實業。事畢回華。住居粵東省  
城。詎於四月初九晚。被匪用刀刺斃。或言此係黨人所為  
云。

安南 越南近擬竭力抵制華僑。準備已成。茲將其辦法  
列下。(一)越南對於華僑。當將人頭稅重抽。(二)越  
南對於華僑。當設立官衙。飭令所有華僑。赴該衙門註冊。  
以便限制。(三)越南人與華僑結婚。即以其子為越南  
人。

日本 日本金澤步隊見習武官胡學伸。因受失竊軍機

書類之嫌疑。經日本開軍法會議八次。祕密審判二次。定爲違反軍機保護法之罪。加以六年重禁錮之苦刑。每日服役十時。冤慘備至。

聞日本輿論。深不以日本政府此次對待胡君學伸之手段爲然。金澤新聞曾著有公判云何篇。大旨謂既云公判。則不宜祕密。既祕密則不得謂之公判。且司法獨立。不應爲陸軍之奴隸。如是之裁判。直是一毫無價值之裁判耳。又曰。公判向例必至午前九時始開。此次則六時開之。刑事公判。向不開於日曬。此次則日曬開之。種種違法。大墜國家之威信。無以對外。亦無以服內云云。



# 欽定大清會典事例

全書一百六十六冊定價二十五元

謹按 大清會典初始於康熙二十三年 歷雍正乾隆嘉慶三朝遞加修輯 乾隆時區會典則例各爲之部 嘉慶續修別編事例益明益備 光緒十二年復奉重加哀輯之命 蓋至是爲第五次矣 新修之本典百卷事例一千二百二十卷大之如禮樂兵刑之要小之如簿書錢穀之煩精之如體國經野之謨粗之如辨物飭材之事鉤稽網羅燦然大備 蓋本國言政法之書未有詳於此者也 邇者欽奉 明詔預備立憲特設諮議局使國民與聞政事 故人人以講習政法爲務 是書之出適當其時 甯非吾民之幸 本館前印初版謹遵原書用中國連史紙縮印成帙定價二十元發售 茲初版業已售盡現正趕速重印惟從前定價甚廉有虧成本茲特於再版時重定價自六月初一日起每部加洋五元專購會典者仍照舊例

商務印書館出版

商 務 印 書 館 出 版

# 大清光緒新法令

十二冊布套四函定價陸元

一國之人不可不知一國之法律教令我國變法以來舊例之變通新章之頒布幾於無日無之然未有搜輯成書分門別類以便檢查者本書採輯近年頒行之諭旨奏議章程等起自光緒辛丑迄於戊申年終七八年來之新行法令無不具備除已見報章之外并承陶齋尙書及兩江幕府諸公慨允相助代爲搜求分類一十有三曰憲政曰官制曰任用曰外交曰民政曰財政曰教育曰軍政曰司法曰實業曰交通曰典禮曰旗務每類又分子目若干門極便檢查卷首冠以諭旨末附法典草案官制草案以備參考無論官紳幕僚以及實業家教育家均當置諸座右藉資遵循自今年起另編宣統新法令季刊一冊接續成書期無遺漏

# 調 查

## 金銀銅入口出口之比較

西歷一九〇八年中國入口出口金銀銅三項。業由海關折合圓平銀數。詳細報告。茲紀其總數如左。

- ▲入口 金條金屑等一〇六五〇〇 金幣一四〇七九二五 銀條紋銀一〇五四三七七四 銀幣九三二〇〇六八 銅幣一九〇六 以上金銀銅三項總數二千一百三十七萬零一百七十三兩。
- ▲出口 金條全屑等一〇五八八二七一 金幣二四四三七四〇 銀條紋銀三六八九二二六 銀幣二八六九四二九二 以上金銀二項總數四千五百四十一萬五千五百二十八兩。

按是年中國金銀。滙諸外國者。總計合規平銀二千四百餘萬兩。

## 奉天通行之貨幣表

遼東報云。昨年在奉天市場貨幣之流通者。日本兌換券紙幣約一百十二萬圓。軍票及正金銀票三百三十一萬圓。中國官銀行銀票一千六百八十萬圓。小洋銀幣七百九十萬圓。而中國錢幣。比日本錢幣甚占優勢矣。茲舉其每月之流通額如左。

- (甲)中國官銀行銀票 正月一百萬圓 二月一百萬圓 三月五十萬圓 四月五十萬圓 五月一百萬圓 六月一百七十萬圓 七月一百五十萬圓 八月一百三十萬圓 九月一百三十萬圓 十月一百三十萬圓 十一月一百五十萬圓 十二月一百五十萬圓 計一千六百八十萬圓
- (乙)中國小洋錢 正月六十萬圓 二月六十萬圓 三月八十萬圓 四月八十萬圓 五月八十萬圓 六月八十萬圓 七月五十萬圓 八月五十萬圓 九月五十萬圓 十月五十萬圓 十一月七十萬圓 十二月八十萬圓 計七百九十萬圓

(丙)日本兌換券紙幣 正月二十五萬圓 二月十萬圓 三月十萬圓 四月六萬圓 五月十萬圓 六月十五萬圓 七月八萬圓 八月七萬圓 九月六萬圓 十月七萬圓 計一百十二萬圓

(丁)日本軍票及正金銀票 正月六十萬圓 二月四十萬圓 三月三十萬圓 四月三十萬圓 五月二十萬圓 六月二十五萬圓 七月二十萬圓 八月三十萬圓 九月二十五萬圓 十月二十五萬圓 十一月六萬圓 十二月二十萬圓 計三百三十一萬圓

如此昨年奉天全省市場通行各種錢幣之總額約達二千九百三十萬圓之多。亦足以察奉天經濟界之地位何如。

### 安奉鐵路之前途

泰晤士報云。英國外務省。接到安東英副領事羅西魯君報告。內開按照中日兩國續訂之約。日本已得改良安東至奉天之鐵路。以便運貨。日本今訂於今春間。開工築造。

限三年竣工。其路線係隨目下輕便鐵路之總線築造。由安東過鳳凰城之市場。(計程三十六英里)然後達摩天嶺山區。穿山洞數處。以至本溪湖產煤之區。再過太子河。由該處分一線。計長五十英里。達奉天以南十英里半之蘇家屯。與總線相接。由蘇家屯又分一線。與撫順煤礦相接。全路新線計長一百七十英里。

過鴨綠江之橋。亦同時告竣。故韓之釜山。可由鐵路通至奉天矣。此路成立之後。將來日人往北清者。必經此路。其往歐洲者。亦取此道轉西比利亞鐵路。將來交通必能便利也。

路成之後。安東之商業自振。故鴨綠江之大橋。亦預備汽船。及大民船。由橋底經過云。

### 東三省礦務彙誌

磐石銅礦局唐觀察。日前晉省。聞係因該局向用土法提煉銅質。較用西法化學提煉者。成色相差太遠。前曾請赴日本各處礦山。考驗最近新法。并函購應用機器。以備改



良。茲特面見撫帥。稟陳一切。不日即首途赴東云。

商人劉振青等。呈報樺甸縣界露有金礦一所。特請礦政局派員調查。該局批云。據呈樺甸縣界頭道河子官山。露有砂金。該礦是否可採。與章程有無違礙。原呈多未敘明。勢難憑一紙空文。遽派專員前往。候飭樺甸縣查明核奪。再行飭遵。該商等毋得擅自開採云。

吉林省城西北大藍旗屯至豐滿溝沿江一帶。素有鐵礦。前經礦政局派員前往查勘。苗線頗旺。近有職商鍾瑞順玉山等。集合股本二萬五千串。稟請開採該礦。礦政局以該處礦地。綿亘數里。多係官地。間有民產。亦非一主。不得不格外慎重。擬派員隨該商前往。逐細查驗。並將四至寬長丈尺。繪圖核閱後。再行給予執照云。

吉林商人侯世錫。具稟礦政局。請在省西石磊子等處。設立砂石公司。以備各處建造材料。業經該局許可。現擬派員前往。查勘一切。即准行開辦云。

### 奉天之兩大富源

調查 奉天之兩大富源 東邊韓民

石棉一物。其實棉纒如絲。其色潔白如雪。絨長一二三寸不等。均產於懸崖巨石中。凡各國汽車汽船之汽罐。及汽燈紗罩火帆布。皆係石棉所製。外人最為貴重。現奉省寬甸一帶。石棉發現。礦地苗線。亦頗佳旺。京師實業學堂華君實甫。以此天然富源。擬即集資開採。聞已呈請農工商部給照探勘矣。

奉省素產高粱。用為釀酒原料。而莖杆亦堪充農家炊火之燃品。現在日本中央試驗場。就此微物。大加研究。以其莖杆之纖維。創為製紙原料。發明一種高粱紙。其品質甚屬精美。均頗適用。以故近日日本試驗場來奉收買高粱莖杆甚夥。銷場極旺。亦一大富源也。

### 東邊韓民

東三省總督。前以沿邊一帶韓僑。及現在一切動作。暨地方相待情形。須有切實調查。因特派福君蒼前往調查。業經據實詳覆。

署謂由省起程。馳赴樺甸。會同李令慶璋。前往各屯。飭傳

鄉約。查明樺轄西南北一帶。並無韓民僑寓。惟東自頭道江起。至二道江南江口娘娘庫爲止。由江北一帶。擬分樺屬之處。亦經會查。均有韓民零星僑寓。租種民田。安守本分。尙無不法情事。界限雖未畫定。戶口亟宜清查。另行造冊呈核。

復會同濛江張丞廷桂。自松花江上游。及頭道江東西兩岸。並大小湯河一帶。詳查韓民旅居該州。有十餘年數十年不等。其有更替數代。竟忘原籍府縣者。然皆租種華民地畝。並無一戶領有墾荒執業之地。該韓民均能操華語。與各地主相處既久。睦誼素敦。近來濛地安靜。胡匪斂跡。各處經張丞籌辦巡警。無論土著客籍。以及僑寓韓民。所有財產生命。一視同仁。加意保護。去春遷充韓民李有店。全星奎等爲保正。詳蒙批准。自派保正後。遇有韓民詞訟。隨訊隨結。一秉至公。至今韓民頗守法奉公。至松花江上游。係屬長白府管轄。雖未曾奉飭。亦未便疎漏。仍由頭道江東西兩岸。及二道江南岸大小湯河。一律

查明。韓僑之有家室者。二百一十二戶。統計大小男女七百七十七口。其無業游民。上年夏秋造戶口冊時。已飭令回韓。察看動作情形。尙稱安分務農。就我範圍等語。

### 哈爾濱之俄國商業

哈爾濱俄國商業會員。所呈一千九百零八年俄國在滿洲之商務報告。其緊要情形。爲俄國於該處之貨物銷場。及由彼處運往各國之五穀等貨。俄人在哈爾濱設立商品製造廠一所。專爲製造滿人所用物品。該廠名墨斯哥（俄舊都名）實爲俄人在哈爾濱第一次所立之廠。又將該廠所造之貨。逐漸推廣。現已運往上海各埠。復在南滿洲與日本交界處。開設煙草公司數家。當時又將哈爾濱鐵路幹事俄人。派充南滿洲鐵道之副辦。於是該路所用之材料。皆取給於俄國。其枕木則由哈爾濱俄國某木廠包辦。去歲有俄商數人。將滿洲麥米。由海參崴運往荷蘭。德國。并將菽豉數萬石。運往倫敦。自一千九百零八年出口日見加增。於是大宗貿易。皆爲俄人所包攬。哈爾濱房租

極貴。故中俄商人有大宗貨物。無處屯積。一時無從售出。遂致虧耗。俄人在商務會所設立拍賣場一區。以便流通。商品。并擬於各處添設貨物貯存棧數所。此實俄人自一千八百九十八年至今所立之基礎也。

### 南滿鐵道最近之狀況

陽歷去年十月。至今年正月。南滿鐵道運送之貨物。其噸數調查如左。

月 分	一 日 平 均 數
十 月	一 二 六 五 四 七 噸
十 一 月	二 〇 五 〇 一 〇 噸
十 二 月	一 七 七 八 三 六 噸
正 月	一 八 四 一 五 三 噸
	五 九 四 〇 噸 四

此四閱月內。計共運貨六十九萬三千五百四十六噸。通扯一日平均數。計五千六百三十八噸。當前年此四閱月。不過二千五百八十三噸耳。歷二年之久。竟加至一倍有餘。雖由改作廣軌使然。然轉運之發達。真令人驚駭也。

並閱前年正月收入僅七十五萬餘元。去年正月收入亦僅八十六萬餘元。今年正月收入竟至一百四十三萬餘元。一月平均數計四萬六千二百二十九元。前途之興旺。正未可量也。吾為日人幸。吾為中人悲矣。

### 皖路公司報部情形

皖路公司遵照郵傳部訓條。呈報現辦情形。茲錄如左。

第一款 總綱 一、全路股本銀若干分股。并交股期限。燕廣路原定招股本四百萬兩。分四十萬股。官利五釐。每股規元十兩。又零股每股銀五元。未定期限。現因公議。展築由宣城至屯溪一線。尙未及呈部立案。改訂新章。自宣統元年正月初一日為始。合宜屯燕廣。共招股本一千萬元。分爲一百萬股。每股銀元十元。分二期繳足。每期繳五元。如在第一期內繳足十元。作為優先股。截止期限。自七月至年底為第二期。又另有小股。每股一元。一次繳足。但無優先紅股。官利大小股通改為八釐。二、有無揭借洋款華款。無。三、現存銀若干。現存銀元若干萬兩。

四、存放銀兩。是否股實行號。分存蕪湖恒泰莊。寶善長莊。利亨莊。上海永達號。清華實業公司等行號。均係股實。五、全路估計建築費若干。有無估單。由蕪湖至廣德。估計三百六十萬兩。尙未立詳細估單。由宣城至屯溪。尙在勘測。六、該路所籌之款。是否足敷全路建築。款項能否按年接濟。已籌之款。不敷全路建築。除改訂新章招股外。另有茶股米股米捐彩票各款。可以按年接濟。

第二款 全路進款 一、該路已收股銀若干。未收股銀若干。已收招股規銀十四萬三千八百五十兩一錢五分五釐。又米股規銀三十三萬六千三百二十二兩四錢一分七釐。又茶股規銀十萬一千七百七十二兩一分一釐。又勸股彩票股銀十七萬三千一百五十二兩二錢一分。米捐規銀十萬五千四百四十二兩九錢七分三釐。並無未收股銀。二、籌捐撥款辦法。每年得銀若干。蕪湖出口米。每石向買客抽銀五分。給以股票。每年可得十餘萬兩。進口米。每石向賣客抽銀五分。路礦各得一半。路局

可以得四五萬兩。不給股票。作為保息。茶釐每引抽銀六錢。亦給股票。每年可得八九萬兩。勸股彩票項下。每年觀銷票多寡。至少可得四五萬兩。以上各項。均經奏咨有案。

三、已開車路段遞年所收客脚貨價。銀若干。無。四、遞年進入存款息項銀若干。自光緒三十二年正月起到三十四年十一月止。共入息銀規元二萬八千五百九十五兩三錢二分二釐。五、遞年進入地租。及雜款若干。(如回頭用平餘銀水。及誤罰款賣出舊材料之類。)地租無。回頭用無。平餘無。銀水一百餘兩。罰款三千兩。賣出舊材料無。輕便鐵軌退關稅規銀二百五十兩。徐義興退墊土規銀二百八十七兩二錢二分。六、開辦以來。統共進款若干。自光緒三十一年開辦起。至三十四年年底止。共進款規元銀八十九萬二千七百八十七兩七錢七分一釐。

第三款 全路支款 一、遞年支出全路華洋員役薪水共銀若干。自總理董事工程司至執役人等在內。共支

規銀十萬五十四兩八錢零七釐。先後總理均未支薪水。  
 二、遞年支出勇丁口糧若干。共支規銀八百五十四兩六錢八分九釐。  
 三、遞年支出各局處日用福食雜費及勘路費地稅。共銀若干。共支規銀十萬八千一百一十二兩五錢四分六釐。  
 又三省鐵路學堂及鐵路公所公會經費一萬六千七百四十兩零三分五釐。  
 四、遞年支出股本利息若干。共支出規銀一萬四千二百三十一兩一錢八釐。  
 五、遞年支出購用地畝若干。價銀若干。自蕪湖至灣沚。五十九華里。購田地三千四百餘畝。連同遷葬折屋費。共價銀八十五萬五千四百十兩三錢九分一釐。  
 灣沚以上。地尙未購。  
 六、遞年支出工程費用銀若干。橋梁已造涵洞土方等工程。共支出規銀二十三萬三千九百七十兩一錢四分。  
 七、遞年支出購買材料銀若干。已購輕便鐵軌、枕木、洋灰、鑿石機器各種材料。共支出規銀二十四萬三千七百三十三兩六錢一分五釐。  
 八、遞年車務汽機支用銀若干。無。  
 九、遞年電費及安設

電線里數若干。未設電線。安設德律風七十里。共用費規銀五千八百零九兩八錢三分三釐。  
 十、開辦以來。統共支用若干。共支用規銀八十萬零八千九百一十七兩一錢四分四釐。

戊申年浙路營業表

正月分 乘客四七·五一七人。入金六·六六零·七五五。運貨一零·九九七噸。入金四·五九五·七二零。  
 二月分 乘客三八·五六三人。入金六·四二二·五零五。運貨四一·九四九噸。入金一七·三九一·零五二。  
 三月分 乘客三二·八六二人。入金六·一九九·零七七。運貨一六·一八零噸。入金六·九五七·八五五。  
 四月分 乘客四九·三九八人。入金七·六零六·六四六。運貨一八·二二零噸。入金八·六九六·八九九。

調 查

戊申年浙路營業表

七

己酉

期 六 第 誌 雜 方 東

調 查 戊申年粵路車利表

八

五月

五月分 乘客七二·六零三人。入金九·八八零·四  
 一零。運貨一四·八九七噸。入金九·七八零·四四  
 四。  
 六月分 乘客六五·二三六八人。入金八·九六七·二  
 一零。運貨一一·四四三噸。入金六·二五六·三二二。  
 七月分 乘客六七·三四零人。入金九·零八三·三  
 一五。運貨一六·九八二噸。入金七·四四九·二五  
 八。  
 八月分 乘客一零三·六七九人。入金一三·四三零  
 ·八四四。運貨一二·八二四噸。入金九·零九七·  
 六零一。  
 九月分 乘客七零·九一零人。入金九·六五四·五  
 九五。運貨二三·八八一噸。入金一二·六四六·六  
 四九。  
 十月分 乘客六四·七八零人。入金九·二二八·四  
 一二。運貨二八·八三七噸。入金一四·七八三·八

七零。  
 十一月分 乘客五九·三四三人。入金八·六二四·  
 八九三。運貨三一·九零零噸。入金一三·六二九·  
 八零六。  
 十二月分 乘客六四·五五六人。入金一零·一五五  
 ·二九六。運貨二五·一八零噸。入金一零·二二零  
 ·一九五。  
 是年合計乘客七三六·七八七人。運貨二六一·二九  
 零噸。共入金二二六·九九二·六一八釐。  
 戊申年粵路車利表  
 正月 搭客八萬九千四百四十七名。車利銀一萬七  
 千七百五十七元八。  
 二月 搭客七萬六千九百七十二名。車利銀一萬零  
 六百一十五元三毫四。  
 三月 搭客八萬八千七百六十七名。車利銀一萬三  
 千四百四十七元八。

四月 搭客七萬三千八百五十四名。車利銀一萬零九百六十六元二毫六。

五月 搭客九萬九千九百一十五名。車利銀一萬三千七百二十九元。

六月 搭客六萬八千三百六十名。車利銀一萬零四百三十七元四。

七月 搭客七萬八千零一十七名。車利銀一萬二千二百八十六元一毫二仙。

八月 搭客九萬七千九百一十五名。車利銀一萬四千七百三十七元八毫四仙。

九月 搭客八萬九千六百二十三名。車利銀一萬四千零三元二毫二仙。

十月 搭客九萬三千零四百九名。車利銀一萬五千九百九十九元二毫二仙。

十一月 搭客九萬六千九百二十四名。車利銀一萬八千八百八十一元四毫二仙。

十二月 搭客口萬九千二百一十七名。車利銀二萬二千八百九十八元七仙。

是年共搭客一百七十萬一千七百二十六名。共進車利銀一十六萬七千二百零二元六毫九仙。是年共支薪水勇糧費用等銀三萬九千八百二十五元九毫四仙八文。

除支用外。實進車利銀兩一十二萬七千三百七十六元七毫四仙二文。

### 廣州商務之調查

中外通商之大門戶曰香港。而廣州實踞其內。其地富。其民繁。水陸交通。舟車利便。南方分配貨物之中心地。此為巨擘。其商民又富於智識。長於才力。敢冒險。善開創。凡外國人之來華經商者。靡不嘖嘖稱賞。而推為華商之冠。年來該地貿易範圍日見張大。其貨物出入。經廣商與外洋直接者。亦復不少。英人某氏曰。方今中國欲舉國內天產品製造品。除供給國內外。而以其盈餘者。直接與外國交

換絲毫不借外人之手。此固未易驟幾也。而廣州實足以語此。其言要自不誣。

其地之製造廠。凡用外國機器製造者。曰機。曰絲。曰線。曰膠。曰玻璃。其出貨俱稱爲大宗。此外用機器製成之貨。尙絡繹不絕。將來九廣火車大通。而貿易自必日愈旺。需要省工機器亦必日愈盛。英國機器製造廠已派有代理商。坐探該地需要何種機器。並示廣商以各機價目及圖樣。以冀大獲行銷機器之利。各國製造廠亦籌備一切。從而步其後塵。

外人所最震驚者。莫如我國人富於工藝性質。凡裝配機器及關於機器諸工作。俱能與外人彷彿。而南方人爲最。南方人中又以廣人爲最。故天津上海漢口廣州並稱爲製造家薈萃之中心地。而廣州製造家尤推爲冠絕。此該地商務之所以日見發達也。茲更詳述如左。貿易總額。比年來頗有增長。歲不下值價百餘兆元。

船舶 進口及卸載之載重噸。共計歲約二兆餘噸。貨值

七八十兆餘元。其中載重噸及貨值之巨。以英汽船爲最。我國汽船次之。法德汽船又次之。哪噠日本美俄汽船又次之。荷蘭高麗汽船則躋乎其後矣。

進口貨 其大宗曰鴉片、棉紗、棉織物、絨織物、煤油、藥品、葡萄酒、白色酒、鹿角。

鴉片 分本國外國兩種。年來進口頗見減縮。

棉紗棉織物 銷路日旺。進口愈多。白色休丁布行銷尤暢。

絨織物 其地天氣和暖。居民需要絨織物之力。自然薄弱。銷路安得暢旺。

煤油 進口歲見增加。美洲煤油最見暢銷。般烏煤油銷路亦殊不惡。蘇門答臘煤油。則頗有遜色。

藥品 外國藥品進口。歲值三十餘萬元。幾占本國藥品進口貨值三分之一有奇。

葡萄酒白色酒、進口日旺。銷路頗佳。其故由於鴉片進口之減少。蓋二者迭相消長也。



鹿角 其貨來自北方。分尋常老嫩三種。其尋常者價廉。

祇合製膠之用。其老者價昂。約二百元一擔。則供製藥之用。其嫩者尤為藥品上選。價尤昂。每對須百十餘元。

出口貨 其大宗曰生絲、層絲、絲貨、蔴、肉桂、茶葉。

生絲 行銷歐美。銷路頗不惡。

層絲 亦行銷歐美及大陸。時得善價。

絲貨 出口歲見增旺。併絲棉合織物並計。價值不下六十餘兆元。

蔴 質品殊佳。歐美人率樂購之。如再能力求進步。銷路必日見其廣。

必日見其廣。

肉桂 年來雖出口頗旺。然欲保持此項貿易。非講求選製。力圖改良不可。

茶葉 其行銷於倫敦者。歲見退縮。幾有一落千丈之勢。

惟澳洲美洲需要廣茶之力大見發達。凡經華商手運。銷該兩處者。頗形踴躍。

此外出口雜貨。向歸德人之手。近復有英國兩大商號與

之相爭。即僅就外國進口雜貨而論。歲值價已不下數兆元。

### 日輝製呢廠參觀記

閏月某日。上海日輝製呢廠董事。東邀在滬商家。及新聞記者。往觀機廠。以小汽船迎送。賓客分午前午後為兩起。記者以午前往。同行者絕少。九時四十分。自北關啟棧。僅閱二十分至日輝港。廠臨黃浦。為地不及百畝。設置井然。總理鄭海藏先生。指導周至。又其中管理工事趙生項生等四五人。皆昔日曾受業者。故得從容觀覽。夫製呢之業。直隸湖北皆曾試行。不久旋敗。坐此之因。誠不可知。而設置之未善。研究之未精。固不能辭其咎也。日輝廠初在發轍。國中知義之士。未有不亟望其有成。今日以記者之聞見。有足紀者。約分設置材料製作交通四項。分述如下。

設置 廠屋平列兩巨廈。而聯其一端。作「」字形。每一種之機器。隔為一室。如洗毛。染毛。烘毛。合絨。織呢。修呢等。各自為部。廠屋之外。為廠門。為稽核工匠之地。廠門之外。為

事務室。會議室。又為職員起居室。另一所。則堆積之棧房。以上為一區。又其外為全廠之總門。門外隙地。亦由廠中蓋築住宅。凡廠中工人。皆受廕而徵其租值焉。廠之初設。購資本五十萬圓。而就現今之廠屋居室。及機器等之支出額。已達六十萬圓以上。皆由原股東添入。最近西人之於實業有經驗者。稱此廠之設置。必逾七十五萬圓。是亦其節省而不苟吝之一證也。

材料 廠中所存之織料。以澳大利亞產之羊毛為最多。澳洲羊毛之堅韌。稱為世界第一。其次則順德之海羊毛。現西人盛稱中國羊毛。實有堅韌之特質者。即謂此種。鄭總理言。吾國商家。惟有偷工減料之能力。故承辦外國之呢。亦祇求其價賤。有利可圖。以致西人窺見中國敷衍搪塞之習。遂特造至劣之呢。以供我國軍學之用。名雖為呢。大半充以爛毛敗絮。粗惡鬆廢。不能耐久。即今之常服呢料者。當人人能言其弊。日輝廠中他無可信。惟此材料。研究尤力。必期於適用美觀耐久三者皆備。方寸可無愧耳。

製作 廠中工師。皆比國人。在引擎間者。衣常服。見客至。植立為禮。其餘為監理者。皆畢業於中學同等之學校。實習工藝。且以督責工人。意至善也。本廠小工。約三十人。女工亦約三四十人。自織染成呢之後。皆女工為之。末為修呢室。其事最繁。將織成之呢。必經其摹勘。無絲毫粗綻。乃或染或刷。染刷之後。再加審察。修呢室之女工頭。亦比人。墨動有法度。參觀者至。檢呈呢數十匹。不操華語。而一一以手指示作勢。無倦容。鄭總理言。廠中機器以外事無大小。皆此女是問。中國女工。固無此善勞而精密者。每呢端之商標。以一女工為之。用縫衣機一。為女工之最高等者。現已出之呢。約十餘種。而其大別。則厚呢單呢花呢斜紋呢四者。其餘則惟染色之不同耳。廠中每日可出呢二十餘疋。日後可增至一百疋左右。據呢業商中均稱此呢毛質極佳。遠勝舶來之貨。又一室為合毛絨線之所。記者偶思及上海之毛絨線。近年銷場。乃至可驚。學堂且以為手工材料。廠中可附出。則華呢之外。又得收回無數利益矣。

交通 廠面據黃浦。背倚滬嘉鐵道。其埠之右方。即為將來杭嘉鐵路卸貨物之水步。則他日轉運貨物。可分兩途。一由滬嘉路以入浙。可以利盡東南。一由小汽船直達上海之各輪步。往返不過五十分鐘。自此入長江。及北海線。至奉直一帶。翼奪外呢之職。蓋設廠治工。本不宜於上海。因支出巨消耗多也。而為便利轉運。則又莫過於上海。日輝港距上海最近。可以無礙於交通。且離市約二十里。桑田遍野。鄰近者。惟泉漳之別墅。及龍華之古剎耳。則其地位又與內地相彷彿。是其擇地。又不可謂不善矣。觀於以上種種之便利。及研究之精審。而又加以實心實力。則庶幾其有成乎。我國軍學界。無地不議開擴。即普通社會之生計。亦漸趨樸質而厭羅綺。是呢業之發達。正未有量。請以吾言為慮。可也。

### 華茶近年行銷外國情形

行銷華茶最盛者。莫如俄。其次莫如美。檀香山亦一大行銷地也。

近年華茶出口頗見增盛。紅茶歲達百兆磅以上。綠茶歲

達四十兆磅以上。茶磚幾及百兆磅。茶末亦有數兆磅。其輸入俄境與輸入美境相較。凡茶至俄之太平洋口岸者。三倍輸美之數。又由陸路至西比利亞。由水路至俄之界歐洲者。則均與輸美相埒。是俄人之銷用華茶。固明明五倍於美人者也。

推原其故。良由美人之銷用臺灣錫蘭印度等茶。較俄人實多也。若分析言之。凡華茶出口輸至美者。歲三十餘兆磅。輸至斐律賓者。歲三兆餘磅。其輸至英者。占輸美總額四分之一。由香港外輸者。占輸美總額之半。輸至歐洲大陸者。則不及占輸美總額之半。其大較也。

大抵茶磚廣銷於俄。美市則未見有此物。蓋俄人取輸運之便。故競銷茶磚。而美人則嗜華之紅茶綠茶也。

其茶末一項。美人亦不用之。貿易冊上。未見載茶末之名。英人則漸有樂購者。將來茶末或能暢銷於英。亦未可知。其出口紅茶。曰工夫茶。烏龍茶。上香茶。小種茶。寶槍茶。香茶。花香茶。又出口綠茶。曰珠茶。蛾眉茶。熙春茶。元茶。雜類茶。年來業華茶者。頗有進步。政府又力圖改良。西人尤注

意於此。此後之起色。固有可預望者。

### 德國勃雷門茶商福崙致中國駐德使館函

館函

中國使館諒必深知近來中國茶葉。到處爲錫蘭及印度茶所排擠。曩時之用中國茶者。今皆用他處出產矣。

錫蘭及印度茶之質頗佳。堪與中國好茶相較。然中國不以壞茶輸入市上。則錫印兩處之茶葉。亦不能若是之盛。中國常輸運壞茶。故素有之名譽。漸形減損。而錫蘭印度之茶葉。日見興盛。

美國曾有禁止假茶之廣告。限制提假貨物。不准進口。在德意志及他國。並不攔阻假貨進口。可惜今年中國數商家運茶來國。其貨至劣。

各國茶商之中。識者殊少。所購雖係壞茶。而銷場仍廣。因其價廉也。然民間之購是茶者。均一嘗即不復購。其貨之劣。於此可證。

識者以爲中國輸運賤茶。須設法抵制。

若將來德意志及各國或各商家聯合嚴行查驗中國所

運賤茶。恐於中國出產之名譽有礙。

中國茶葉經印度錫蘭茶之排擠。大爲受損。是以上海漢口福州運茶出口。該商等於每半箱提銀一元六角。爲保持茶業之款。中國政府亦助銀一萬二千兩。此兩項均爲擴充中國茶業起見。藉以推舉中國茶爲良美平安之飲品。若中國仍以壞茶運出。此舉亦屬徒然耳。

因中國尋常之賤茶。各茶商受害非淺。

倘中國茶商。亦若印度錫蘭。專以淨茶輸入市上。中國自己獲益固宜。全球茶商亦必歡迎。

若歐洲各國爲中國壞茶所激怒。於中國茶產固屬有損。而購運印度錫蘭之茶。更必日盛一日矣。

中國政府若欲禁止壞茶出口。極易辦理。最注重者。爲上海漢口福州三處。況繳出口稅時。亦必查驗。

中國政府若禁止壞茶出口。由此中國茶產之舊譽可以復回。而茶商亦必互相警戒。不敢再蹈前轍。全國獲利決非淺鮮。今歲茶葉價銀落至八九兩。平時潔淨尋常茶價。每百斤值銀十四兩左右。

議 員 之 要 籍

各省諮議局已將成立凡被選為議員者必須出任地方之事以謀公益惟事屬創辦非預備有素或難勝任茲將本館所編有關於議員各書列目如下

十六國議院典例

定價一元五角

國名開列如下 英吉利

德意志 法蘭西 丹麥

美利堅 意大利 瑞典

奧地利 匈牙利 挪威

比利時 葡萄牙 瑞士

西班牙 荷蘭 日本

議會政黨論

定價五角

立憲國操政權者半在議會  
有議會無不有政黨我國現  
在已設諮議局國會成立為  
期不遠則政黨之發生出於  
不能免得此書以為先路之  
導自不至入於歧途

日本議會法規

定價四角

此書將日本議會選舉方法  
辦事權限及經費一切無不  
具備足為議員參考之用

新譯日本議員必攜

定價八角

奏定諮議局章程多半取法  
日本此書為日本議員之要  
籍凡三十餘萬言刻已付印  
即日出版

商 務 印 書 館 發 行

諮議局之指南針

諮議局之設所以謀本省地方之利下列各書詳言整理地方行政之方法議員得此參考而研究之所以裨益於本省地方非淺鮮也

大歐洲  
市政論  
定價一元四角

此書述歐洲大陸各國市政極為詳細凡教育交通衛生警察等無不備載諮議局議員有志振興地方者幸留意焉

自治論  
定價七角

此書詳言德國地方自治之制我國政體為君主立憲與德國為近而各省之行政權限較大亦頗類於德國之聯邦故是書尤切於我國之用也

地方  
財政論  
定價三角五分

奏定諮議局章程以財政之豫算決算及稅法公債之權委之議員則財政之學為議員所不可不講此書分四編一總論二歲出三歲入四共有財產五地方債

地方  
淺說  
定價二角

前列三書皆東西國地方自治之要籍此書則就外國現行之制合之吾國省廳州縣坊廂鄉圖現在所行之事參考比附斟酌損益可見實行

商務印書館發行

# 新 知 識

## 算 語 雜 譯

王 壽 昌

算學與國家有實切之關係。算學精進。則國家必強盛。拿破崙

賦性粗率之人。當使之學算。蓋算有微錯。必須復也。倍 Bacon

合並他人之財力以舉事。其處地猶單位也。益其一於旁。則十倍。再益之。則百倍。法蘭克林 Franklin

大凡行事。人謀宜居三分之二。而三分之一則付之天倖。增足前之命分。則太怯。增足後之

命分。則太疏。拿破崙 Napoleon

由一點一線之淺界說而起。及其終也。遂能推測天地。方得那 Fouquier

算學為諸科學之母。杜赫衣 Duruy

算學可以解憂。一入其中。則百念都絕。博素德 Boissac

拉級 Lagny 耽於算術。屬績之際。人疑其氣已絕。其友進至榻前。試語曰。十二乘十二。拉級

微微應聲曰。一百四十四。

十八世紀中。英之算學家莫里尼 Moynoun 設一疑問。至今莫有解者。曰。有生而醫者。遇

醫而已其疾。及啟目。有圓球長竿在前。問彼須觸之以手而後辨球與竿乎。抑一見便能指球爲球。指竿爲竿乎。

算術能汲引人之思想。故耽其學者。多不諳世事。杜博魯 Dupanloup 嘗云。世間多一算學家。卽少一生人。

一日。奈端 Newton 煮雞子。出時錶以視時之久暫。時方布算。少頃回顧。則時錶在沸。而雞子猶在手也。

奈端性愛貓。室內豢二貓。一大一小。嘗終日閉戶。推演算術。小貓性好動。輒叫囂思出。不堪其擾。乃鑿小穴以通之。無何。大貓見小貓之自由。亦狂叫不已。奈端復鑿一大穴於小穴之傍。以通大貓。其可笑之事皆類此。

一日。翁伯阿赴堂授課。在路旁拾一小石。玩究良久。及出時錶諦視。而授課之時。已刻不容緩。倉卒中竟投錶於地。而納石於懷。每在黑板演算。及酣時。輒以汗巾拭板。而存板布於衣袋。又一日。在車箱後用白粉條布算。俄車行。翁不覺。追車狂走。欲畢其算。

又有一算學家。傳者失其名。嘗大書於日記簿曰。某日在某處行婚娶禮。娶妻尙恐忘之。其癡愁如此。



英后維多利亞登觀戈魯七 Greenwich 天文臺。憫臺長拍得勒 Bradley 清苦。欲增其俸。拍辭焉。曰臺長而有厚祿。則後之居此者。恐非習知天文之人矣。

世人多以善算者必能善奕。此意殊誤。不知算與奕兩不相涉也。惟善算者善用其思。若以學奕。或善其事。譯比按 A. Balfour

算學家每於發明新理。往往沉思苦索。累年而不可得。一旦於無意中偶有所觸。急起追之。而遂獲底蘊者。此之謂靈光一閃。曩之黜障者。無不豁然明通。於是不知手之舞之。足之蹈之。有時以其得之之易。轉疑其所得之非。乃復多方證驗。必至無可吹求而始已。此為學者之境界也。譯比按 E. Jouan

西歷前二百二十二年。西合掬色 Syracuse 被羅馬將軍馬森呂 Marcellus 攻破之日。

亞拉麥德 Archimede 尙伏案推算幾何不輟。俄一軍士入。拔劍欲刺之。亞求舉其算而就死。不聽。遂遇害。馬森呂痛惜之。斥軍士而厚恤其家。譯比按 Syracuse

牧師拉嘉爾 La Caille。精天文。法政府畀以賞。游歷喜望峰。所過關卡。免其征稅。衆方以拉必挾私物以規重利。而彼則行李蕭然。儀器數具而已。有以十萬鎊進。請為存匿貴貨者。拉堅拒之。其風節如此。

英國有一教員。宣講時。遇大算學家之名。則令生徒起立致敬。若遇亞拉麥德及奈威之名。則令起立歡呼致敬。

法國大學堂有一學生。入市購物。爲市媼所辱。大怒。叱之曰。老斜方形。八面體。三角體。方程式。相切線。凡屬於算學名詞。莫不衝口而出。滔滔不絕。市媼大愕。

柏蘇 Bezout 在都郎 Toulon 考取海軍學生。有一生患痘症。不能與考。柏蘇憫其試期一誤。則終身無海軍功名之望。身未出痘。竟冒傳染之危險。就其室而試之。

有客旅俄。手攜對數表一冊。巡士誤爲密電本。竟拘之於警署。俄國警察之嚴。可見一斑。

路易第十四朝之外交家馬沙漢 Marquis de Mazarin 病篤。適彗星見。左右以爲不祥。憂形於色。馬笑

謂之曰。彗若爲我而見。區區一身。遂能感動天上。榮幸已多。何悲爲。無幾日夫人

俄皇依威第四 Ivan IV 欲建宮殿。召匠人告其宮殿之小大。問須磚幾何。匠人以數對。及成。如其言。不差毫釐。皇大惑。以爲巫也。竟焚之。

有水兵由澳洲歸。挈異種螺壳一篋。取其一造骨董鋪估值。鋪主贊賞不已。出價至二十五佛郎。水兵大喜。呼曰。我無憂矣。我有此六千枚。語未竟。鋪主急止之曰。且緩。若有六千枚。則

此祇值十孫丁。一百孫丁爲一佛郎

西俗最忌十三人共食。有歌謠云。十三並肩。共宴一筵。其一伏臘。壽命不延。倫敦有俱樂部。以十三爲名。盤飧用物。莫不以十三爲率。蓋所以破俗忌也。

圓形既號爲無極。又號爲平等。曩者公文署名作圓形者。無首尾之分。功罪皆等。今外交官議會多用圓桌。亦所以避上下位之別也。

尼古拉 Nicole 謂郎格威夫人 Mme. de Longueville 曰。巴黎城中必有人頭髮之數相同者。夫人曰。髮至難數也。先生未實驗。何以知之。尼曰。吾可以理解之。今人生髮至多者。不能過二十萬根。至少者一根。由一人而至二十萬人。其髮之數。或可以不同。過二十萬人。則必有同者矣。今巴黎何啻二十萬人。則頭髮之數相同者。爲理之所必有也。夫人尙不深信。卓朋衛爾 Schopenhauer 有言。婦人髮長而智短。信然。

亞海色突 Aristotle 云。醫者常謂癱形圓者難愈。算學家深以其言爲然。蓋邊線長短相等之各形。惟圓者面積最大。

法王路易第十八 Louis XVIII 謂一算學博士曰。先生試爲我解一問題。吾過剛德時。時是

內亂王左右相從者不過五十人。今言會相從者則有萬人。此何謂也。  
史家陶儂 Daunou 常言。史書於紀載數目。多不足徵。當法國革命時。有一士人將逐日報

紙所載死亡之數。列爲一表。及其終也。竟至一千四百二十二兆一萬四千八百一十八人之多。其友見之。笑謂之曰。歐羅巴全洲人口。祇有一千八百兆。此表果確。則是時吾洲人類。將滅絕矣。

亞哈覺 Arago 云。拿破崙常語博士勒麥施 Lemercier 曰。使我不當國。則必爲三軍之司命。斷不能從容廁列於卿大夫之間。必不得已。必將投袂而起。追蹤於葛里尼奈端諸子。子其許我有所發明乎。拿破崙解驗幾何問題。敏捷無匹。孟處 Monge 嘗稱其能。

中古時。歐人分時代爲三。以羅馬解題四百七十五年。至馬爾第二。取君士但丁一千四百五十年。爲中古。以龍爲上古。以後爲近世。工廠禁防工人儻

料蒸嚴。織呢皆計線成正。尋常之呢。一千四百線者有之。一千八百線者有之。及精美之呢。則用三十倍一百線紡織。當時惟富貴之家用之。名其呢爲三十倍。三十倍法語曰湯鄧湯鄧。又與法語三十一之音相似。今世法國指人之善修飾者爲三十一。實則湯鄧之轉誤也。一學士渡江。中流語舟子曰。子讀歷史乎。曰否。學士曰。子半死矣。又問曰。子學算術乎。曰否。曰子死四分之三矣。未幾。風起浪作。舟傾覆。舟子呼學士問曰。子善泅乎。曰否。舟子曰。噫。子全死矣。

由一身上數而至二十代。祖宗之多。可聚城邑。一代爲父母。其數二。父母之父母爲二代。其

數四。推而上之。爲八。爲十六。爲三十二。爲六十四。如是而至二十級。其總數竟達至一百零四萬八千五百十六人。

法國里昂 Lyon 每年銷蠶絲十兆。啟羅格蘭姆。每四繭出絲一格蘭姆。是里昂每年可銷四萬二千兆之繭也。每繭有絲五百密達。四萬二千兆之繭。則出絲二千一百萬兆。啟羅密達。計絲之長。有十四倍地球距日之遠。有五千四百九十四倍地球距月之遠。以之環繞地球。可作五萬二千五百零五遍。以之環繞月球。可作二十萬遍也。

有一人病。問醫士曰。吾病可活乎。醫士出紙於懷。展視良久曰。以此表觀之。與子同病者。百活一耳。病人大悲。醫士徐徐曰。吾子卽百之一也。

亞馬丹 Hamadan 之博士院。其院章大書曰。思想多。著作少。言論尤少。世人咸目之爲結舌院。波之名人。無不入院爲光寵。院中博士。百人爲額。缺則舉補。有名下士。截伯 No. 者。僻居遠邑。聞博士缺出。急趨至亞馬丹。抵院門。以紙署名求補。願截來已晚。惟新舉之博士。才名遠出。截下。故紙入。衆皆蹙蹙不安。院長沈思良久。乃肅之入。設杯傾水。彌滿。截知旨。瞥見足傍有玫瑰花一瓣。乃俯拾之。輕鋪水上。水不少溢。衆以其對答之妙也。鼓掌歡迎。不復顧院制矣。故事。新博士入院題名後。當向法院衆宣謝。截旣署名。乃於其下作○於一○○之

前。注其旁曰。不增不減。蓋自謙也。院長取筆書其尾。以一加一〇〇之前。注其旁曰。增一得

十倍之益。始終未嘗啟齒焉。或曰。較長宜註增一。得千之益。為得

算學猶磨也。磨能使物質精。不能使物質變。法哈治

有販傘者。死之日。留傘十七。遺書分其三子。曰。長子得半。次子得三分之一。三子得九分之

一。諸子惑焉。告公證人某。某有巧思。增其一以分之。長子分半。蓋得九。次子三之一。蓋得六。

三子九之一。蓋得二。合九與六與二。而數仍十七也。諸子大悅。

今有高樓。如並級而登。則不盡者一級。三級而登。則不盡者二級。四級而登。則不盡者三級。

五級而登。則不盡者四級。六級而登。則不盡者五級。七級而登。則無留級焉。試問為級幾何。

有一婦人。與遺腹子共襲遺產三十五萬佛郎。如其男也。則得男分之半。其女也。則得女分

之倍。及臨葬。則雙生一男一女也。問各得幾何。

答曰。母得十萬。男得二十萬。女得五萬。

小仲馬 *Alexandre Dumas fils* 旅行之速。過於火車電線。彼云。我用兩驢之乘。由巴黎至

山谷廬。半小時可達。若用四驢之乘。是祇須十五分鐘可達。若用八驢。是立刻可達。若用十

六驢。則我未行而已返矣。

雜俎

美國虐待菲列賓土人紀實 續前片錄譯

文明人之大野蠻

慘無人理之私刑

美國婦人之殘忍

冒險記者曰。美人占領菲列賓時。忽傳有一美國婦人。於馬尼拉郊外。為人强奸。於是南洋一代之英雄。遂慘死於美人之手。探險家內藤昌樹。目擊其事。為余述之。

美人之占領南洋羣島也。阿額那爾將軍。據菲列賓島。指揮島合之衆。以保衛其祖宗領土。與美軍苦戰力盡而亡。將軍及其部將留布拉皆逃去。余適以事至菲列賓。遂得睹種種怪狀。而美國所謂私刑者。亦於是時見之。至今尚栗然懼也。是時美軍威力。尚不能懾服全島。土人往往反抗。日事干

戈。而馬尼拉尤為修羅之場。有安那者。美國海軍下級士官之妻。來此為篤志看護婦。一日忽傳此婦於拉開市。距馬尼拉一哩。為土人强奸。美軍大怒。復仇之聲四起。見土人輒殺之。而土人亦往往乘間戕殺美人。軍醫某懼全島再亂。乃獻策司令官。請捕强奸者。處以極刑。於是定議。必值得强奸者。以私刑處之。在北美合衆國。土著黑人。汗辱。白色婦人。白人得捕其黑人。任意嚴罰之。謂之私刑。美國法律所默認也。

私刑之議既決。美軍乃遣護衛兵一隊。從安那至受汗地。包圍搜索之。凡年齡足以犯此罪者。一一引至安那前。檢査時有濠洲政府之官吏英人格勒氏。以視察美軍衛生狀態至菲。問安那曰。汝以婦人受此重辱。尚能憶其人之容貌乎。安那從容答曰。憶之甚。審格氏笑曰。然則和奸耳。檢査既終。一無所得。此外實無一男子。且無可逃之地。軍士乃疑安那或不能確憶其人。安那幹然曰。否。吾憶之乃甚確。微傾其首。作思索狀。忽曰。吾憶之矣。彼時余曾以詐

術得其名為……少頃復遂巡曰。為留布拉也。是時安那之色。乃大頹。

土人聞留布拉一語。頰悶之色立消。嗾然曰。妄言耳。美軍斥之。咸大笑曰。留布拉將軍。去是村七日矣。

夫以出奔七日之男子。焉能復在此地。犯茲重罪。然美軍不信也。以為土人隱匿。其同類。嚴榜之。以待犯人之出。土人受美軍威嚇。皆喜曰。苟為留布拉將軍。雖鼎鑊不辭也。

留布拉將軍者。此地土人之大將。有文武才。為阿賴那爾將軍。股肱。阿將軍敗。與將軍逃死深山。美軍無不服其勇武。會懸重賞。購其首級。名聲震南洋諸島。似此俊傑。安得有卑污之舉。白色婦人之言。吾乃不知其何意也。

於是定議。自明日始。苛責土人。以待留布拉之出。是夜皆嚴縛之。監以美軍。待遇之酷。不啻獸類。

是地有竹林。方百餘間。三十六平方尺為間。天甫明。美軍盡伐竹。留其下部尺許。削之使尖。如劍。成其形。

魚貫繫土人。裸其體。使仰臥竹劍上。以數人引繩兩端。曳

之行。土人為竹劍所割。皮肉皆裂。血流滿地。有骨折者。然顏色不變。無呼號聲。美軍一一扶起。以鹽塗創口。更置擲竹劍上。土人亦切齒忍耐之。

美軍怒。乃以石油注竹葉。燃之。舉土人投其內。土人冷笑曰。留布拉自祖父以來。領有此土。仁民愛物。與阿賴那爾將軍。臥薪嘗膽。拋棄妻子。以拯吾輩。苟為是人。雖寸斷吾肉。吾心安焉。

日中。留布拉尚不出。美軍愈怒。觀者亦恨不得見私刑。乃請於司令官。將盡屠土人。以釋其憾。

準備既成矣。忽有一偉丈夫。以兩手解衆人。狂奔至司令官前。曰。余留布拉也。人民無罪。其怒之。留布拉在此矣。聲甚悲狀。

是時土民皆瞑目待死。忽聞留布拉語。則大哭曰。將軍何故來。此聲震天地。留布拉舉其悲狀之。眼視土人曰。敬謝諸君。

美軍大喜。以銅絲反縛將軍兩手。拇指。握其衣。將高懸之。



將軍亦不懼曰余欲見被奸之婦人美軍斥問何事將軍曰不。論。何。事。安。那。開。言。欲。逃。一。下。級。士。官。竟。引。之。至。將。軍。前。將。軍。大。吼。曰。所。謂。受。污。者。即。此。人。耶。賊。以。足。安。那。立。倒。竹。劍。上。將。軍。復。蹂。躪。之。連。呼。惡。魔。不。置。將。軍。見。安。那。死。願。士。人。曰。余。親。愛。之。菲。列。賓。同。胞。余。為。諸。君。復。仇。矣。復。視。安。那。之。尸。曰。諸。君。試。觀。之。惡。魔。死。矣。吾。知。奸。惡。之。美。國。亦。必。如。是。也。以。目。視。美。人。微。笑。為。時。不。過。三。分。間。耳。美。軍。大。怒。私。刑。之。聲。四。起。土。民。皆。為。將。軍。泣。

執行私刑。即在安那所稱被奸地。美人觀者如堵。咸置留布拉為強奸殺人犯。軍士先以足蹴倒留布拉。衆皆拍手稱快。

號。一。響。美。人。即。牽。留。布。拉。至。刑。場。中。央。使。跨。木。杵。上。於。被。縛。之。兩。拇。指。間。插。以。小。木。繩。繫。木。上。懸。之。空。中。弛。其。繩。自。空。中。擲。之。如。是。者。數。十。次。留。布。拉。兩。拇。指。折。則。以。銅。絲。縛。其。腕。如。前。法。高。懸。投。之。腕。折。跨。裂。鮮。血。迸。流。留。布。拉。顏。色。不。變。則。穴。其。鼻。腔。貫。以。銅。線。牽。之。行。留。布。拉。腰。骨。已。折。

然亦鼓其最後之勇。以從美人。唾其面。復以利刃。刺之。慘酷之狀。令人酸鼻。美人無不拍手稱快。女子尤甚。見留布拉無鼻。則肆口評論。此今之文明人也。

美軍魚貫繫土人牽至刑場。使觀留布拉之苦。土人初則瞑目不視。迨聞留布拉自空中擲下聲。與美人拍手聲。目乃自啟。見留布拉。輒哭聲達雲表。留布拉則止之曰。勿哭。吾死命也。土人復大慟曰。我將軍何故來此。留布拉曰。余山居。適有人告我。謂同胞方罹痛苦。非余莫救。乃奔至幸諸君。尚生。諸君勿泣。吾為國為同胞而死。乃其素志。余雖死。尚有阿額那爾將軍。他日必拯諸君於塗炭。吾生不能殺賊。死當為厲鬼報之。

美人聞言。惡其不遜。以最強石炭酸。注其鼻。創留布拉。神經大奮。四體乃自動。不日所縛之繩。斷者三四。軍醫來以麻痺藥塗其鼻。此非恤留布拉。恐留速死。不得盡其技也。二三分後。留布拉身乃不動。軍醫復以藥止其血。為之盥面。留布拉。顏面不變。洋洋如平常。軍醫與以香與。留布

拉不飲。則自脈管注射之。軍醫謂留布拉。吾甚愛君。為若已其疾。然腹當少痛。宜忍之。留布拉不答。軍醫以小唧筒。插入留布拉口中。留力嚼之。筒折。軍醫復嘲之曰。若勿暴動。吾惟愛若。故為若治其疾。乃令人抑其兩顎。以拔齒。機一。去其齒。復嘲之曰。汝樂乎。

以小唧筒。插入口腔。注瓦斯腹中。腹乃漸漸膨脹。面作赤色。軍醫以壓榨機。壓其腹。忽有大聲若裂。則留布拉。食道頭破。下顎脫。曰。矣。軍醫鼓掌大笑。復以唧筒。插入喉中。注冷水滿其腹。投以吐劑。水與食物。皆自口中噴出。留布拉不勝其苦。淚奪眶出。軍醫作怪聲曰。是人尚有他技。宜使演之。以娛諸君。乃以藥粉和水。注入留布拉腹中。留布拉乃大笑不已。淚滿其面。軍醫面諸婦人曰。諸君觀之。是人之笑。乃大異於衆。美人亦隨之笑。

留布拉為藥刺激。大笑不已。人皆疑其發狂。然其人。至有定力。決不如是。彼至此。尚以齧唇。出血。蓋欲自拔其舌。以死而力。乃不遠。

美國婦人復大聲謂軍醫。久笑無味。宜使演他劇。軍醫曰。諾。乃以藥止其笑。面諸婦人曰。是人。不笑矣。命軍士以鑿去其指甲。以浴馬之刷。搔其身。留布拉忍痛斥之曰。美人。汝亦人類。當解人道。其速以銃殺余。美人笑之。以鼻曰。少安勿躁。

忽有一美國婦人。發其嬌媚之聲。曰。斯人之罪。為強奸。宜處以相當之刑。司令官曰。諾。於是慘酷之刑。加於留布拉之身。其刑至為淫猥。余不忍形諸楮墨。上帝仁慈。亦未嘗以記載此事之筆。授余。望諸君察之。於無言耳。

美人則無不自誇。有此淫刑。謂為美國特色。與野球之戲。并稱。翌日。余問一美國婦人。昨日施刑於留氏私部之時。諸君身為女子。胡不避座。是人則微笑答曰。癡男子。汝乃以此為問。私刑之中。此為最樂。吾人以是往也。余不能卒聽。抱頭以竄。

此刑既終。留布拉耳目手足皆壞。關節盡挫。刑無可再施。乃洞其臍。塞以橡膠之栓。

留布拉發其剛銳之聲曰肆為之馬尼拉全土必為余復仇美人汝干天怒天將殛汝

士民皆忍淚問將軍有言遺其子蘭支否將軍曰無之少頃復謂士民曰幸告吾子若父死於美人若宜世世生刺刀美人之腹

士人大哭同聲為將軍祈天

是時余雖欲止吾淚而淚乃與吾力抗奪眶出如瀑美人則大笑準備最後之私刑

少選於刑場中央樹鐵十字架以螺旋之釘貫留布拉四體釘諸架上留布拉腹乃大動塞麟之怪落皮膚有脫落者

美人答之留布拉遂昏去

軍醫復注以奮劑留布拉少甦司令官立刑場中央宣告留布拉罪狀且說明私刑之由來

留布拉聞司令官語大斥之曰蠢賊美人皆卑懦余嘗獲美國士官許其自殺其人乃無骨向吾乞哀余一一以統

殛之汝卑賤如是尚以殺人為樂耶彼蓋惡美人妄言故報以怨毒之語也美人則斥之以為多言

於是以鋸斷其腕與腿錐刺其面及胸作巨穴生剝其皮煮「可兒他」油使沸以澆其身

留布拉無皮之身為油所澆立變黑色膨脹至數倍之大關節盡脫十字架上所留惟頭胸腹及兩腕而已

嗚呼南洋之英雄馬尼拉之勇士竟以身受強奸之符名為同胞死矣時有一西班牙人曰世界可畏之事無如文明人之野蠻也

余觀此幾不知此殺人者果為人類否矣

譯者曰此冒險世界第二卷第二號所載內藤氏之言也所謂美國者非今世所稱文明國耶非以世界和平

自任者耶而其處土人之酷乃至於此聞者幾疑為囑語然吾聞庚子之亂聯軍入京某國兵號稱最有紀律

是役適屯內城一日出令縱人往觀宮禁我國人乃不知亡國之慘老少相攜以往甫入即下令出男子而留

婦人日哺始釋死者二千有奇。薦紳先生往謁司令官。請我輩順民不宜處以非禮。司令官笑謂禮以施於文明國人。汝輩亡國之奴。不宜以禮為言。是事京人皆能道之。然則內藤氏之言。吾又惡能斥為狂。要之處。此生存競爭之世。必勢力相傾。而後有公理。可言。如不能自維其生。而向冀人以公理待我。是無異牛豕處屠人。字下尚望其或發慈悲。釋我不殺。待刀鋸已加。始轉呼號為時晚矣。前車之鑒。未可云遠。伏望我同胞。惕然戒懼。力求自振。俾我四萬萬黃色人種。不為碧眼赤髯者魚肉。則不勝大幸矣。

美國虐待非列賓土人記書後

野逸

余友片鐵譯日人內藤氏所記北美虐待非列賓土人事。以示余云。將附之報章。余讀之。不禁黯然感額。曰。嗚呼。白人之待黃種。有如其慘哉。夫北美固所稱為爭自由與母國分離而獨立者也。已重自由。則於他人之自由。亦宜置重。今觀其殘忍若此。乃知其

所謂自由者。乃同種之自由。非異種人之自由也。夫世界非獨一北美也。不重人道自由。而較北美為尤殘酷者。正夥矣。我中國處列強環伺之地。一旦分割。其占領我土者。不獨一北美。又彰彰明矣。一美之慘。如是其甚。況積以數美。而又更甚於美者。則其為殘慘。烏可以倍蓰計耶。吁。可畏哉。我國王公士庶。如能取鑑於斯。力圖奮發。俾神禹之域。黃色之種。不至盡為白人所蹂躪。則庶幾不負我輩留學海外之素志。與片鐵譯此以警我國人之苦心歟。

# 文苑

東學西漸

姚振華

東學西漸。乃鄙人數年來之宿論。至於近日。以耳目所聞見。益有發皇之象。轉不禁爲我文學界發典型泯滅之歎矣。

數十年來。歐洲刊行關於東洋學術之新著。日增月盛。然其所譯述。大抵破碎支離。且憑臆武斷。自鳴得意者。往往而有。迨至輓近。西人識中國語言文字者。後先輩出。於是有所謂唐人本。Chinese Text 乃大爲彼學術界所愛讀。東學西漸之機。於茲漸熟。誠吾人所不可不注意之現象也。

今春得觀英京倫敦二三書肆之書目。其唐本之部類。有十三經注疏。有史記。有前後漢書。有老莊離騷。及文獻通考。漢魏叢書。廣羣芳譜。三禮圖。朱紫陽通鑑綱目。李自珍本草綱目。寰宇記。東華錄。聖武記。其他康熙字典。大清會典諸書。凡可研索中國文物禮制者。無不具備。其中特揭出一珍本。爲郭璞注爾雅。全部凡三卷。有精圖若干帙。書面裱以黃絹。極爲美觀。云係一千九百年拳匪事變時得之北京宮廷者。就其插畫推之。當爲嘉慶中曾煥覆刻。

景宋本爾雅之初印本。定價僅三鎊餘。其為歐洲學者所垂涎而爭購。蓋可想像而知矣。

此書目中。於水滸傳之次。出許慎之說文。西廂記之後。載朱學正宗之性理大全。玉嬌李之

下。列顧野王之玉篇。是蓋依字母之順序。 Alphabet 為歐洲之通例。無足深怪。故戰國策

注本與東周列國志比肩。陳壽三國志與羅貫中三國演義接武。其餘元曲。有漢宮秋老生

兒灰欄記之類。明清小說。有好述傳平山冷燕紅樓夢之類。宛如夏日曝書時。入吾人之書

齋。而手此一卷書。不覺興味之津津也。

今我國學者。文士方厭棄假名遣問題。假名遣即假名之用法究心於羅馬字之採否。而東學之西漸

乃如是。方以自然小說為貽蕩喪志。夢想新體詩之成功。而東學之西漸。乃如是。噫嘻。誰與

聞夜半之荒雞。而蹶枕起舞者乎。

按歐化東漸之初。吾國老生迂儒。率目之為夷學。而抱守其殘缺不完之經文。是為不知

今。及科舉廢。學校興。莘莘學子。乃羣以國學為無用。而注重於旁行斜上之文。是為不知

古。王充曰。知古而不知今。謂之陸沈。知今而不知古。謂之盲瞽。吾神州雖免陸沈之痛。其

何以自解於盲瞽之譏哉。此篇為日本槐南陳人所作。見東京日日新聞。篇末以東學之

西漸。與其文學之陵替。兩兩相形。若不勝其痛惜者。記者譯此。蓋猶槐南意也。

拜別先塚

陳寶琛 閩縣

孤兒昔作官。十載一過家。大父猶老健。二人髮始華。五年失吾祖。母兮亦棄兒。父幸兒得歸。汝才詎適時。長跪聆爺言。誓侍爺以老。冉冉一星終。欲報恨不早。遺羹既無所。椎牛亦誰知。賸得年年淚。來灑青松枝。此行豈兒心。除經已周紀。壯盛付等閒。衰遲復何恃。得歸兒會歸。不為祖考忝。成虧蓋天事。晚節敢自貶。下山且十里。猶聞太息聲。兩止慎泥潦。微陽倘向晴。

五十留鬚詩

鄭孝胥 閩縣

五十始有鬚。見事良已晚。留之定何取。每顧輒自哂。拂唇頗不耐。竟日手勤撚。旁人知諱老。熟視謬稱善。迴思兵間日。身手絕精悍。乞歸三載中。花落雲雨散。當時若有斬用意。乃至淺少年。既坐誤短景。何足算青山。對滄浪世態。凡幾變。按詩云青山有似少年

和鄭蘇戡留鬚詩次韻

嚴 復 侯官

男兒富有髭。不繫留早晚。攬鏡悅鬢髮。未博秦女哂。違天乃與鐻。好弄時自撚。磔赤蝦。殼猶披黑燕尾。善夫子。稽阮流。面目極廉悍。劇談九河翻。濺沫千珠散。五十始得髭。呀谷春草淺。行看綠坡竹。離離遂可算。八十非熊罷。庸渠滄浪變。

答幾道見和留鬚詩

鄭孝胥

文苑

三十八

五月

華風不喜鬢所見等婦孺云何作官人威儀必先具西俗老去髯領雪意若惡旬齋每見  
還童殊可慕今年毛纒添見蜀志周家傳顏鬢不容駐漢廷方用少我意難詭遇惟堪助苦吟撚斷  
亦風趣嚴侯早相許愛重及遲暮相看雖未衰玉貌殆非故尋芳更載酒春至勿自誤窺君  
珠飾帽絕歎美無度

蘇堪易韻見答又次其韻

嚴復

常髡忽畜髮鬢蒼駭童孺一髡一畜間成此禮法具長笑諸教宗毛髮用好惡瞞眼閱十旬  
垂顧翻足慕已而期限來欲留不許駐萬生孰美醜用舍惟所遇髮髯同根生雍容乃殊趣  
藉令值苦吟相賞何其暮昔去而今存就中甯無故復云作官人盛時又已誤從而爲之辭  
期君改此度

閏二月十七日獨遊龍華

鄭孝胥

春雲欲吐曉霞明醞釀江湖醉未成人影漸遮風漸暖江波初漲雨初晴試徧遊騎歸花史  
便割吳天作錦城可怪路旁沈吟者色塵夢恨尙縱橫

季直之子怡祖登塔詩曰凭欄詞客招新月隔浦漁翁唱晚煙季直自作詩曰阿翁十  
二始爲詩今汝追翁欲及之期汝立身求學問要如登塔最高時又爲怡祖請余書扇



乃賦此遺之

鄭孝胥

老夫恨不學。無術返童幼。兒曹能自前。奚翅與我壽。嗇翁無窮意。歲月苦難究。遲遲出定論。晚子殆天授。自吾見怡祖。喜子勁在後。不愁強弩末。再厲端可毅。晚煙新月作。思致絕雋秀。家學不獨詩。風氣果已就。

卽事

謝應芝 陽湖

客行有恒程。思家無限情。到岸船未停。歸心已過飛。登堂拜嚴親。皓月正揚輝。寢門瞻慈顏。聞聲識兒歸。開門見兒喜。問兒復何飢。將燈照兒面。兒瘦何如斯。愁水復愁風。計程歸奚遲。團話不覺久。隱隱紅朝暉。

湯將軍詞

謝應芝

粵賊陷金陵。乾坤氣慘慄。矯矯湯將軍。蕭蕭已鶴髮。公非守土臣。授命義斯畢。金陵古名都。鍾山巨突兀。長江爲外險。采石莫能越。云何棄天塹。坐令金湯失。憶昔十載前。島夷逞狂矯。承平武備弛。軍旅皆蠟蟻。大難雖旋平。姦謀此萌孽。當事養患成。勦撫兩無術。匪無敵愾才。行間或肘掣。江防虛無人。奔逃苟求活。公奮欲巷戰。捐軀本非恤。維時軍吏徒。大半膏斧鑕。屍骸塞衢路。秦淮水流血。從容赴大義。幽懷鬼神質。公女適歸甯。從死共完節。巍巍石頭城。

猾賊作巢穴。纍纍蒙難民。流離淚嗚咽。淒淒長征兵。歲久爲戍卒。公既畢大義。遑復顧家室。皇天佑忠良。闔門脫羈縲。大軍圍未固。賊黨猶四出。吾郡當孔道。警報時迫切。聖人勳賢。吁小醜何足滅。顧念軍興來。賢否吏非一。百世蒙褒譏。史氏有直筆。傳聞虞失真。在野詎堪述。桓桓汪方伯。恢復志彌烈。召募身率先。勤勞遽云沒。兩公桑梓賢。深思倍幽鬱。時事猶艱難。感憤目皆裂。

古杯歌

謝應芝

金陵市頭有古杯。輝騰耀景蟠蛟螭。澗水澄清靛花潔。官窰夜燒文火施。懷材本意進大內。指摘微瑕用棄置。書生好奇挾之去。酒酣激烈淚雙墜。君不見山疊莎象古所貽。三代規模。尙。滴。實。托。始。冠。昏。迄。賓。祭。彬彬有文不遺質。六經災秦博士散。灌酌壺尊況微末。天生奇器。用有時。飲采韜光莫言屈。

登望江樓

謝應芝

颯颯海風起。雲開見太清。亂帆江上簇。斷塔樹頭平。烽火前朝恨。關河游子情。歸途過禪院。斜照黯孤城。

返棹

謝應芝

客倦猶未起。水行經幾程。鴉鳴識天曙。木落疑風生。山氣壓篷冷。波光接艦平。鄉音雜吳越。相對酒頻傾。

避亂鄉居寄錢受那

謝應芝

誰教狐兔眼中紛。辛苦浮家畏失羣。大將有才誇陸遜。下臣無策對劉蕡。角聲吹斷秦淮月。海色愁侵越嶺雲。千里關河同涕淚。頻年遙盼殿前軍。五噫賦罷獨徘徊。踏屐看殘隴底梅。夕照已隨歸鳥沒。名山不肯過江來。徵兵道路皆荆棘。被寇黔黎半草萊。老矣何堪逢世亂。難將懷抱付深杯。旅夢翻從客裏驚。招搖斜指悵孤城。狺狺吠犬乘風勢。獵獵飛鴉疑雨聲。雅量偏輸黃叔度。先幾欲問管公明。九重哀詔從新降。有日饒歌奏太平。

君馬黃

邊浴禮任邱

君馬黃。我馬驪。並行大道旁。六轡如風馳。大道自云寬。人心生路歧。君居在朱門。我居在白屋。同此居處情。榮枯變何速。請看滄海波。一朝作平陸。哀哉阮嗣宗。窮途方慟哭。

古拜月詞

邊浴禮

隱。體。古。時。月。徐。徐。行。太。虛。太。虛。無。纖。塵。一。碧。萬。里。餘。美。人。下。階。墀。再。拜。前。致。詞。郎。君。淹。滯。地。  
婦。娥。應。見。知。知。即。告。妾。知。慰。妾。長。相。思。還。將。念。郎。意。與。妾。遙。傳。致。珂。馬。早。歸。來。收。妾。千。行。淚。  
天。高。語。難。通。月。墮。光。朦。朧。萋。萋。青。苔。院。習。習。生。微。風。風。吹。庭。樹。急。地。白。霜。華。溼。翠。袖。不。禁。寒。  
徘徊。片。時。立。含。情。掩。玉。屏。滅。燭。下。羅。幃。淒。絕。紗。窗。外。秋。螢。來。去。飛。

都門雜興四首

邊浴禮

黯。淡。青。衫。偃。蹇。身。楚。蘭。衰。謝。泣。羈。魂。搔。餘。綠。鬢。秋。將。老。揮。盡。黃。金。酒。不。溫。倦。枕。孤。搗。涼。雨。夜。  
壞。牆。閒。覓。舊。題。痕。於。期。刻。頸。荆。軻。死。肝。膽。何。人。與。細。論。  
夾。道。垂。楊。映。御。溝。雨。絲。煙。縷。弄。輕。柔。葳。蕤。鎗。啟。千。門。鎖。油。壁。車。迎。四。姓。侯。北。里。鳴。箏。翻。豔。曲。  
西。園。飛。蓋。騁。清。遊。榮。華。眼。底。如。流。水。難。釋。茫。茫。洗。馬。愁。  
觚。稜。金。爵。峙。崔。嵬。萬。里。秋。聲。絕。漠。來。佳。氣。蔥。龍。朝。鳳。闕。夕。陽。空。闊。下。龍。堆。防。邊。幾。見。廉。頗。將。  
憂。國。虛。傳。賈。誼。才。祇。有。子。雲。甘。寂。寞。草。元。閉。戶。獨。徘徊。  
太。液。芙。蓉。墜。曉。霜。一。樽。送。客。上。河。梁。參。辰。間。阻。悲。蘇。李。雞。黍。綢。繆。感。范。張。關。接。居。庸。山。色。紫。  
路。通。涿。鹿。積。砂。黃。離。傷。弔。古。兼。懷。遠。目。斷。寥。天。雁。幾。行。

宿田家作

築室臨清溪。列垣壘危石。繞門修竹陰。列砌古杉碧。靜無鼃鼠喧。幽見麋鹿迹。崇山勢綿亘。百里竦峭壁。雲過錦繡開。泉響風雨急。主人意殷勤。款客羅酒炙。古道罄所懷。話舊胸忘夕。但云故業荒。田疇日墜瘠。近愁米價增。遠畏寇氛逼。世難爭紛紜。豪傑耿獨立。虎豹守天門。鸞鳳棲枳棘。太息夫如何。中宵百憂集。

邊浴禮

保陽謁楊忠愍公祠敬賦二首

邊浴禮

獄中一笑却蚡蛇。香滿郎官頸。上枷東市朝。衣飛碧血北。庭冤魄喚青。霞君恩未報。忠何補。臣節能明死亦嘉。擬仿鄂王祠。下例跪階寒。鐵鑄奸邪。滄海橫流擲此身。翩然披髮上星辰。妻能代死空懷疏。友為存孤肯締姻。救國鄒林終殛賊。黨奸鄆趙本非人。鈴山堂毀生荆杞。終古椒山廟貌新。



# 商務印書館出版尺牘

## 新撰學生尺牘

二册 每部二角五分

是書專為學生作範本共分二十類一致一覆用意  
遣詞兩兩針對最易引入勝凡所議論皆合學生  
口吻文字平易淺顯極易仿效學者引伸觸發不難  
下筆成文矣末附書札各款及擡頭稱謂封套格式  
無不具備尤便初學

## 新撰女子尺牘

二册 每部二角五分

此書體例與前書相仿惟所列各函專就女子設想  
分家庭親長學友三門文字淺顯議論純正語語不  
失女子身分尤為親切有味

## 歷代名人書札

二册 每部四角

## 國朝名人書札

四册 每部六角

本館前編學生女子尺牘以平易為主期適於初學

之用若進而求高尚之作則不能不取林於古昔之  
名著本書博采史傳文集中書札之文自周秦迄明  
得文二百餘篇為歷代名人書札本朝得文三百七  
十餘篇為國朝名人書札

## 歷代名人小簡

二册 每部二角五分

## 國朝名人小簡

二册 每部二角

本書與前書體例相仿惟前書兼收鴻篇鉅製此則  
專取短簡之文上溯周秦中及漢魏六朝而宋之蘇  
黃明之歸張及國朝曾胡諸鉅公之作無不廣為搜  
羅雖寥寥數十百言而意味無窮最足增人興趣

# 商務印書館出版校外用書

## 兒童教育畫

每册七分

本書將修身 國文 歷史 地理 算學 手工 圖畫 體操 動物 植物 礦物 格致 衛生 物理 音樂 歌謠 謎語 風俗 寓言 遊戲 新器械 懸賞畫 中國時事 外國時事 等繪為圖畫以極簡單之文字說明之兒童既閱是圖更讀其文即知大概其年尤幼不識文字者則可由年長者為之講解每册十六頁內插五彩圖八頁顏色鮮明印刷精美兒童閱之自然愛不忍釋

## 童話

每册五分

本書以淺明之文字敘奇詭之情節并多附圖畫以助興趣雖語多滑稽然寓意所在必軌於正使畧識文字之童子時時觀覽足以增長其德智婦女之識字者亦可藉為談助燈前茶後集乳臭之兒為之講說事蹟指點圖畫興趣無窮亦家庭教育之一助也

## 少年叢書

每册一角

本書雜採中外名人足為模範者將其事蹟編為一傳并詳加批評插入圖畫以引起少年之注意記事簡明議論正大語語針對現在社會立言誠學生校外最要之讀本也



小說

時譜目錄

韓斯僥倖

漁家夫婦

玫瑰花萼

趙靈德及趙靈臺

雀復仇

醜髯大王

屨工

獅王

金鵝

金髮三莖之碩人

倫貝史鐵根

伶部

鵲與熊戰

湯姆

奇伶

佛雷段律及葛達琳

牝牡雞

蕪菁

莽中之猶太人

狐夫人

蛙

鵝女

狐

十二舞姬

感恩之獸

三公主

有福兒郎

雪羹

薩潞敦

金山大王

韓賽露及葛律德露

狐及馬

忠義約翰

小說 時譜目錄

二十七

三頁

小 說 時 節 目 錄

二 十 八

五 月

青 燈

阿 育 伯 德 路

少 年 碩 人

緞 工

三 鴉

丕 偉 德

韓 斯 及 其 婦 葛 樂 達 魯

櫻 桃

浩 路 娘 娘

救 生 之 水

彼 得 牧 人

聰 慧 之 四 子

高 珊 莫

菜

鼻

五 僕

金 髮 公 主

盜 婿

三 懶 漢

七 鴉

羅 崙 及 五 月 鳥

鼠 鳥 臘 腸

杜 松 樹

時諧

韓斯僥倖

韓斯事其主者七年。一日謂主人曰。予限滿矣。茲欲歸而覲母。請給我傭資。主人曰。子之爲我僕也。忠慤而勤能。享報宜豐。乃餽以銀一錠。大如其首。韓斯取囊帕裹之。負諸肩。蹀躞上道。久之。疲甚。望望而見一人。騎駿馬至。態頗豪。韓斯羨而呼曰。美哉騎乎。踞鞍高坐。不摧足。不傷屨。人且莫測其所至。騎士聞之曰。韓斯。然則子曷爲步歟。且狼狽若是。韓斯曰。嗟乎。余所荷者銀也。頭不能舉。肩大創。重可知矣。騎士曰。曷易之。吾與若馬。若與我銀。何如。韓斯曰。是吾所大願。惟吾不能不告子者。銀大且重。若荷之不虞。憊乎。騎士曰。否。下馬受銀。且扶韓斯登騎。而奉繮於其手。曰。子欲趣行。當鼓脣而呼曰。叱。斯可矣。韓斯上馬。意甚得。揚揚而前。旣而欲少疾。試鼓脣叱之。馬大奔。韓斯倉皇無措。墜馬下。而顛於路次之溝。馬且逸。適有牧童驅牛過者。爲止之。韓斯旣起。懊懣不已。謂牧童曰。有畜如此。不足乘也。彼躡仆而騰拓。則騎者之頸且斷。吾其不再騎矣。佳哉若牛。苟得之。則可逶邐以躡其後。而又日有湮酪酥餅之可圖。若是牛者。吾甚好之。牧童曰。子謬愛如此。盍請以我牛易若馬。韓斯曰。成矣。牧童乃一躍登騎。攬轡逕行。韓斯亦驅牛而走。雅慶其貿易之幸。曰。吾不難得一方之麩麥。

俗云  
麩包

果爾。則必與酪酥共食。吾若渴乎。則將殺我之牛而飲其漣。人生若是。又何求焉。既而至一小逆旅。韓斯憩坐。食其糝。黎都盡。更以餘錢沽啤酒一卮。飲訖。驅牛而如家村。日方停午。炎暑鬱蒸。行既久。韓斯熱極焦燥。口奇渴。舌敷於梁。籌思曰。吾有疾矣。今當殺我之牛。飲漣止渴。遂繫諸樹下。手執革冠以注漣。久之。弗得一滴。韓斯固非習爲此者。方憂用事之拙。殺不已。而牛性大咆哮。竟蹴其首。韓斯頓踣臥地。沈迷移時。適有屠伯推車而來。上載一豕。扶之起。且問曰。若胡爲至是。韓斯語之故。屠伯贈以一罇。曰。飲此。以蘇若困。若牛必不生漣。老畜無用。祇可供屠割耳。韓斯曰。吁。嗟。誰慮及此。吾今雖殺之。何益。生平惡牝牛之肉。其味不良。使其爲豕。尙可製臘腸。而今已矣。屠伯曰。吾願以吾豕易牛。以愜子之懷。何如。韓斯謝曰。天必報爾之惠。遂推牛與屠伯。而解車上之豕。執其束脰之繩。驅之前行。一往平善。韓斯向雖歷劫。今亦中心美滿矣。繼而又遇一村夫。臂上懸縞麗之鷄一。停步與韓斯語。韓斯詡詡鳴其得意。歷誇數番貿易之利。村夫亦指其鷄而誇示曰。子視之。是鷄佳否。更象八星期之久。燔而食之。肉必腴。誠爲不虛養矣。韓斯揣之於手曰。子言良然。然予豕亦非下材。村夫頻頻搖首。正色曰。好友聽之。爾將以豕故而及於難。吾適自村來。村紳家圈中失一豕。吾見爾豕。頗爲爾焦悚。蓋爾豕酷類村紳之豕。彼輩若捉將爾官裏去。奈何。韓斯大駭。呼曰。善人。救我。

之難。我感甚。請若取我之豕。而以若鵝賜我。可乎。村夫曰。在理。吾弗爾允。今子臨難。吾姑勉從之。於是握繩在手。驅豕從旁徑去。韓斯亦投路而歸。累絕心澄。自思曰。吾終擅貿易之勝。一者烹是鵝。可餉我口腹。二者熬鵝脂。可六月用。三者素羽輝潔。實諸枕中。則吾高臥深深。不虞顛播矣。不知吾母之樂。將如何也。既入村。又見一磨剪之工師。方據石以將事。口吟曰。俯仰山川內。安生樂業人。韓斯聞之。竚顧流連。問曰。磨師。子業殆必獲美利。故樂之不疲。磨者曰。然。吾業。黃金之業也。善磨者以手探囊。金未嘗乏。子胡從購此佳鵝。韓斯曰。吾未嘗購。乃易之以豕。焉得豕。曰。易之以牛。焉得牛。曰。以馬。焉得馬。曰。以銀一錠。大如吾首者。焉得銀。曰。吾服勞七載。而後得之。磨者曰。子涉世以來。亦頗通顯。今但能探手於囊。金無罄時。則獲福無量矣。韓斯曰。甚確。吾今何以圖之。磨者曰。子宜業吾業。惟需一礪。餘皆不戒而集。韓斯曰。吾安可得礪。磨者曰。此一具頗適於用。吾今僅索若鵝之值。售與若。若願沽之否。韓斯曰。子奚必問。苟使我探手於囊而得金。則當爲天下無上之樂。吾何不爲。鵝在斯。子將去可耳。磨者乃取鵝而授以身畔樸陋之石。曰。此大寶也。宜善用之。可以剗削舊釘。韓斯肩石而行。心殊怡曠。兩眼雄視。光奕奕四射。自語曰。吾生逢其時。有欲必遂。且語且行。久之。漸疲。茶。蓋拂曙出門。行一日矣。得牛之時。狂喜。盡揮其金。至此飢腸轆轤。至不能行。而運石又甚艱苦。

最後至一塘畔。思就飲水。且少息。乃置石岸旁。身坐其上。俯掬水而飲之。已而遽忘石在身下。稍一移動。則石墮塘而沒矣。韓斯觀玩良久。石入水深。不復見。於是欣然起立。復屈膝謝上帝之恩。涕泗盈睫。謂重石既去。從此一身無累矣。既又呼曰。吾樂如何。吾樂如何。吾真有天幸焉。非他人之所能及也。遂起行。覺胸中不勝愉快。一無煩惱。百種自由。卒至其家。

伶 部

農家畜一驢有年。驢健而勤。主人之義僕也。既而驢齒漸增。日不堪役。主人以其老也。將殺之。驢知有變。私遁上道。赴大城。自籌曰。吾其往彼爲伶耳。行未遠。遇一犬。喘息道旁。狀殊委頓。驢曰。吾友。子胡爲在此。犬曰。吁。主人以余年老頹廢。不能助之畋獵。將捶吾之首。因遁於此。予將何以圖生。驢曰。聽吾一言。吾將投大城爲伶。子盍從我借往。貢其所長。犬曰。願從。驢與犬遂徐徐而行。未幾。又見一牝貓坐途中。面有憂色。驢曰。好女子。若何爲者。母亦爲不得志者歟。貓曰。唉。予乎。生命且不保。遑言得志。予垂暮之年。甯倚爐從容而歿。不欲逐鼠四室。旁午而生。願主婦執我將溺之。吾今不遭其毒手。亦云幸矣。願不知何以爲生。驢曰。嘻。子唱夜名家。苟一旦爲伶。必可得志。盍從我往。大城一游乎。貓悅其策。亦入隊。既而道過稼場。見一雄雞樓戶上。方竭力而啼。驢曰。善哉。此誠妙音也。不知其中寓意若何。雞曰。吾特報風日。

好景。爲浣裳之辰。乃主婦及膳女輩。不特不謝吾之勞。且言明日欲割吾脰以作湯。而餉來復日之賓。驢曰。天必禁之。雞師。子曷若從吾輩俱去。愈於坐待斷頭矣。且吾輩方組織一部。將往彼大城爲伶。今得子日夕倡和。將來不難別樹一聲歌之場。子其行矣。雞曰。此吾所大願也。於是四者相將去。欣然而行。第一日不及入城。薄暮投林止宿。驢與犬共臥一大樹之下。貓伏枝上。雞謂彌高彌穩。因止其顛。凡雞性未睡時。必先四瞭無事。乃寢。雞方引眺。忽見遠處燈光明煜。因語其伴曰。人家不遠矣。吾適見燈光。驢曰。果爾。吾輩盍移居彼宅。不較此爲適乎。犬曰。吾之意且不止是。苟往而可得殘骨剩馘者。亦殊不惡。遂共如雞所見燈光處。既至。則見巍然一巨室。燈火煌煌。羣盜在焉。驢在隊中爲高。因至窗下。昂首窺之。雞問曰。驢若何所見。驢曰。問余何所見。余見案上佳穀紛陳。羣盜圍坐爲樂。雞曰。此則吾黨之美居也。犬與貓聞之。咸仰首掀鼻。饒吻翕張。涎滲滲然滴不止。急思入而攫食之。乃共謀所以驅盜者。既而得一策。驢屈後脛跪地上。而舉其前足按窗。削立如壁。犬升其背。貓則躋犬之肩。而雞止貓首。戒備既訖。始傳暗令。一時衆樂大作。驢嘶。犬吠。貓鳴。雞喔。毀窗大進。突入其室。間以碎玻璃之聲。旬旬並作。盜大懼。夫盜非懼樂者。且以張樂爲樂。何至於懼。蓋以疑奇妖降禍其身。故驚魂破膽。各鼠竄若不及。盜既去。驢犬貓雞乃高踞座上。分食盜之所餘。橫吞大

噉。若從此一月不可得食者然。既飽滅燈。各擇其地而寢。驢薦藁臥於庭中。犬睡門後。竈中殘灰尚溫。貓伏焉。而雞則棲於屋梁之上。諸客風塵勞頓。少須卽寐。夜將午。盜遠遠見燈熄。室靜。深悔狼奔之無謂。擬復返。中有一人膽獨壯。願先往偵動靜。既至。見室內寂然。大步入廚。摸索得一火柴。將以爇燭。忽望見貓眼之耀射有光。以爲烈煤也。引柴爇之。貓驚醒。遽躍起一撲。且爪其面。盜大驚。奔後戶。犬突出嚙其脛。過庭。驢大蹴之。雞聞聲而寤。力啼。盜大奔。歸見同黨。語其渠曰。室中一劇怪。其指長而多骨。爪傷吾面。一人手握刀。匿於戶後。刺吾脛。一黑魅立於庭。以槌撻我。更有一妖坐屋上。呼曰。投賊而上乎！投賊而上乎！盜黨聞之。咸股慄。遂不敢返。諸伶安然居其居。遂家焉。迄於今尙存。

(未完)



# 行 紀

## 北京巴黎間競車日記

戊申夏秋之間。法人佐治孔爾爾君。忽發奇想。倡議以馬託摩皮車。爲北京巴黎間之探險旅行。歐美各報。爭相傳播。一時震聳全球。好奇者之耳目。當其出發之時。讀者未嘗不疑笑之。乃卒以八十日。由北京。經滿蒙。西伯利亞等處。而達巴黎。歐人好奇者之性質。此其一斑。是書沿途紀程之作也。恢奇詭異。固足以廣聞見。而其所經各地。又多與吾國有絕大之關係。其足資調查者。尤復不少。爰函譯之。原稿係日記體。一切語氣。均仍著者之舊。而蒙古及關外地名。間有不能檢查者。則以原音譯之。海外圖籍不備。閱者見諒。

(一) 出發前之布置及在北京之聞見

中國政府。既允余等所請。余等遂定期於西歷千九百八年六月十號。全隊北發。經戈壁而西北入俄境。又西而德

以達巴黎。

方余之倡此旅行也。其時方三月杪。巴黎馬當報記者某君。曾晒余曰。是區區之馬託摩皮車。君果能挾以遠征。經此萬里寥廓之大地。吾能見其返巴黎耶。余應之曰。唯。且僅八十日。爾某君笑曰。其十年乎。余知其好譴置之。而此志益堅。

嗣余以此旅行託吾法各駐使。告之中俄等國政府。余遂偕余友柯禮儀君。自巴黎至莫斯科。取道西伯利亞。蓋余雅不慣作海行。而意人波格士君。爲余載運馬託摩皮車於意之海口拿波爾。與余分道而馳。

五月十七號之夜。余等抵北京前門車站。往謁我法駐北京公使龐士德君。據云。已代致書於中國政府。於余等未到之前。已得復書認可矣。

是行也。共計馬託摩皮車凡五。偕行者爲意人利米南。新聞記者施可南。君巴黎馬當報記者羅太炎。君機師畢沙。君與余及其他之二機師。并譯人向導等。約及十人。

三十一號。法郵船運馬託摩皮車抵大沽。取道天津而至北京法國使館。公使令駐兵爲余等經理搬運。暫置於彼等營中。此營爲中國舊日宮禁衛隊所築。庚子之役。法兵據之。今仍其舊。營中有前膛巨砲一尊。長八米。達有半。係千六百二十七年。葡王某贈中國者。中國皇帝賜號曰神威。每逢朔望則兵弁向之行禮。此野蠻拜偶像之常事。無足怪也。

六月四號。中國外務部宴余等於其官署。其駐京之衛兵。聞已戒嚴。鎗砲子彈均已發給。蓋爲革命黨之風潮也。是日。慶王復宴余等於其王府。方入門時。忽有砲聲。余等頗訝。疑爲炸彈。而王之神色如老鷹之待雀。不得食者亦無他異。及余等出。響聲如前。歸而詢之。始知爲中國王府大門開闢之禮節也。

余等以某公爵之介紹書。得一瞻中國新建之大學。其生徒皆屬服緩帶。與彼中所謂大人者相類似。最奇異者。悉皆寄宿校中。無口演之講義。而用石印之課本。至其人數。

尚不及吾巴黎一中學校。

北京道路有新築者。與巴黎附郭小村落之田壤相似。未修之道路。則幾不可躡足。地絕寥遠。尙無電車。街間亦無電燈。入夜。不能出門。窮人踰於路旁。挾餅而食。房屋之高。不及四米。上無樓。下無窖。達官貴人以及富者。均乘兩輪之木車。踽踽於道。終日絡繹不絕。

嗟嘆。北京如是。其他可知。恨余無暇一覽歐化之上海。

### (二) 北京至張家口之旅行

布置既畢。糧儲亦備。余等遂於六月十號晨七時啟行。五車由法營相繼而發。途中觀者如堵。我法公使以三色旗。插余車頭。祝法國共和萬歲。

法兵以軍樂前導。余等以極慢之速率。隨之而行。出得勝門十餘里。軍樂隊始放鎗致敬而去。又行十餘里。余等就一小運河之旁。早歷河有橋。橋畔行人相聚。而觀。咸噴噴歎爲奇事。一華人言此橋建築。爲時甚古。余見其石紋。斑駁。欹斜。欲斷。當斷爲耶穌降生前之建築。物橋長約十米。

達。兩端都為沙所沒。石塊均作青色。其光者。鏡有人拾。級而升。石面滑。關幾幾乎不可留足。蓋已年久不修矣。

餐畢。乘車過橋。經過十餘級。其險不可言狀。余等本擬就宿南口。因大雨之後。道路積水。若地沼。且多小石。恐有顛覆之虞。不敢遽行。無何時。已入夜。黑暗莫辨。余等只得。於車中。以二人輪流持械防盜。是夜。竟能安然無事。難者常聞中國北方多盜。今乃幸獲無事。事者近時辦理警察之效力。耶。抑因鐵道交通。盜無所容。耶。請質之政治家。十一號五時啟行。至南口。已出關矣。有法兵數人。蕭蕭結五百枚。已先余等而至。因知余等皮車尚在後。遂俟於此。費駐使之賜也。續皆中國所製。沿途用之。甚便。殊極可口。中國危人之美。信然。

南口地極野鄙。道路尤泥濘不堪。其臭無比。蓋已循長城外而行矣。此城在世界為最大。最古之建築。古時中國以之防禦邊患。其在今日。蓋不能禦一四寸之敵也。是夜宿八達嶺。土人家中相待頗殷。其室以土圍築。有窗而無玻璃。其高不及三米達。

十二號黎明首途。經十餘里。至岳道 (Tchatao) 余等皮車。應穿城而過。不意城門之中。除門限外。尚有石高尺許。不知何所取義。而門又極狹。僅容一車。非去此石。不能過也。余等與該地知縣商議。以重金募土人去此石。皮車始得入城。其時已午後矣。出城門亦然。仍以前法去之。余等出城後。努力前進。而路多小石。殊足阻輿。道中時見駱駝。背有雙峯。鼻為繩所纏。破流血。被地狀頗慘。惻并有無數小駱駝。隨之而行。

是夜宿懷來縣。居民爭出觀。並無畏懼之意。余等以糖果給小兒。彼亦欣然領受。縣官於縣署中。款余等。夜膳并點放煙火技藝之巧。亦不減於巴黎。意聞此地為庚子年中。皇太后。皇帝駐蹕之處。居民文化程度似較岳道畧高。

十三號七時啟行。縣官率幼子與余同乘四十餘里。至一驛亭。款余等以早膳。然後長揖而去。余等亦效而揖之。不

握、手、沿、途、黃、沙、莽、莽、隨、風、撲、面、余、等、眼、為、沙、迷、莫、辨、前、途、之、路、徑、緩、轡、徐、行。

道經無數小土城。土語謂之爲寨。其寨之門。其門出者入者。混雜莫辨。西洋雖無城門。然一公共之門。必分出入兩道。門中亦有巨石。余等苦之。有一塾師某爲余等獻策。先以小石接之。由低而高。漸與石平。復高而低下。至於地。其狀拱起如橋。車即由上經過。余等大嘗試之。良驗。後此經過之門。皆以此法行之。塾師忽問余之生辰。余駭然。譯者告余。以中國有所謂星命之學。以生辰及時刻能推知一生命運。余以西歷無干支。即無八字。因笑謝之。並酬以青蚨二千。塾師狂喜。乃長揖告別。余等亦揖別。午膳於東坡寨之中國客店。有婦女數人。頭插紙花。其足纏若馬蹄。最可怪者。其纏脚束以紅綠色帶。若西洋兵士。然店主人賣技者也。請試演藝。余等却之。但攝一影以爲紀念。夜宿侶士馬鋪。四字譯音。至是已至內蒙古矣。土人繞店而觀。詫爲奇事。余等寢後。尙有多人自他處來者。余令

譯人起告店主。請其演說我輩來意。說者倦而來者仍不絕也。

十四號四時啟行。至雞鳴驛。道路之險。至是已極。沿路盡爲高山。道狹而峻。方余等之行也。友人咸謂行篋裝置不甚合法。余笑之。置不聞。至是頗覺震動。車中物多失序。因思友人之言。確有經驗。至雄帥鋪。譯音。午餐。道畧平。然皆沙石。有車轍深至三四寸。中國人力車之經過者。必須由轍而行。謂爲省力。此車之制。在中國已數千年於茲矣。十五號六時。所經山路。較前尤險。兩面悉爲絕壁。道狹僅容一車。約數里許。始稍寬綽。車馬來往。須停歇。此處盡力呼叫。無有應者。始可通過。否者彼此相遇於狹道中。進退皆維谷矣。行時亦須高聲爲號。第山高音甚多。非久於此道者。不能辨別。誠艱苦也。十時半至宣化府。蓋自北京以來。所過之城。以此爲最大。宣化府知府派兵數十人。列隊以迎余等。其哨官某邀余等至一大客店。言知府今日有祭祀不克親來。深以爲歉。哨官所佩之刀。約五十生的米。

達長約一米達許。其柄纏以繩線。稍係獨木雕成。余等訝其過重。彼乃舞以相示。此等技擊以之征二十年。前之非洲。土人可稱莫前利器。哨官又言現任知府能騎馬放鎗。唱京調。而不吸鴉片煙。好官也。

余等至宣化。始知中國北京客店之詳細內容。一院有房三起。蓋橫於中。而左右各一。每起又分客房臥室兩間。此蓋普通之制。余等所居在院之左。土語謂爲東屋。其牀以泥造成。其中鑲空。冬時置火。則又如窠。彼輩不知通空氣法。亦不知炭氣之能悶人於死也。故冬時往往有死於臥者。

哨官與余等共食。彼食不用刀叉。而以兩小木棍代之。名之爲箸。余等效之。乃竟不能取物。食畢。余等乃觀華兵之食。彼手持餅。乃以麵與葱捲成。雜以醬。亦間以箸取菜少許。和之而食。葱味臭不堪聞。客店之不潔。可謂達於極點。牛馬糞。然如小邱。蠅之集者。飛者。吾無言能狀之。是夜宿於餘陵。(二字譯音)

行紀

北京巴黎間雜記

十六號早六時啟行。十時至張家口。道勝銀行總辦陶禮克派人招待。遂憩於此。早餐午餐亦均在此。土人之爭觀者。較之北京尤甚。車悉停於銀行之天井中。銀行係華式房屋。其建造式樣。全然與歐洲相反。屋低牆高。土人多登牆而窺者。

余等已於昨日發電巴黎。係第一次平安報告。今更以郵報詳細情形。飯後見中國洋務局總辦福某。以酒果饗客。其人吸鴉片煙。面容黃瘦。余等得此絕好機會。遂得詳細考察其器具及其用法。彼又詳爲解說。自耕種而至吸食。層次井井。余等始知鴉片及吸食之各器具。實有美術之性質。并有化學之研究。中國人誠智者也。

由北京至張家口。均用北洋所鑄之龍洋。過此則非銀塊不可。余等乃以銀洋兌換紋銀。最可怪者。彼明言每元七錢二分。以之兌銀。僅值七錢一分。有奇。初時方以爲欺侮外國旅客及詢之。土人亦復如是。乃知中國幣制之紊亂也。張家口之居民。華人百之八十。蒙古人百之十五。俄人

五

己酉

及他國人百之五。

(三) 戈壁之跋涉

十七號五時啟行。平沙茫茫。難以如拳之小石。其狀雖不復險。而苦則倍之。此等道路。若歷二星期。則將無完膚矣。十時至一小城。有華官遣其僕餉余等以茶及雞子牛。舖等物。余以銀一小方與之。彼乃向余曲一膝行禮。余皇然莫知所指。以揖答之。向導者笑。食畢行。

沿途全係沙漠。一望無際。余等甚渴。而無滴水可得。午後七時。始見有一村落。居民約百餘家。遂止宿焉。

十八號六時行沙漠中。荒涼一如昨所見者。余等以地圖得以極快速率馳行。三時之久。已百五十餘。駁羅米達。最可怕者。地多坑窪。余等有一車。陷入沙中。費二時許。始得出險。又行二百餘。駁羅。尙未見有人煙。蓋余等所持以無恐者。爲最有用之指南針及沿路之電桿也。

午後一時。始見有天幕數十起。列平沙中。幕以獸皮爲之。其毛尙有存者。余等就憩。蒙人聚而觀之。向索飲料。僅有

馬乳可購。彼見余等之車。無馬能行。甚以爲奇。多伏車底。仰觀機件。若欲究其如何自動者。但彼等終不悟其理。但相聚狂笑而已。

夜七時宿於彭洪（二字譯音）之電局。有司事一人通英語。率妻子出見。十九日五時行。所見僅僅電桿而已。此外無他物也。午後三時余等以燃料缺乏。分一車赴餘德（二字譯音）往購。余等俟之於此。至夜八時始返。張幕而宿。別有風味。

二十號晚行。百餘。駁羅。忽聞同行者呼曰。樹！樹！蓋自張家口出發以來。至此始見途中草木。俄而竟見三樹。鬱鬱葱葱。其葉可數。旋遇七蒙人與蒙婦。遙呼余等停車。問余等來意。具以告之。彼等中有一人。出一佛像向之跪。騰爲余祈福。并向余等車頭敲指。喃喃若作符咒。并祝余曰。順風歸去。午後至餘德。憩於電局。此局較在彭洪者略大。余等發電至巴黎。此爲第二次報告。司事則某。據稱在餘德電局執事七年。此蓋第一次見有發往巴黎之電也。

蒙人鑿沙爲井。作方形。間可得水。卽就飲其中。駝馬及羊與人共之。蒙婦簪珥以銅鑄成。若蚌形。衣長袍。與天主教之神父相似。其男子裝束。與內地等人彷彿。但赤足而已。廿一號五時行。行約五十餘里。忽經一平原。綠草如茵。清泉可灑。約廣三十餘畝。羅米達。儼然巴黎附近路。易宮之歡步場。自到北京以來。清潔眼界之景物。當推此爲第一。余等流連不舍。遂就是地早膳。此實爲沙漠中之天堂。乃至杳無人跡。中國殖民計畫之疎闊。於是可見。

午後路中見一巨石。聳立如一小邱。驗其質爲珊瑚。潔白如玉。余等各劃一方。留作紀念。自後所經之路。又皆沙漠。一無所見矣。間遇蒙人結隊而過。以牛皮裹鼓。且歌且行。及見余等。以手作勢。呼余等停車。官須向右行。彼等面作紅色。狀貌極活潑。哺時至堆南。二字譯音。應於一喇嘛寺。喇嘛與余等以鮮乳及米。并乞余等享飯。以西餐。又行三十餘里。始宿於野。哺後所行之路。悉係窪濕。無復戈壁中景象。但見蒼白。瓦塊縱橫。四望並有水鳥。蓋是地雖

無湖沼。而瀟水之處。則甚多也。

廿二號五時行。途中多圓石。如歐人遊戲所擊之石。九滑而不穩。殊爲速率之阻力。飛禽甚多。其類半係鷲鳥。蓋蒙人之家畜死斃。則棄之原野。是等鳥類。皆以此爲食料也。

(四) 庫倫

庫倫係一巨城。有中國大官駐此。稱爲都統。職與巡撫畧同。並駐有俄國哥沙克騎兵數營。余等入城。道勝銀行之總辦巴君。偕其夫人來送。遂宿於銀行中。華官饒以二羊及中國酒二罐。是夜寢甚安。

廿三號九時始起。與巴君等乘車郊外散步。濕度至此驟降。其差約三十四度許。路中見蒙人所乘者。牛車與馬而已。無復有駱駝可見。最可奇者。婦人乘馬不側坐。與男子騎法無異。歐人聞之。當爲捧腹。

廿四號早。有庫倫之喇嘛首領。蒙古語謂爲活佛者是也。請巴君爲介紹。遂與余等相見。彼之衣飾。與北京之僧徒大異。而與華人之便衣畧同。但無辮髮而已。彼在蒙古。其

位置勢力之高大。除中國皇帝與西藏之活佛外。無與抗衡。彼向余等告來意。言庚子時俄將軍某會贈彼一汽車。但彼從未用過。求余等為察車之機件。果否鏽爛。余等乃隨之以行。嗣見活佛之所居。較北京之王府尤為闊大。大門之寬。可十餘米。達高可十六米。余等甫至。方欲躡足入。十米達之大門。忽有一紅衣和尙出迎。傳言活佛不願余等入門。乃令三十六人擡其汽車。置諸門外。余等察其製造廠之牌號。係俄京勸工場之品。機械極其薄弱。加以久置未用。鏽腐不堪。余等始告活佛。此車真難修治。君如欲乘汽車。請再取諸倫敦巴黎之市可也。活佛之體甚肥。而其狀貌極為怠惰。面圓如月。黃而有光。蓋彼尙不知肥皂為何物也。彼聞余等之言。甚為懷喪。乃以兩手合十。向空禱釋迦牟尼賜福。此輩誠世界最愚之人。惟法國傳教師狀態。庶其似之。

余等既辭活佛。遂往見庫倫之中國都統。體制極其尊嚴。僕從如雲。一若非此。不足以為大臣者。見則款余等以酒。

果終席。但聞請！請！兩字。此外並無一言。午後行。漸見遠山如黛。至四時許。始越一嶺。計約二時。始至嶺麓。茅舍竹籬。無復沙漠中景象矣。戈壁之行。至是方盡。蓋已至俄爾幹（三字譯音）矣。

方余等之在北京也。彼政府中人深以為險。至今思之。果何如哉。蓋天下事。抱定宗旨。以行。雖復能為我阻。奇絕。絕之戈壁。余等其將復見乎。

（未完）



宣統元年四月職官表 (官京)

各表 職官表

內										府人宗			
武英殿大學士 孫家鼐 禮部尚書 張之洞 東閣大學士 那桐 文淵閣大學士 世續 協辦大學士 梁鼎芬 學士 嚴修 侍讀學士 孫家鼐 侍讀學士 嚴修										宗令 禮親王世鐸 左宗正 肅親王善耆 右宗正 春親王懋勤 左宗人 貝子溥倫 右宗人 郡王鈞勳 朱益藩			
外務部			陸軍部			內閣			軍機大臣				
總理事務 王奕劻 會辦大臣 那桐 尚書 梁敦彥 侍郎 梁敦彥 右侍郎 梁敦彥 左侍郎 梁敦彥			軍機大臣 王奕劻 廣親王 奕劻 肅親王 奕劻 慶親王 奕劻			內閣 孫家鼐 大學士 孫家鼐 各部尚書 孫家鼐			陸軍部 王奕劻 右侍郎 王奕劻 左侍郎 王奕劻				
部政民		部支		部大國各使出		部務外		部政民		部禮			
右侍郎 林紹年 左侍郎 烏珍		右侍郎 吳敬修 左侍郎 吳敬修		右侍郎 李奕劻 左侍郎 李奕劻		右侍郎 曹汝霖 左侍郎 曹汝霖		右侍郎 曹汝霖 左侍郎 曹汝霖		右侍郎 曹汝霖 左侍郎 曹汝霖			
部禮		部支		部大國各使出		部務外		部政民		部禮			
右侍郎 曹汝霖 左侍郎 曹汝霖		右侍郎 曹汝霖 左侍郎 曹汝霖		右侍郎 曹汝霖 左侍郎 曹汝霖		右侍郎 曹汝霖 左侍郎 曹汝霖		右侍郎 曹汝霖 左侍郎 曹汝霖		右侍郎 曹汝霖 左侍郎 曹汝霖			
部法		部軍陸		部學		部法		部法		部法			
右侍郎 沈家本 左侍郎 沈家本		右侍郎 沈家本 左侍郎 沈家本		右侍郎 沈家本 左侍郎 沈家本		右侍郎 沈家本 左侍郎 沈家本		右侍郎 沈家本 左侍郎 沈家本		右侍郎 沈家本 左侍郎 沈家本			
部法		部軍陸		部學		部法		部法		部法			
右侍郎 沈家本 左侍郎 沈家本		右侍郎 沈家本 左侍郎 沈家本		右侍郎 沈家本 左侍郎 沈家本		右侍郎 沈家本 左侍郎 沈家本		右侍郎 沈家本 左侍郎 沈家本		右侍郎 沈家本 左侍郎 沈家本			



(官外) 表官職月四年元統宣

林		吉		天		奉	
職		文		防		文	
哈爾濱道	西路兵備道	勸業道	提法使	度支使	民政使	交法使	奉天
趙學基	杜學源	徐鼎霖	吳濂	曹廣楨	謝汝欽	郭邦選	正任唐紹怡
職		文		防		文	
黑龍江副都統	呼倫貝爾副都統	管理事務	府尹	府丞	府尹	府丞	副都統
陸潤庠	陸潤庠	陸潤庠	陸潤庠	陸潤庠	陸潤庠	陸潤庠	陸潤庠
職		文		防		文	
黑龍江副都統	呼倫貝爾副都統	管理事務	府尹	府丞	府尹	府丞	副都統
陸潤庠	陸潤庠	陸潤庠	陸潤庠	陸潤庠	陸潤庠	陸潤庠	陸潤庠
職		文		防		武	
熱河都統	察哈爾都統	密雲副都統	副都統	副都統	副都統	副都統	副都統
延	延	延	延	延	延	延	延
職		文		防		武	
熱河都統	察哈爾都統	密雲副都統	副都統	副都統	副都統	副都統	副都統
延	延	延	延	延	延	延	延
職		文		防		武	
熱河都統	察哈爾都統	密雲副都統	副都統	副都統	副都統	副都統	副都統
延	延	延	延	延	延	延	延
職		文		防		武	
熱河都統	察哈爾都統	密雲副都統	副都統	副都統	副都統	副都統	副都統
延	延	延	延	延	延	延	延

各表

職官表

二十七

己酉

(官外) 表 官 職 月 四 年 元 統 宣

甘		西				陝				南				河	
職	文	防	駐	職	武	職	文	職	武	職	文	職	武	職	文
按察使	提學使	右翼副都統	左翼副都統	西安將軍	漢中鎮	延安鎮	延安鎮	延安鎮	延安鎮	延安鎮	延安鎮	延安鎮	延安鎮	延安鎮	延安鎮
陳	陳	文	文	文	文	文	文	文	文	文	文	文	文	文	文
廉	廉	瑞	瑞	瑞	瑞	瑞	瑞	瑞	瑞	瑞	瑞	瑞	瑞	瑞	瑞
甘		新				甘				甘					
職	武	職	文	防	駐	職	武	職	文	職	武	職	文	職	文
伊	巴	阿	提	克	阿	伊	衛	提	布	涼	寶	寶	寶	寶	寶
輝	里	克	督	什	克	塔	塔	塔	塔	州	州	州	州	州	州
順	坤	爾	蘇	爾	爾	爾	爾	爾	爾	爾	爾	爾	爾	爾	爾
馬	馬	楊	魚	增	增	增	增	增	增	增	增	增	增	增	增
玉	福	鴻	大	佑	佑	佑	佑	佑	佑	佑	佑	佑	佑	佑	佑
昭	祥	佑	榮	佑	佑	佑	佑	佑	佑	佑	佑	佑	佑	佑	佑
江		新				江				新					
職	文	防	駐	職	武	職	文	防	駐	職	武	職	文	防	駐
按察使	提學使	副都統	副都統	副都統	副都統	副都統	副都統	副都統	副都統	副都統	副都統	副都統	副都統	副都統	副都統
李	支	勝	勝	勝	勝	勝	勝	勝	勝	勝	勝	勝	勝	勝	勝
恒	支	恩	恩	恩	恩	恩	恩	恩	恩	恩	恩	恩	恩	恩	恩
元	元	恩	恩	恩	恩	恩	恩	恩	恩	恩	恩	恩	恩	恩	恩
江		江				江				新					
職	武	職	文	防	駐	職	武	職	文	職	武	職	文	防	駐
南	九	廣	廣	廣	廣	廣	廣	廣	廣	廣	廣	廣	廣	廣	廣
順	江	九	九	九	九	九	九	九	九	九	九	九	九	九	九
順	江	九	九	九	九	九	九	九	九	九	九	九	九	九	九
邱	李	文	文	文	文	文	文	文	文	文	文	文	文	文	文
俊	雲	文	文	文	文	文	文	文	文	文	文	文	文	文	文
鳳	峯	文	文	文	文	文	文	文	文	文	文	文	文	文	文
南		湖				北				湖					
職	文	防	駐	職	武	職	文	防	駐	職	武	職	文	防	駐
岳	岳	右	左	右	左	右	左	右	左	右	左	右	左	右	左
常	常	翼	翼	翼	翼	翼	翼	翼	翼	翼	翼	翼	翼	翼	翼
漢	漢	副	副	副	副	副	副	副	副	副	副	副	副	副	副
水	水	都	都	都	都	都	都	都	都	都	都	都	都	都	都
沅	沅	統	統	統	統	統	統	統	統	統	統	統	統	統	統
水	水	統	統	統	統	統	統	統	統	統	統	統	統	統	統
靖	靖	統	統	統	統	統	統	統	統	統	統	統	統	統	統
江	江	統	統	統	統	統	統	統	統	統	統	統	統	統	統
統	統	統	統	統	統	統	統	統	統	統	統	統	統	統	統
昌	昌	統	統	統	統	統	統	統	統	統	統	統	統	統	統
昌	昌	統	統	統	統	統	統	統	統	統	統	統	統	統	統

各表 職官表

二十八

五月

(官外) 表官職月四年无統宣

各表  
職官表

東 廣		州		西		南 廣	
職	文	防	駐	職	武	職	武
巡警道	勸業道	提學使	按察使	提學使	布政使	總督	提督
王榮	陳乃	丁汝	沈乃	胡乃	王人	張國	曹志
廣	廣	廣	廣	廣	廣	廣	廣
職	文	防	駐	職	武	職	文
太平	左江	右江	桂平	提學使	按察使	巡撫	布政使
李國	紀堪	吳登	劉永	王芝	李翰	張景	李翰
廣	廣	廣	廣	廣	廣	廣	廣
職	文	職	武	職	文	職	武
貴州	勸業道	提學使	按察使	提學使	布政使	總督	提督
文	王	嚴	陳	龐	龐	龐	龐
廣	廣	廣	廣	廣	廣	廣	廣
職	文	職	武	職	文	職	武
廣	廣	廣	廣	廣	廣	廣	廣

二十九

說明  
本表所列京官以四品卿堂及御史為限。外官文職以道員為限。武職以總兵為限。其重要差使。雖非實缺。亦附列焉。  
本表均載實缺人員。無實缺者。則載署事人員。惟尙書侍郎總督巡撫兼載本缺及署缺。  
本表以本月抄止由上諭發表者為據。其不經明發上諭者。則以本季之精神錄為據。

己酉

宣統元年四月金銀時價一覽表

日	初一	初二	初三	初四	初五	初六	初七	初八	初九	初十	十一	十二	十三	十四	十五	十六	十七	十八	十九	二十	廿一	廿二	廿三	廿四	廿五	廿六	廿七	廿八	廿九	三十
每兩	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	
小龍圖每十	六六〇	六六〇	六六〇	六六〇	六六〇	六六〇	六六〇	六六〇	六六〇	六六〇	六六〇	六六〇	六六〇	六六〇	六六〇	六六〇	六六〇	六六〇	六六〇	六六〇	六六〇	六六〇	六六〇	六六〇	六六〇	六六〇	六六〇	六六〇	六六〇	
網圖每百	五五〇	五五〇	五五〇	五五〇	五五〇	五五〇	五五〇	五五〇	五五〇	五五〇	五五〇	五五〇	五五〇	五五〇	五五〇	五五〇	五五〇	五五〇	五五〇	五五〇	五五〇	五五〇	五五〇	五五〇	五五〇	五五〇	五五〇	五五〇	五五〇	
市錢千每	六五八	六五八	六五八	六五八	六五八	六五八	六五八	六五八	六五八	六五八	六五八	六五八	六五八	六五八	六五八	六五八	六五八	六五八	六五八	六五八	六五八	六五八	六五八	六五八	六五八	六五八	六五八	六五八	六五八	
暹羅每兩	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	七三〇	
西銀本洋	九〇〇	九〇〇	九〇〇	九〇〇	九〇〇	九〇〇	九〇〇	九〇〇	九〇〇	九〇〇	九〇〇	九〇〇	九〇〇	九〇〇	九〇〇	九〇〇	九〇〇	九〇〇	九〇〇	九〇〇	九〇〇	九〇〇	九〇〇	九〇〇	九〇〇	九〇〇	九〇〇	九〇〇	九〇〇	
標金兩每	八三六	八三六	八三六	八三六	八三六	八三六	八三六	八三六	八三六	八三六	八三六	八三六	八三六	八三六	八三六	八三六	八三六	八三六	八三六	八三六	八三六	八三六	八三六	八三六	八三六	八三六	八三六	八三六	八三六	
英鎊每	三三六	三三六	三三六	三三六	三三六	三三六	三三六	三三六	三三六	三三六	三三六	三三六	三三六	三三六	三三六	三三六	三三六	三三六	三三六	三三六	三三六	三三六	三三六	三三六	三三六	三三六	三三六	三三六	三三六	

各表 金銀時價表

三十

五月

說明

本表將各種錢幣時價。按日登載。以上海規銀一兩為單位。如初一日龍圓時價為〇・七三八。即言龍圓一圓。值規銀七錢三分八釐也。餘可類推。

各種銀兩。秤色不同。然大都有一定比例。略舉如下。

規銀千兩 合庫券銀 九一二・五〇  
 規銀千兩 合關稅銀 八九七・六五  
 規銀千兩 合廣稅銀 九〇六・三〇

各國金幣。輕重不同。本表只列英國金鎊。茲更將各國金幣。與英鎊之比例。略列如下。

各國金幣 英國金鎊 三九六・五  
 法國佛郎 四九六・八  
 德國馬克 二〇六・一八  
 日本金圓 二〇三・〇

欲知法國佛郎之時價。則查明是日英鎊之時價。以〇・三九六五乘之。便得。有時因匯水漲落。稍有出入。然所差亦甚微矣。

# 附 錄

## 土耳其重頒憲法條文 五續第

下議院

第六十五條 下議院議員額應統計亞多芒全國男數。取五萬之一以爲定。

第六十六條 議員用匿名投票法選舉。其式俟訂立專章。再行規定。

第六十七條 議員得以部臣兼充。民官則否。民官被選議員。雖辭受一從其便。然既受員職。即應辭退官職。

第六十八條 下開各人。不得選充議員。一不列亞多芒民族者。二爲他國任事。照實行專章。享受各種優免者。三不知土國語者。四年歲不及三十者。五爲僑人任事者。六例產未復權者。七行爲不端。爲公衆所鄙薄者。八爲訟案禁止。未經弛釋者。九不得享有民權者。十欲入他國籍者。第二期四年畢

事後續選各員。以能操土國語。或更能書土文爲合格。第六十九條 選員每四年一舉。任職祇及四年。然任滿仍可被選。

第七十條 選舉定十一月一號開會前四箇月舉行。第七十一條 每員爲亞多芒全數代表。非專爲被舉一部分代表。

第七十二條 選員人應各就所屬省居民中選舉。第七十三條 設議院承旨解散。應及時選員。俾於既散後六箇月內。得以重立。

第七十四條 設議員中有亡故訟禁久假。及犯法受刑。或充民官。致失議員資格者。應照選舉律派員接代。并遲至下屆會期。即應任事。

第七十五條 接代員之職務。至下屆選舉期爲止。第七十六條 每員於每會期。由國幣內撥給二萬土圓。作爲本屆公費。及往返川資。此項係照津貼地方官路費章程。并依月薪五千圓之計算。

第七十七條 下院設總會長一員。副會長二員。均由土帝選派。其選派法。先經本院多數舉定九員。開列一單。註明某三員可充總會長。某三員可充第一副會長。某三員可充第二副會長。選定由土帝勅任。

第七十八條 下院開會。公諸衆庶。設部臣會長。或議員中得十五之數。因事會議。且所議應秘密取決。則閉局。議會。不令衆聽。

第七十九條 各議員在會期內。非有犯罪實據。爲本會多數公允逮捕者。不得拿究。

第八十條 律稿既經交院。即由院開議。有關於財政憲法者。或認可。或改良。或駁回。得相機以行。國家用款。列入豫算表者。得詳細考核。并與部臣商同限止。收款之用。抵出款者。其性質類數體裁。得與部臣會同確定。

司法

第八十一條 凡裁判官之照專律選用。并執有憑照者。祇准自辭。不得黜退。其遞升更調告退。暨因罪被黜等

事。亦照此律。此律將裁判官及凡屬裁判界內之官之規則資格。一一畫定。

第八十二條 各級裁判所。均准庶民觀審。訟件均准宣佈。惟國律載明之特別事故。則局戶密審。

第八十三條 不論何人。爲自爲辯護起見。得於裁判所用國律准行之各種方法。

第八十四條 裁判所應理之事。不得藉辭推諉。訟案之既經研究開審者。非原告自願罷息。不得停止延擱。然民事之關乎刑法者。雖原告自願罷息。仍當續審。

第八十五條 事到某所。即歸某所裁判。商人與國家交涉。歸尋常裁判所辦理。

第八十六條 各所之事。概不准干涉。

第八十七條 教務歸教務所裁判。民事歸民事所裁判。

第八十八條 各裁判所之種類能力職權薪俸。均由國

律規定。

第八十九條 各種尋常裁判所外。不得巧立名目。另設



特別裁判所。或裁判員。以審特別事件。然仲裁裁判所。及公斷員。亦國律規定內所許可。

第九十條 裁判官不得兼充食俸職官。

第九十一條 當設帝國檢察。以理民事。其職權升階。亦由國律規定。

### 高等法院

第九十二條 高等法院以三十員組成。上議院十員。參議院十員。又十員則於大審院控訴院內之院長院員中選取。各員用掣籤法派用。有事則遵旨會集於上議院廳事。其職權係審判部臣。大審院院長。院員誘毀君上。或妨害本國治安等罪。

第九十三條 高等法院以兩部分組成。一曰控告所。一曰訊質所。控告所九員。即於本院籤派員中支配。三爲上議院員。三爲參議院員。又三爲大審院或控訴院員。第九十四條 訟件應發交訊質所者。先由控告所依三二多數決可宣佈。控告所各員。不得干涉訊質所之評

議。

第九十五條 訊質所用二十一員支配。七爲上議院員。七爲參議院員。又七爲大審院或控訴院員。凡訟件交由控告所者。訊質所即依本所各員三二多數。并照實行法律審判。一經定讞。不得翻案上控。

### 財政

第九十六條 凡稅課之利於國家者。除遵照國律外。不得建設分配徵收。

第九十七條 豫算表駭國家收支兩項稅課之利於國家者。其位置分配徵收。均由國律規定。

第九十八條 國律之關乎豫算表者。應逐款經國會研究取決。其黏附之收付細單。應照章分某篇某節某款。而取決則祇按篇。

第九十九條 豫算表律稿。應於下議院開會時。即行交議。俾本表開辦之初。得以實行。

第一百條 凡不列豫算表之支款。除遵照國律外。不得

在公款內動用。

第一百零一條 設遇非常時際。有緊要事故。則部臣得於國會未開之際。遵旨建設收款。并開支豫算表未載之款。但須於下屆開會時。先以此項律稿聲明國會。

第一百零二條 豫算表議決。以一年為限。除實行本表之一年外。無國律效力。設因意外事故。當豫算表未經議決之前。下議院忽遭解散。則部臣得遵旨傳諭。將上年豫算表照辦。至下屆會期為止。此為暫時辦法。不得過一年。

第一百零三條 本年收支項下之實數。應逐款註明於豫算表定章之專律上。其格式及分配法。與豫算表同。第一百零四條 豫算表定章之律稿。應於實行本表之前。上一年後四箇月內。聽候下議院酌奪。

第一百零五條 設權算處一所。凡出納會計財用。及各部彙送之年冊。統歸稽核。每年由該處將所辦總造一專單。附以評語。送交下議院。每季又將款項盈絀情形。

報由國務大臣進呈土帝。

第一百零六條 權算處以十二員組成。此十二員經土帝簡用。終身任職。即查有可黜之故。非經下議院多數決可。仍不得黜。

第一百零七條 權算處各員之等級身分職務。及一切辭代升退規則。并該處組織各法。俟將來訂有專律。再行規定。

省治

第一百零八條 省治為分任中央集權之基礎。其組織精細。由將來專律規定。

第一百零九條 凡省會郡會鄉會。及每年在省城會集之總會。其選舉法最廣。應由專律規定。

第一百十條 總會職務。亦規定於選舉律中。載明如下。一凡有關公益之舉。均當酌辦。如修治道路。設立勸業銀行。擴充農工商。推廣教育等是。一凡稅課之分配徵收。或他項事故。如有違犯國律專章等情。得聲告

該警官以期更正。

第一百十一條 每鄉應設總會一所。以統一各同社。該會應可稽查等事。載明如下。一發起人或本地俗例規定之各項進款、不動產、慈善費之管理法。二遺囑捐助之佈施救濟等款之運用法。三遵照專章設立之郵孤院。其公款之管理法。每會以同社員公舉之會員組成。應照將來專章辦理。此項總會。應歸地方官或各省總會管轄。

第一百十二條 康斯但丁及外省之自治局事務。應歸公舉之自治員管理。自治局之組織職務。及會員選舉式。由將來專律規定。

雜款

第一百十三條 設查得本國某處必有亂象。政府得飭行軍律。民法暫置不用。至地方管理法。應暫照軍律之處。由將來專律規定。如有公認侵害治安之人。又經巡警處信實報告。則土帝有將此項人等逐逐出境之權。

第一百十四條 凡亞多芒均受初級小學之驅迫。其詳細辦法由將來專律規定。

第一百十五條 不論何條憲法。不得藉辭間斷或毀棄。  
第一百十六條 如查得憲法中確有關係之處。則亦可更改數條。其更改法應照下開各節辦理。部臣或上下議院所陳。擬改各條。應先交下議院酌奪。如經下議院三二多數許可。則再交上議院。如上議院亦經三二多數許可。則呈請土帝主裁。一經旨准。即定為國律。凡憲法中擬改各條。經上下院酌奪後。其停行日期。自廷旨照准日起。

第一百十七條 法律分三院解釋。民法刑法歸大審院。行政法歸參議院。憲法歸上議院。

第一百十八條 凡現行各項律例習俗。苟不為國律定章所改廢。則依舊照行。

第一百十九條 土歷一千二百九十三年十月十號（即一八七六年十月二十八號）所頒暫定訓條之關

於國會者。行至第一期開會告竣日為止。

附土皇親臨國會之詔文

土耳其立憲之有成。為土國少年黨之功。此盡人皆知者也。當土皇臨議院行開會大典時。議員雲從。威儀極盛大。抵自土耳其立國以來。允推此日為舉國最樂之日。土皇於開會時。命宰相宣讀詔書。其詞頗巧。可以識土皇智量矣。其詞曰。咨爾衆。其聽朕言。朕承帝位三十。二載。前者眷念元元。曾佈立憲之詔。冀上下一心。相我皇國。乃因國民程度不一。創始艱難。朕以時會未來。徒滋兀臬。爰收回詔旨。聿保國基。自是而還。國民益振。文化大被。教育普及。心理滋宏。同趨憲法之情。舉國一致。唯嗚嗚。我元元其真可與圖治矣。朕俯察物情。仰承天聽。既審我民深。知憲法之理。堪負民權之任用。是朕極愉悅。莫能陳宣。乃更因天休。重宣立憲。此蓋內發真誠。為元元策久遠。而非出自強逼也。朕心決矣。朕曾既宜永不移矣。今而後憲政實行全國矣。朕輔臣奇亞

迷之內。開必奉行。朕意聿修。新圖用宏。我不丕之。基嗚呼。我皇國君臣。其戮力同心。又安永世無怠哉。吁。天步艱難。國土分析。爾衆元元代表。其聽朕殷怒之言。布加利亞王意。棄三正。脫我邦之輯。曠矣。東羅馬尼亞。總督跋扈。不臣大言。自壯。露布獨立矣。而與國則。蓋食鯨吞。不軌於正。竟攘波司尼亞。黑塞哥維那兩地。以擴版圖。侮悖公法。凌蔑條約。不顧我國之損益。凡此災咎。叢集朕躬。爾臣庶亦必傷於厥懷。幸朕之使。臣竭力折衝。效忠王室。樽俎周旋。用圖永利。爾國會其謀安輯。元元蒐討軍實。禦侮抗暴。永障邦土。朕深資倚重。爾其勵哉。

我國與列邦交際。揖讓敦睦。誠信孚洽。故今巴爾幹兀。桌不甯之狀。必能藉各國友誼。解此擾攘問題。可冀保障和平。永世無極。嗚呼。我皇國。爾其清白乃心。永靖邦家。朕有厚望焉。



# 品夏消之二無一惟

目之君為大暑消遣大味離皆說新館小見增悅所無年夏  
 如助消 減茲磨睡足濃奇情最出年說莫長性以事清日  
 下列夏諸價特炎魔驅郁趣事夥小來本如聞情怡求閒如

## (一) 偵探小說二十種碼洋

六元三角實洋三元五角

案中案 黃金血 降妖記 鐵錘手 二備案  
 寶石城 雙指印 指環燕 桑伯約偵探案 毒  
 藥附 一萬九千磅 指中秘錄 車中毒針 寒  
 桃記 白巾人 金絲髮 新飛艇 中國女偵探  
 香囊記 康外人

## (二) 言情小說二十六種碼

洋十一元實洋六元

淺那羅買戈 劍底驚雲 天際落花 鐵血俠  
 美人煙草 波乃留傳 珊瑚美人 迦爾小傳  
 鐵情記 尸權記 空谷佳人 玉容留痕 寶靈  
 璇寶奇緣 寒牡丹 洪翠女郎傳 勝巾花  
 三字歌 不如歸 紅袖畫雙錄 西利亞那主別  
 傳 情俠 血泊驚鴻 美人磁 匈奴奇士錄  
 青衣記

## (三) 社會小說十二種碼洋

七元六角實洋四元

巴黎繁華記 文明小史 技擊餘聞 樓湖仙影  
 市聲 旅行述異 佛女界 博徒別傳 天囚  
 鐵梅錄 白頭少年 蛇女士傳 慧星等場錄

## (四) 神怪小說十種碼洋六

元六角實洋三元五角

英國詩人吟邊燕語 鬼山狼俠傳 七星寶酒  
 埃及金塔湖尸記 變荒志異 紅星俠史 雙洲  
 櫻水慈航錄 鐵乳欄腰 大食故宮餘載 英李  
 子火山報仇錄

## (五) 冒險小說十種碼洋四

元零五分實洋二元四角

小仙源 金銀島 魯濱孫飄流記 魯濱孫飄流  
 續記 書金山 霧中人 雙隊驚駭記 瓊島志  
 敵 冰天瀟樂記

## (六) 歷史小說十五種碼洋

十三元六角半實洋七元

寶國奴 俠隱記 大俠紅鬃傳 玉樓花報  
 遮那得自投八事 恨綺愁離記 法宮秘史 不  
 測之威 雙冠聖 泰西歷史演義 十字軍英雄  
 記 續俠隱記 聲劍客傳 金風鐵雨錄 魏後  
 英雄略

## (七) 繡像小說七十二冊碼

洋七元二角實洋四元

注意  
 每類均須  
 全售概不  
 零拆

一購者均須  
 現款概不  
 記帳  
 一減價自五  
 月十五  
 為始至七  
 月底止過  
 期仍照定  
 價發售  
 一每種中如  
 有先已購  
 閱不欲復  
 購者可就  
 單內定價  
 相同之書  
 掉換

上海商務印書館各分館同啓

# 三井洋行

總行在日本國東京

分行

本國 札幌 函館 橫濱 名古屋

屋 大阪 神戶 門司 若松

唐津 長崎 口之津 三池

臺北 清國 廣東 廈門 上海 漢口

芝罘 天津 牛莊 大連灣

韓國 京城 仁川

印度 孟買

香港

爪哇

馬尼拉

新嘉坡

大英 倫敦

德國 漢堡

美國 紐約 舊金山

新金山 西士尼

啓者本行開設上海有年歷蒙各省紳商垂顧貨真價實莫不交相稱譽現將專辦東西各國各種貨物略舉名目開列於後

軍裝 煤炭 五金 棉花 棉紗 棉布 絲

布 火柴 人參 木料 米 雜糧 各樣機

器 洋灰 紙煙 各種雜貨

再代辦各國有名水火保險公司事務以及東西各國

有名商工公司事務發售貨目開列於後

兵船 輪船 軍火 紡織 染色 防火 滅水

火車 製紙 印書 電氣 麵粉 皮帶 製

造銀元銅元各種機器

各省紳商賜顧本行格外克己以廣招徠請駕臨上海

四川路第十七號門牌面議可也

日本商 上海三井洋行謹啓